

Siunnersuummut nassuiaatit

## **Nassuiaatit nalinginnaasut**

### **1. Aallaqqaasiut**

Siunnersuummi siunnersuutigineqarpoq umiarsuit takornarianik angallassisutit ilaasunik angallassinerrannut akileraarutit umiarsualivimmiinnermut akileraarutit pillugit Inatsisartut inatsisaata allanngortinneratigut atuutilerseqqinneqassasut. Inatsisartut inatsisaata qulequtaa matuma kingorna imatut allanngortinneqarpoq *Umiarsualivimmiinnermut aamma umiarsuarni takornarianik angallassisuni ilaasut akileraarutaat pillugit Inatsisartut inatsisaat.*

2023-mut aningaasanut inatsit pillugu isumaqatigiissummi Inuit Ataqtigiit, Siumut, Naleraq, Demokraatit aamma Atassut akornanni isumaqatigiisutigineqarpoq umiarsuit takornarianik angallassisutit ilaasunik angallassinerrannut akileraarutit atuutilerseqqinneqassasut. Akileraarutinit isertitat umiarsualiviit iluarsaannerannut aningaasalersuinnermut tapersiissutaassapput.

Siunnersuutigineqarpoq umiarsuarni takornarianik angallassisuni ilaasut akileraarutaat umiarsuit Kalaallit Nunaanni umiarsualivimmut tulannerit umiarsualiviilluunniit avataanni kisarnerit tamaasa (umiarsuit kisarfimmiittut ilanngullugit) umiarsuarmi ilaasut amerlassusaat tunngavigalugit akilerneqartassasut. Umiarsuarni takornarianik angallassisuni ilaasut akileraarutaat umiarsualivimmiinnermut akileraarutinit ilassutaapput, ullumikkut umiarsuarnut takornariartaatinut mikinerusunut ullumikkut inissisimaffigisap assinganiitillugu attanneqassanera siunnersuutigineqarluni. Umiarsuarnut takornariartaatinut angisuunut umiarsualivimmiinnermut akileraarutip marloriaatinngortinnissaa siunnersuutigineqarpoq. Umiarsualivimmiinnermut akileraarutit Kalaallit Nunaanni umiarsualivimmut tulannerit umiarsualiviilluunniit avataanni kisarnerit il.il. tamaasa umiarsuup tonnagea (usitussusia) piffissarlu umiarsualivimmi tulaqqaneq aallaavigalugit akilerneqartassapput.

Siunnersuutigineqarpoq umiarsualiveqarnermut oqartussanut paasisutissat suliamut attuumassuteqartut tamaasa elektroniskinnngorlugu immersugassami umiarsuup naalagaata, isumaqatiginninniartartuata imaluunniit agentiaata nalunaarutigisassagai. Kingusinnerpaamik Kalaallit Nunaanni umiarsualivimmit aallarnermi immersugassaq umiarsualiveqarnermut oqartussanut nassiunneqassaaq. Elektroniskinnngorlugu immersugaaq umiarsuup suussusia, umiarsuup usitussusia bruttotonit (BT-tut) nalunaagaq, ilaasut amerlassusaat, taakkulu nunami suminngaaneersuuneri, ullut unnuallu aallartittut umiarsualivimmiinnerit amerlassusiviit, ajornanngippallu kommuninut avatangiisinut aserfallatsaaliuinnermullu akitsuutit naatsorsornissaannut akilersinnissaannullu atortussatut paasisutissat pillugit paasisutissanik imaqqassaaq. Elektroniskinnngorlugu immersugassap nassiunneranut

peqatigitillugu, assersuutigalugu atsiornermik ilaqartutut regnearkimut pdf-inngortitaq, akileraarutit akiligassat akiligassanngortut, akiligassallu akilerneqartussat umiarsualiveqarnermut oqartussanut akilerneqassapput.

Siunnersuutigineqarpoq umiarsuarni takornarianik angallassisuni ilaasut akileraarutaat atuutilerseqqinnerat peqatigalugu Umiarsualivimmiinnermut aamma umiarsuit takornarianik angallassissutit ilaasunik angallassinerannut akileraarutit pillugit Namminersornerullutik Oqartussat nalunaarutaat nr. 5, 7. marts 2003-meersoq naapertorlugu umiarsualivimmiinnermi akileraaruteqartussaataanninnerup atuuttup inatsimmut nuunneratigut inatsit pitsanngortinneqassaaq.

## **2. Siunnersuummi immikkoortut pingaarnerit**

### **2.1 Tunuliaqut inatsisillu atuuttut**

Umiarsuarni takornarianik angallassisuni ilaasut akileraarutaat 1. januar 2003 atuutilersumik ilaasumut ataatsimut 300 kr.-usoq atuutilersinneqarpoq. Umiarsuaq takornariartaat Kalaallit Nunaanni umiarsualivimmut tulappat, kisarfimmiilerpat, ilaasut sinerissamut nunaligunneqarpata akileraartussaataaneq atuutilertarpoq. Umiarsuarni takornariartaatini ilaasunut akileraarut umiarsualivimmiinnermut akileraarummut tonnageamut akileraarutaasumut taarsiullugu atuutilerpoq. Ilaasumut akileraarut angalanermi ilaasumut umiarsuup angalanermi ilaasorisaanut ataatsimut ataatsimut akileraarutaavoq. Taamaalilluni ilaasut nutaat tamarmik umiarsuup takornariartaatip ilaasoriligai akileraaruteqartussaapput.

Umiarsuit takornarianik angallassissutit ilaasunik angallassinerannut akileraarut 1. april 2006 ilaasumut ataatsimut 450 kr.-nut qaffanneqarpoq, peqatigitillugulu assigiinngitsunit aallarfeqarluni/assigiinngitsunut tikiffeqarluni akileraarut ilaasumut ataatsimut 450 kr. atuutilersinneqarpoq. Assigiinngitsunit aallarfeqarluni/assigiinngitsunik tikiffeqarluni akileraarut angalanermi tamarmi ilaasunut assigiinngitsunit aallarfeqarluni/assigiinngitsunut tikiffeqarluni umiarsuarni takornariartaatinut ilaasunut aamma Danmarkimit, Savalimmiunit nunaniillu allanit angalanermik aqqissuussinerup ilaatut bilitsimik pisisimasunut akileraarutaavoq.

Umiarsuit takornarianik angallassissutit ilaasunik angallassinerannut akileraarut aamma assigiinngitsunit aallarfeqarluni/assigiinngitsunut tikiffeqarluni ilaasumut ataatsimut akileraarut 1. januar 2009-mit 525 kr.-nut qaffanneqarpoq.

Umiarsuarni takornarianik angallassisuni ilaasut akileraarut aamma assigiinngitsunit aallarfeqarluni/assigiinngitsunut tikiffeqarluni akileraarut 1. juni 2015 atorunnaarsitaavoq. Umiarsuit takornariartaatit taarsiullugu umiarsualivimmiinnermut tonnageqamut atuuttumik akileraarutaasumik akiliisussaapput. Takornariartaatinik angallataatileqatigiiffiilli ilaasut

inuaassuseqarnerannut agguarlugit ilaasut amerlassusaat suli nalunaarutigisartussaavaat. Inatsit § 2-ani umiarsuit akileraartussaannigitsut allattorsimapput.

Umiarsuit takornarianik angallassissutit ilaasunik angallassinernannut akileraarutaannik atorunnaarsitsinermut tunngavik ilaatigut tassaavoq misissueqqissaarneq Kalaallit Nunaata unammillersinnaassusia umiarsuit takornarianik angallassissutit ilaasunik angallassinernannut akileraarutaannit malunnartumik sunnerneqartoq takutitsisoq. Islandimi Svalbardimilu umiarsualivimmiinnermut akileraarutitik akilersinneqartunut sanilliunneqarsinnaasunut sanilliussisoqarpoq. Pingaartumik umiarsuit takornariartaatit Kalaallit Nunaanni ataasiarlutik amerlangitsumik tikittunut akileraarutip qaffasissusia nunat assigiinngitsut akornanni assigiinngitsorujussuuvoq.

Assigiinngitsunit aallarfeqarnermut/assigiinngitsunut tikiffeqarnermut akileraarutip atorunnaarsinneranut tunngaviusoq ilaatigut tassaavoq takornariat amerliartuinnartut timmisartumut bilitsinik aamma Kalaallit Nunaanni ilaasunik angallassinernut bilitsinik internetikkut imminniilertarnerat. Taamaalilluni taamatut pisoqartillugu assigiinngitsunit aallarfeqarluni/assigiinngitsunut tikiffeqarluni akileraarummik akiliisitsisoqarneq ajorpoq. Takornariat taarsiullugu timmisartumut umiarsuarmullu bilitsinik angalatitsivimmi atatsimi inniminniippata assigiinngitsunit aallarfeqarluni/assigiinngitsunut tikiffeqarluni angalanermut akileraarut ilanngunneqartussaavoq. Angalanernut pilersaarutini assigiilluinnartuni 2-ni taakkunani akileraartarnermi assigiinngitsumik suliarineqartarfiusut takornariaq angalatitsivimmik ataatsimik atuinersoq atuinnginnersorluunniit apeqqutaatillugu taamaalilluni assigiinngitsumik suliarineqartarput. Tamassumunnga ilanngunneqassaaq, nunani allani angalatitseqatigiiffiit malittarisassat atuuttut naapertorlugit akileraarutitik akiliisitsisarnersut akiliisarnersullu nakkutigiuminaatsorujussuusoq.

## **2.2 Siunnersuutip imarisai**

Siunnersuutigineqarpoq umiarsuit takornarianik angallassissutit ilaasunik angallassinernannut akileraarutit atuutilerseqqinneqassasut. Siunnersuutigineqarpoq akileraarutip akia umiarsualivimmut tulannerni, umiarsualiviup avataani kisarnerni aamma umiarsuit takornariartaatit kisarfimmiinneranni tamani ilaasumut ataatsimut 50 kr.-ussasoq aalajangerneqassasoq.

Siunnersuutigineqarpoq ilaasut akileraarutaannik akiligassanik aalajangiinnermi ilaasut angallammiittut amerlassusaat tunngavigineqassasoq. Taamaalilluni umiarsuaq takornariartaat 500-nik ilaasoqarluni umiarsualivimmut kisarfimmulluunniit tikippat, ilaasut ikaarnersut, umiarsualivimmut tulannerup kisarfimmulluunniit tikinnerup kingorna ilaasut nutaat, umiarsuarmut ikinersut apeqqutaatinnagu, ilaasut amerlassusaat taakku aallaavigalugit akileraarutitik akiliisoqartassasoq. Umiarsuit takornarianik angallassissutit ilaasunik angallassinernannut akileraarut tikinnernut ataasiakkaanut tamanut 1-eriarluni

akilerneqartassaaq. Piffissamik kinguartitsineq, imaluunniit talittarfiit immikkoortuisa akornanni nuuttarnerit tikinnertut nutaatut isigineqassanngillat.

Umiarsuarnut takornariartaatinut angisuunut, 30.000 BT-mik imaluunniit annertunerusumik bruttotonnageqartunut umiarsuup tonnageanik tunngaveqartumik umiarsuarnut takornariartaatinut umiarsualivimmiinnermut akileraarutip atuuttup marloriaatinngortinnissaa siunnersuutigineqarpoq. Umiarsuarnut takornariartaatinut allanut tamanut ullumikkut ullormut unnuamullu aallartinneqartunut ataasiakkaanut tamanut bruttonimut (BT-mut) ataasiakkaanut tamanut 1,10 kr.-miittutulli ullumikkut inissisimaffiata attannissaa siunnersuutigineqarpoq. Taamaattorli 70 bruttoninut (BT-nut) umiarsualivimmiinnermut akileraarummik minnerpaamik akiliisoqartassasoq siunnersuutigineqarpoq. Taamaattorli umiarsuarnut takornariartaatinut aalajangersimasunut (30.000 BT-nik annertunerunngitsumik bruttotonnageqartunut) Nuup Umiarsualivianut umiarsualivimmiinnerut akileraarut akilerneqassanngilaq, umiarsuarnullu takornariartaatinut angisuunut (30.000 BT-nik aamma annertunerusumik bruttotonnageqartunut) umiarsualivimmi umiarsuit takornariartaatit tamakkiisumik akiliutaannik annikillisaaniarluni umiarsualivimmiinnermut akileraarummut akigititaq appartinneqassaaq. Taamaalilluni Nuummi Umiarsualivimmut tikittunut umiarsuarnut takornariartaatinut tamakkiisumik akiliuteqarnermiipput umiarsualivimmut atuisutut akiliuteqarneq, aammalu pisortanit nunatta karsianut akileraaruteqartitsinerit.

Aamma umiarsualivimmiinnermi akileraartussaaneq ullumikkut “umiarsualivimmut tikinnermi” atuutereerpoq, aamma umiarsualiviup avataaninnermi kisaqqanermiluunniit.

Umiarsuarnut takornariartaatinut akileraarut umiarsualivimmut tulannerni, imaluunniit kisarfimmu tikinnerni tamani umiarsualivimmiinnermut akileraarummut ilanngullugu akilersinneqartassasoq siunnersuutigineqarpoq. Tamanna allaffissorneq eqqarsaatigalugu siunnersuutigineqarpoq. Umiarsuit takornarianik angallassisutit ilaasunik angallassinerannut siusinnerusukkut akileraarut angalanermut 1-imut akilersinneqartarnikuuvoq. Akerlianik umiarsualivimmiinnermut akileraarutip aamma umiarsuarni takornarianik angallassisuni ilaasut akileraarutip tamarmik atuutitinnerisigut, akileraarutit umiarsualivimmut tulannerni kisarfimmulluunniit tikinnermi akilersinnerisigut, angalanerup ingerlanerani ilaasut ”ilaareersimasut” ”nutaallu” immikkoortinnissaannik piumasaaqat atuutitinneqassanngilaq. Siunnersuutigineqarpoq ilaasut akileraarutaasa akia assinganik appasinnerutillugu aalajangerneqassasoq.

Aamma allaffissorneq eqqarsaatigalugu taamaallaat umiarsualivinnit 19-init toqqakkanit, Umiarsualiveqarnermut oqartussaanerup ingerlanneqarnera pillugu Namminersornerullutik Oqartussat nalunaarutaat malillugu, aallarnermi umiarsualivimmiinnermut aamma umiarsuarni takornarianik angallassisuni ilaasut akileraarutaat naatsorsorneqartassasut akilerneqartassasullu siunnersuutigineqarpoq. Kisianni naatsorsuinnermi akiliinnermilu

kommuninut akiliutip akilersinneqarnera eqqarsaatigalugu siusinnerusukkut nunamut ikaarussinerit aamma ilanngunneqassapput, tak. ataaniittoq. Qitiusumi umiarsualiveqarnermut oqartussatut pisortat aamma namminersortut suliffeqarfii najukkani atuuttuusutut umiarsualiveqarnermut oqartussaataitaasut suliassaannik isumaginninnissaat Naalakkersuisut piginnaatissimavaat, ilanngullugit nunatta karsianut akileraarutininik, aamma kommuninut akiligassanik akiliisitsisarnerit, kiisalu taakku akileraaruseriffimmut akiliutiginerinik. Taamaalillutik qitiusumi umiarsualiveqarnermut oqartussat sumiiffinnut 19-inut taakkununga tulattoqarnerani il.il. umiarsualiveqarnermut oqartussanut allaffissorneq pillugu isumaqatigiissusiorsimapput

Siunnersuutigineqarpoq kommunit akileraarutininik akiliisitsineq peqatigitillugu avatangiisinut aserfallatsaaliuinernullu akiliummik umiarsualiveqarnermut oqartussanik akilersinneqartartussamik aalajangiinissamik periarfissinneqassasut.

Siunnersuutigineqarpoq akiliut ilaasumut nunamut ikaarunneqartumut ataatsimut 50 kr.-ussasooq. Kommunikat avatangiisinik aserfallatsaaliuinernullu akiligassat naatsorsornerinut atortussanut ikaarussinerinik nalunaaruteqartarnerit umiarsualivigisap tikinneqarfianut umiarsualiveqarnermut oqartussat tulliinut nalunaarutigineqassapput.

Akiliut umiarsuarni takornariartaatini ilaasut umiarsualiviit avataannit ikaarunneqarnerat, tassunga ilanngullugit sinerissamut pinngortitamullu nunaligunneqarnerat, apeqqutaatinnagu amerlassusaat malillugu akiligassanngortinneqartassaaq, aamma nunamut ikaarnissamik imaluunniit ikaassannginnermik toqqaanerit apeqqutaatinnagu. Ikaarussineq umiarsuarmit takornariartaammit, imaluunniit angallat mikinerusooq assingusorluunniit aqutigalugu toqqaannartumik pinera apeqqutaatinnagu, aammalu angallassinermik suliallup najukkami angallassinermik suliaqartuunera, imaluunniit umiarsuup takornariartaatip nammineq ingerlatarinninnera apeqqutaatinnagit ikaarussineq akiligassami ilaassaaq. Tassunga atatillugu amerlassusit aalajangiisut tassaapput umiarsuarni takornariartaammi ilaasut umiarsuarmitittut amerlassusaat.

Akiligassamik akileqqusinerinik kinguneqartussatut kommunit sumiiffiit suut akiligassiinermi tunngaviussanersut namminneq aalajangiissavaat. Ukiup siuliani kingusinnerpaamik 1. oktobarimi akileraaruseriffimmut sumiiffiit aamma akiligassat annertussusaat kommunip nalunaarutigissavai.

Kommunit avatangiisinut aserfallatsaaliuinernullu akiliutit atortorissaarutininut atuuttunut pinaveersaarutitut suliarisanut, aamma aserfallatsaaliornernannut imaluunniit pitsanngortinnerinut, kiisalu atortorissaarutininik nutaanik sananermut atorsinnaavaat. Assersuutigalugit tassaasinnaapput umiarsualiviit, tulattarfittut ingerlatsiviit, tulattarfiit puttasut il.il. eqqaanni, imaluunniit ungasinngisaanniittuni, imaluunniit assersuutigalugit

akulikitsumik tikeraartakkatut sinerissami imaluunniit pinngortitami ikaartarfinni tikeraarnermi imaluunniit perusersartarfinni atortorissaarutit. Aammali assersuutigalugit siuliani pineqartutut sumiiffiit avataanni, annertunerusumik takornariartitsinermik sunniuteqarfiusuni sumiiffinni tassaasinnaallutik pinaveersaarutit suliarisat il.il. Naalackersuisut kommunit akiliummit isertitat qanoq atornissaannut aalajangersaasinnaapput, akiliutip kommunit najugaqarfigisami nunallu immikkoortuani takornariartitsinermut periarfissanik ineriartortitsinermi iluaqutaaniassammat. Taamaattumik matumani inatsit najoqqutaralugu isertitat kommunit pissarsiaat taamaallaat kommunimi isertitarisani tunngaviusunut tamarmiusunut ilaaginnassanerat siunertarineqanngilaq. Taamaalillutik inatsit manna najoqqutaralugu isertitat aammalu taakkununga atasutut aningaasartuutit attaneqarsimasut tamakku kommunit naatsorsuutaanni kommunit immikkoortitertartussaassavaat.

Umiarsualiveqarnermut oqartussat akileraarutit akilerneqartut tamarmiusut akiligassat akilersinneqartut ilanngullugit akileraaruseriffimmut akilertassavaat, taassumalu akiliutit tamassuma kingorna kommuninut ataasiakkaanut ingerlateqqittassavai. Akiliutit ukiumut ataasiarluni ingerlateqqinneqartassapput. Ukiumi ataasiarluni kattussatut kommuninut akileraaruseriffiup akiliuteqartarnera pisarpoq – ukiumi pisoqarfiusup naanerata kingorna, naatsorsuutigisassatut novembarip ingerlanerani.

#### *Paasissutissanik nalunaaruteqarneq*

Siunnersuutigineqarpoq paasissutissanik umiarsualiveqarnermut oqartussanut umiarsuup naalagaanit, isumaqatiginninniartartuanit imaluunniit agentianit nalunaarutit elektroniskinnngorlugu immersugassami 1-imi katersorneqassasut, tassani Naatsorsueqqissaartarfiup umiarsuarmik takornarissanik naatsorsueqqissaarneranut, akitsuutit akiligassanik aamma kommuninut akiligassat naatsorsornerannut paasissutissat atugassat ilaassallutik.

Elektroniskinnngorlugu immersugassaq kingusinnerpaamik Kalaallit Nunaanni umiarsualivimmit il.il. aallarnermi umiarsualiveqarnermut oqartussanut nassiunneqassaaq. Elektroniskinnngorlugu immersukkamiissapput umiarsuup suussusaa, umiarsuup tonnagea bruttotonit (BT-tut) nalunaagaq, ilaasut amerlassusaa, taakkulu nunami suminngaaneersuuneri, ulloq unnuarlu umiarsualivimmiinnerit amerlassusiviat, aamma ajornanngippat kommuninut avatangiisinut aserfallatsaaliuinnermullu akiliutit naatsorsornerannut akilersinnerannullu atugassat pillugit paasissutissat. Umiarsualiveqarnermut oqartussanut elektroniskinnngorlugu immersugassap nassiunnerani akileraarutit akiligassallu akilerneqartussat ingerlaannaq naatsorsorneqartut umiarsuup naalagaata, isumaqatiginninniartartuata imaluunniit agentia akuerissavai. Inaarutaasumik elektroniskinnngorlugu immersugassap nassiunneranut peqatigitillugu, assersuutigalugu tassaasinnaasoq atsiornermik ilaqartutut regnearkimik pdf-inngortitaq, akileraarutit akiligassat

aamma akiligassat akilerneqartussat umiarsualiveqarnermut oqartussanut akilerneqassapput.

Akileraarutit akiligassat akiligassallu akilerneqartussat umiarsuup umiarsualivimmit aallarnerani umiarsualiveqarnermut oqartussanut akiligassanngussapput, tamatuma kingornatigut akiliinissamut killissarisag tassaalluni ullut 14-it, umiarsualeqarnermullu oqartussat qaammammi umiarsualivimmiinnermut aamma umiarsuarni takornarianik angallassisuni ilaasut akileraarutaannik aamma akiligassanik akilerneqartunik piffissag eqqorlugu ulloq akiliiffissaat kingulleq tassaavoq qaammatip tulluuttup ulluisa 15-iat.

*Akiligassanik akiliinngitsoorutini*

Akileraarutit, akiligassat aamma akileeqqusissutitut aningaasat akiligassat, kiisalu suliamik isumaginninnermi aningaasartuutit akilerneqarnissaat, imaluunniit akiliinissamut qularnaaveeqqusiiisoqarnissaata tungaannut Naalakkersuisut umiarsuit Kalaallit Nunaanni umiarsualivinnut tikinnissaannut itigartitsisinnaanissaat siunnersuutigineqarpoq. Taamaalillutik politiit ilanngunnerisigut, aammalu umiarsuarnik nalunaarsuisarnermik aaqqiissutit 2-t ikiorsiullugit umiarsuup sumiiffigisaanik, aammalu umiarsuup sumut ingerlanerani Naalakkersuisut paasisaqarsinnaassapput. Nalunaarnissaq Kalaallit Nunaata eqqaani imartani umiarsuarnik nalunaarsuinnermut aaqqiissutit pillugit nalunaarut nr. 170, 17. marts 2003-meersoq najoqqutaralugu inatsisitigut pisussaaffiuvoq (Kalaallit Nunaanni nalunaartarnermut kiffartuussineq). Nalunaartarnermut kiffartuussinerit atornissaat pillugu piunasaqaat immami isumannaallisaaneq pillugu inatsimmi aalajangerneqarpoq, unioqquitsinerillu Kalaallit Nunaannut pinerluttulerinnermut inatsit malillugu pineqaatissiissutinik nassataqartarput.

*Akileraarutit akiligassat naatsorsorneqarnerannut assersuutit (umiarsualivimmiinnermut akileraarutit aamma umiarsuarni takornarianik angallassisuni ilaasut akileraarutaat)*  
*Umiarsuit takornariartaatit akileraarutaannik misissueqqissaarneq – Kalaallit Nunaanni umiarsuit takornariartaatit takornariartitsisarnerannik misissuineq - nalunaarusiaq maaji 2023-meersoq Visit Greenlandimit suliarineqartoq-* umiarsuit angissusaat 3-t toqqarneqarput. Umiarsuit angissusaannit 3-nit taakkunanga uuttuutit toqqarneqartut ataani naatsorsuinnerni ilanngunneqarput:

	BRUTTO- TON-IP (BT) ANNER- TUSSUSAA	UMIARSUALIVIM- MIINNERMUT AKILERAARUT – UMIARSUALIVI- NUT TULANNERNI TAMANI (ULLUP UNNUALLU AALLARTINNERA ATAASEQ)	ILAASUT AMERLASSU- SAAT (PAX) <sup>1)</sup>	ILAASUT AKILERAARUTIS- SAATTUT SIUNNERUUTIGI- NEQARTOQ – UMIARSUALIVIN- NUT IL.IL. TIKINNERMI TAMANI	AKILERAARUTIT AKILERNEQAR- TUT KATILLUGIT (UMIARSUALI- VIMMUT TULANNERIT KINGORNA ULLUP UNNUALLU AALLARTINNE- RANUT)
	BT	kr.		kr.	kr.
UMI- ARSU- AQ 1	11.647	12.811,70	280	14.000	26.811,70
UMI- ARSU- AQ 2	29.009	31.909,90	606	30.300	62.209,90
UMI- ARSU- AQ 3	112.894	124.183,40	3.114	155.700	279.883,40

Oqqaesqaat: Bruttotonit annertussusiannik ilaasullu annertussusiannik assersuutit Visit Greenlandip misissuineranit maaji 2023-meersumit *Kalaallit Nunaanni umiarsuit takornariartaatit takornariartitsisarnerannik misissueqqissaarnerup ilaa*-nit tigusaapput. Ataatsimut isiginniffimmi ilaangillat akileraarutitut akitsuutinullu ilutsit allat, ilanngullugit takornarianut avatangiisinullu akileraarutit, kiisalu atuisartut akiliuteqartarneri. Taamaattorli *International Ship and Port Facility Security Code (ISPS)* ilanngullugu naatsorsorneqassaaq akiliutaasusaaq immikkut itutut umiarsuarnut takornariartaatinut umiarsualiviup akinik allattuiffiani takuneqarsinnaassappat.


<sup>1)</sup> Takussutissiinissaq eqqarsaatigalugu ilimagineqarpoq umiarsuit takornariartaatit usitussusaat umiarsualivimmut tulannermi ilaasut angallamittut amerlassusiisa assigigaat.

### *Nunani allani akileraarutit qaffasissusiannik misissueqqissaarnerq*

“*Kalaallit Nunaanni umiarsuit takornariartaatit takornariartitsisarnerannik misissuineq*”-mi Kalaallit Nunaanni umiarsualivimmiinnermut akileraarutit atuuttut qaffasissusii nunani allani akileraarutit qaffasissusiannut sanillunneqarput. Tassunga ilanngunneqarpoq ”Kalaallit Nunaat NUTAAQ”, aamma ”Kalaallit Nunaat NUTAAQ Store”, umiarsuit takornarianik angallassissutit ilaasunik angallassinerannut akileraarutissaattut siunnersuummik imalik. ”Kalaallit Nunaat NUTAAQ Store”-p 30.000 BT-linnik aamma annertunerusunik bruttotonnagelinnik umiarsuarnut takornariartaatinut marloriaatinngortitatut umiarsualivimmiinnermut akileraarutit takussutissiivigaa, “Kalaallit Nunaat NUTAAQ” tassaalluni umiarsuarnut takornariartaatinut allanut tamanut, attatiinnakkatut umiarsualivinnut akileraarutitigut inissisimaffeqartunut tunngasoq:



## Krydstogtafgifter (tonnage/størrelse + Pax-tax + ISPS) for forskellige destinationer



Nassuiaat: Titarnemi kittorartaartuni akileraarutit tamarmiusut annertussusaat takutinneqarpoq (umiarsualivimmiinnermut aamma Umiarsuit takornarianik angallassissutit ilaasunik angallassinerannut akileraarutit), Kalaallit Nunaanni Umiarsuit takornarianik angallassissutit ilaasunik angallassinerannut akileraarutaat nutaat atuutilersinneqassappata. ”Kalaallit Nunaat NUTAAQ”-miippuut umiarsuit takornariartaatit 30.000 BT-nik qaangiinatik bruttotonnageqartut, ”Kalaallit Nunaat NUTAAQ Store”-miippulli umiarsuit takornariartaatit 30.000 BT-mik annertunerusumilluunniit bruttotonnageqartut.

Kalaallit Nunaat umiarsuit takornarianik angallassissutit ilaasunik angallassinerannut akileraarutip ilaasumut ataatsimut 50 kr.-usup atuutilersinneratigut umiarsualiviit toqqarneqartut akileraarusiinnermi appassinnerpaat affaasa suli ilagissavaat, tak. Visit Greenlandip misissuina. Taamaattorli umiarsuarnut takornariartaatinut 30.000 BT-nik annertunerusumilluunniit bruttotonnageqartut umiarsualivimmiinnermut akileraarutaannik marloriaatinngortitsineq umiarsuarnut takornariartaatinut angisuunut tamakkununga tunngatillugit Kalaallit Nunaannik nunanut akisunerusumi inissisimaffillit allat arlallit inissisimaffigisaannut inissiisaaq. Kisiannili tamatigoortumik akileraarutit akitsuutillu allaasinnaanerat sillimaffigineqassaaq, tassunga takornarissanut avatangiisunullu akileraarutit sanilliussinnermi ilanngunneqanngitsut. Taamatuttaaq assersuutigalugu *International Ship and Port Facility Security Code (ISPS)* aki taamaallaat umiarsualiviit umiarsuarnut takornariartaatinut akinik allattuivimmi erseqqissumik allassimappata ilanngunneqarpoq,

atuisullu sullinneqarnermut akiliutaat, soorlu talittarfimmi, kalittaammik il.il. ataatsimut isigalugu ilanngunneqanngillat.

### **3. Pisortanut aningaasaqarnermi allaffissornermilu kingunissai**

Nalornissuteqarluni missingerneqarpoq umiarsualivimmiinnermut akileraarummut ilanngullugu (tonnageamut akileraarut) umiarsuit takornarianik angallassissutit ilaasunik angallassinerannut akileraarutip atuutilerseqqinneqarnera 5 mio. kr.-t missaannik isertitaqarnerulernermik kinguneqassasoq.

Isertitaanerusut pisortat isertitaat allat assigalugit nunap karsianut nakkartinneqassapput. Iimagineqarpoq isertitaanerulersut umiarsualivinnut tunngatillugu aserfallatsaaliuineramik suliniuteqarnerup annertusineranut atorneqassasut akileraaruseeriaatsillu aaqqissuunneqarnerata isumaliutigineranut tapersiissallutik.

2023-mut aningaasanut inatsit pillugu isumaqatigiissummi isumaqatigiisutigineqarpoq umiarsuit takornarianik angallassissutit ilaasunik angallassinerannut akileraarut 1. januar 2024-mi atuutilersumik atuutilerseqqinneqassasoq. Inatsisiliornermi misissueqqissaarnermi Visit Greenlandimit siusinnerusukkut suliaritinneqartumi paasisat ilanngunneqarput.

*Umiarsuarni takornariartaatini ilaasut amerlassusaat umiarsuillu tikittut amerlassusaat – Naatsorsueqqissaartarfik*

Kalaallit Nunaanni Umiarsuarnik Takornariartaatinik 2019-imi naatsorsueqqissaarneq<sup>1)</sup> malillugu umiarsuarni takornariartaatini ilaasut Kalaallit Nunaannut 2019-imi tikittut – coronap nunarsuarmi tuniluunnera ukioq sioqqullugu – 46.633-upput. Umiarsuarni takornariartaatini ilaasut umiarsualivinnut agguarlugit 2019-imi 122.314-iupput.

Naatsorsueqqissaartarfiup saqqummersitaa 2022-mi umiarsuarni takornariartaatini ilaasut<sup>2)</sup> 3. maj 2023-meersoq malillugu Kalaallit Nunaanni umiarsualivinni 2022-mi piffissani aalajangersimasuni angallavigisaniluunniit aalajangersimasuni ilaasut 43.999-iupput, tamanna coronap nunarsuarmi tuniluunnerata siornanut sanilliullugu 5 pct-<sup>imik</sup> appasinneruvoq. Kalaallit Nunaanni umiarsualivinni tamani umiarsuit takornariartaatsit angalaneranni tikittut katillugit 112.273-iupput, tamanna coronap nunarsuarmi tuniluunneranut sanilliullugu 8 procentimik appariarneruvoq.

---

<sup>1)</sup> Naatsorsueqqissaartarfiup umiarsuit takornariartaatit angalanerannik naatsorsueqqissaarnera akileraarutininik Akileraartarnermut Aqutsisoqarfimmut nalunaarutigineqartut tunngaveqarpoq, kisiannili 2019-imi angalanermit katillugit 125-usunit nalunaarutininik suli tigusaqarsimannginneq pissutigalugu nangaassuteqarpoq, taamaammat ilaasut amerlassusaat missingigaavoq.

<sup>2)</sup> Naatsorsueqqissaarnerup umiarsuit takornariartaatit angalanerannik naatsorsueqqissaarnera akileraarutininik Akileraartarnermut Aqutsisoqarfimmut nalunaarutigineqartut tunngaveqarpoq, kisiannili 2022-mi angalanermit 123-usunit akileraarutininik tigusaqarfiusunit taakkunannga 22-nit ilaasunik allattuiveqanngilaq, taamaammat ilaasut amerlassusaat missingigaavoq.

Umiarsuilli tulattut 2019-imi 332-nit 2022-mi 376-inut amerliartornikuupput, taamaalilluni angalanermi ataatsimi tikiffiit agguaqatigiissillugu amerlassusaat angalanermi ataatsimi tikiffiit pingajuata affaanit pingasunut amerleriarput.

*Umiarsuit takornariartaatit 2019-imi 2022-milu umiarsualivimmiinnermut akileraarutaat*  
Nunap karsiata 2022-mi umiarsualivimmiinnermit akileraarutinit isertitai 14 mio. kr.-t missaaniipput, taakkunanga 9,3 mio. kr.-ngajaat umiarsuarnit takornariartaatineersuupput, isertitallu sinneri 4,7 mio. kr.-t ataatilaarlugit soorlu nassiussanik assartuinerninngaaneersuupput. Sanilliussilluni 2019-imi kisitsisit – ukiut coronap atuunnerata siorna – katillugit 11,8 mio. kr.-upput, taakkunanga 7,7 mio. kr.-t ataatilaarlugit umiarsuarnit takornariartuutineersuupput aamma 4,1 mio kr.-t missaanni nassiussanik assartuinerninngaaneersuullutik.

*Isertitanik tamarmiusunik missingiineq – umiarsuit takornariartaatit umiarsualivimmiinnermut akileraarutaat aamma umiarsuarni takornarianik angallassisuni ilaasut akileraarutaat nutaaq*

Missingerneqarpoq umiarsuit takornariartaatit umiarsualivimmiinnermut akileraarutaasa maannakkut akia allanngortinngippat umiarsuit takornariartaatit umiarsualivimmiinnermut akileraarutaannit isertitat mianersorluni missingiilluni 2022-misut annertussuseqassagunartut, tassa 8-10 mio.kr. missaanni.

Taamaattorli umiarsuarnut takornariartaatinut umiarsualivimmiinnermi akileraarutip marloriaatinngortinnissaa siunnersuutigineqarpoq. Taamaalisukkut umiarsuarnut takornariartaatinut aalajangersimasunut (30.000 BT-nik annertunerunngitsumik bruttotonnagelinnut) umiarsualivimmiinnermut akileraarutip akiliissutiginnissaanut Nuup Umiarsualiviata pinngitsuugarisinnissaa siunnersuutigineqarpoq, ilaalluni umiarsuarnut takornariartaatinut (30.000 BT-nik annertunerusumilluunniit bruttotonnagelinnut) umiarsualivimmiinnermut akileraarut annikillisaq.

Kalaallit Nunaata imartaanik tikeraagaqartunik umiarsuit takornariartaatit 30.000 BT-nik annertunerusunilluunniit bruttotonnagillit amerlassusaat ilisimaneqanngillat, taamaattorli 3. maaji 2023-meersup Kalaallit Nunaanni Naatsorsueqqissaartarfiup saqqummersitaa *2022-mi umiarsuarni takornariartaatini ilaasut*)<sup>3)</sup> malillugu umiarsuit takornariartaatit 501-inik amerlanerusunik ilaasullit 2022-mi umiarsuarni takornariartaatini ilaasut tikeraartut

---

<sup>3)</sup> Akileraaruseriffimmut akileraarutininik akiliutit umiarsualiveqarfimmi oqartussat nalunaaruteqartarnerannik Kalaallit Nunaanni Naatsorsueqqissaartarfiup umiarsuarnut takornariartaatinut naatsorsuisarnerit tunngaveqartippai, taamaattorli 2022-mi katillugit angalanernut 123-nut taakkununga akileraarutininik akiliutininik pissarsisoqarsimanera nangaanartoqartillugu, ilaasut allattorsimaffiini taakkunani 22-t ilaangimmata, taamaattumillu ilaasut amerlassusaat missiliuutigineqarput.

tamakkiisutut amerlassusaannit 70 pct.-it missaanniipput. Bruttotonnagemi tamarmiusumi tassani 70 pct.-it missaat aamma marloriaatinngortitatut umiarsualivimmiinnermut akileraarummi siunnersuutigineqartumi aamma ilaalernissaat naatsorsuutigineqassappat (ilaallutik umiarsuit takornariartaatit 30.000 BT-nik annertunerusumilluunniit bruttotonnagillit), assorsuaq mianersuussatut umiarsuarnit takornariartaatinit umiarsualivimmiinnermut akileraarut 13-17 mio. kr.-ussasoq missiliuutigineqarsinnaavoq, tassangaanniit ilanngaatigineqarluni Nuup Umiarsualivianit 2022-mi umiarsuarnit takornariartaatinit umiarsualivimmiinnermut akileraarutinit akiliutit tamakkiisut, tassaasimasut 1 mio. kr.-t missaat. Assorsuaq mianersuullugu umiarsuarnit takornariartaatinit umiarsualivimmiinnermut akileraarummit isertitarisat 12-16 mio. kr.-t tungaanniissanerisa missiliutigisinnaanerannik tamanna isumaqarpoq, tassalu siulianit missiliuutigisap saniatigut 4-6 mio. kr.-nik annertuneq (2022-mut naleqqiullugu tunngavigisat allanngortinneqanngitsut ilaatillugit).

Taamaattorli bruttotonnagit annertussusaannut (initussutsimut) umiarsuup takornariartaatip ilaasoqarsinnaaneremut piginnaasaqassusianik toqqaannartumik aallaaveqarluni missiliuisinnaasoqassannginneq tamatigoortumik sianiginiarneqassaaq.

Tamatumunnga ilanngullugu Nuup Umiarsualiviani umiarsuarnut takornariartaatinit angisuunut taakkununnga, 30.000 BT-nik annertunermilluunniit bruttotonnageqartunut akileraartitsinnermut akigititap taamaallaat annikillisinnissaanik siunnersuuteqartoqarnera sianigineqassaaq. 2022-mi Nuup Umiarsualiviani umiarsuarnut takornariartaatinit tulattunut 1/5-it missaannut tamanna tunngavoq, umiarsuarnit takornariartaatinit umiarsualivimmiinnermut akileraarutinit akiliutinik ½-iinnangajannik pissarsiviulluni.

Annertuumik nalornissuteqarfigisamik umiarsuarnut takornariartaatinit aalajangersimasunut umiarsualivimmiinnermut akileraarummik akiliisitsinissamik pinngitsuuisitsineq, kiisalu Nuup Umiarsualiviani umiarsuarnut takornariartaatinit angisuunut akileraarutinit annikillisitsineq Nuup Umiarsualiviani umiarsualivimmiinnermut akileraarummik akiliuteqarneq siuliani inissisimaffimmit tassanga (tulannerni allanngorsimannngitsuni, aamma umiarsuit suussusii ilaatillugit) 1/3-it missaannik annikillissanerat missiliuutigineqarpoq.

Ataatsimut isigalugu suliarisat inissisimaffii allanngortinnagit umiarsualivimmiinnermut akileraarummit ilassutitut iluanaarutissat 4-6 mio. kr.-t eqqaaniittuarnissaat missiliuutigineqarput. Nangaassutilimmik missiliorneqarpoq.

2022-mi pisutulli ukiuni takkuttussani Kalaallit Nunaanni umiarsualivinnut ilaasut taamaaqatingajaasa tikinnissaat naatsorsuutigineqassappat, aammalu umiarsuarni takornariartaatini ilaasunut akileraarummi nutaami tassani akileraarummut akigititaq

tikinnernut ataasiakkaanut ilaasunut ataasiakkaanut tamanut 50 kr.-nngorlugu aalajangerneqassapat umiarsuarnit takornariartaatini ilaasunut akileraarummit nutaamit nalornissuteqartumik iluanaarutitut isertitassat 5 mio. kr.-t tungaaniissanerannik nassataqassasoq missiliuutigineqarpoq. Nangaassutilimmik missiliorneqarpoq.

#### *Kommunit avatangiisinut aserfallatsaaliuinernullu akiliutigititaat*

Kommunit avatangiisinut aserfallatsaaliuinernullu umiarsuarmi takornariartaammi ilaasunut ataatsimut annertunerpaamik 50 kr.-nik akiliuteqartitsinissaq toqqassappassuk, annertuumik nalornissuteqarluni missingerneqarsinnaavoq, kommunit tamarmiusut katillugit 15 mio.kr.-t missaanni akiliuteqartitsissasut.

Akiliutigititanik missingiinermi 2022-mi umiarsuarnut takornariartaatinut ilaasut tikittut amerlassusaat tunngavigineqarpoq, naatsorsorneqarporlu taakku tamarmik immikkut umiarsualivinnut 2-nut tikissasut aammalu sinerissami pinngortitamullu agguaqatigiissillugu ikinnerpaamik 5-eriarlutik nunamut niuneqartartut.

Avatangiisinut aserfallatsaaliuinernullu akileraarut tassaavoq pisortanut akiligassaq, tamatumani akiligassanik akiliutit ikiorsiissutinik, toqqaannartumik akimuisuunatilluunniit akiliummut attuumaffeqangitsunik aningaasaleeqataasinnaallutik. Taamaattorli akiliummit suliassaqrarfiit, takornariaqarnermit annertusisamit toqqaannartumik imaluunniit toqqaannartuunngitsumik sunniivigineqartut iluaquteqarsinnaassasut siunnersuutigineqarpoq, tak. inatsisip siunertaa. Taamattaaq inatsimmut matumunnga najoqqutaqartumik isertitat aningaasartuutillu kommunip pissarsiai akiliutigisaalu kommunit naatsorsuutaanni immikkoortiterlugit erseqqissarneqartassasut siunnersuutigineqarpoq.

#### **4. Inuussutissarsiortunut aningaasaqarnermi allaffissornermilu kingunissai**

Missingerneqarpoq siunnersuut pingaartumik umiarsuarnut takornariartaatinut sullissisartunut allaffissornikkut aningaasaqarnikkullu kinguneqassasoq.

Nalornissuteqarluni missingerneqarpoq umiarsuarnik takornariartaatinik sullissisartunut aningaasatigut killup tungaanut kingunissai 9-11 mio. kr.-t missaaniissasut, taakkunanit umiarsuarni takornariartaatini ilaasunut akileraarummit nutaamit tassannga 5 mio. kr. eqqaanniittut, ilimagineqarporli umiarsuarni takornariartaatini ilaasunut annertunerusutigut akilersinneqarnissaat. Ilimagineqarporli umiarsuarnut akileraarutit atuutilerseqqinnerisigut umiarsuarnut takornariartaatinut ilaasut ikiliartussasut. Kisianni umiarsuarnut takornariartaatinut ilaasut qanoq annertutigisumik ikiliartussanerat missingerneqarsinnaangilaq.

Kommunit umiarsuarni takornariartaatini ilaasunut ataasiakkaanut tamanut avatangiisinut aserfallatsaaliuinernullu akiligassamik 50 kr.-mik aalajangiinissamik toqqaanerat

tunnngavigalugu annertuumik nalornissutitaqartumik umiarsuarni takornariartaatini ilaasunut akiliummut ilassutitut umiarsuarnik takornariartaatinik suliaqarfimmu suli 15 mio. kr.-nik killup tungaanut aningaasaqarnermi kingunerisassaqaqarnera missiliuutigineqarsinnaavoq.

Umiarsuit aalajangersimasumik angalaffeqanngitsut naalagaat angalanissamut pilersaarummik akileraaruseriffimmu ullumikkut siumut nalunaaruteqartussaareersut nalinginnaasumik nalunaartussaataatitaapput, tak. Nioqqutissanik eqqussuineq annissuinerlu pillugit Namminersorlutik Oqartussat nalunaarutaanni nr. 24, 5. oktober 2016-imeersumi § 44. Umiarsuup naalagaa nalinginnaasumik nalunaartussaataaneq malillugu umiarsuup Kalaallit Nunaanni umiarsualivimmu tikinnissaa sioqqullugu kingusinnerpaamik 24 tiimit sioqqullugit piffissaq tikiffissatut ilimagineqartoq umiarsualiveqarnermi oqartussanut pineqartunut nalunaarutigissavaa, umiarsuarlu Kalaallit Nunaanni sumiiffimmu akileraarutit atuutilerfiannut apuunniariapat tikinnissaaq umiarsualiveqarnermu oqartussanut qaninnernut nalunaarutigissallugu.

Umiarsuit takornarianik angallassissutit ilaasunik angallassinerannu akileraarutit 1. juni 2015 atorunnaarsinnerannu atatillugu, tak. Inatsisartut inatsisaat nr. 14, 3. juni 2015-imeersoq, umiarsualivimmiinnermu akitsuutit naapertorlugit nalunaarutissaataaneq umiarsuarni takornariartaatini ilaasut inuiaassusaannik nalunaaruteqarnissamik aamma annertusineqarpoq. Naatsorsueqqissaartarfiup umiarsuarni takornariartaatini ilaasut amerlassusaannik amerlassusiisalu allanngoriartornerannik naatsorsueqqissaarneq ukiumoortumik saqqummersittarpa.

Umiarsuit takornarianik angallassissutit ilaasunik angallassinerannu akileraarutit atuutilerseqqinneranni umiarsuarnik takornariartaatinik sullissisartunut aningaasatigut kingunissai allat tassaassappu akileraarutit akiligassiissutillu naatsorsornerannu atugassatut paassutissanik amerlanerulaartunik nalunaaruteqartarnissamik piumasaaqateqarneq.

Paassutissalli tamarmiusut regnearkimi 1-imi nalunaarutigineqartarnerisigut allaffissornermi suliassat annikillisinneqarniarneqarpu – taanna umiarsualivimmit imaluunniit kisarfimmit aallarnerup kingorna immersorneqassalluni. Regnearki imatut ilusilersorneqarpoq akileraarutit akiligassat akiligassiissutillu paassutissat suliambut attuumassuteqartut tamaasa immiutereernerisigut nalunaarsuiffik ingerlaannaq naatsorsuisarluni.

Siunnersuut taakku saniatigut allaffissornermi malunnartunik allanik kinguneqarnissaa ilimagineqanngilaq.

## **5. Avatangiisinut, pinngortitamut innuttaasullu peqqissusiannu kingunissai**

Nalilerneqarpoq siunnersuut avatangiisinut pinngortitamullu pitsaasunik kinguneqassasoq, tassa naatsorsuutigineqarmat umiarsuarni takornarianik angallassisuni ilaasut akileraarut

umiarsuit Kalaallit Nunaannut tikittartut ikilinerannik kinguneqassasoq. Kisianni umiarsuarnut takornariartaatinut ilaasut qanoq annertutigisumik ikiliartussanersut missingerneqarsinnaangilaq.

Ilanngutissaaq 30.000 BT-nik imaluunniit annertunerusunik bruttotonnageqarlutik umiarsuarnut takornariartaatinut angisuunut umiarsualivimmiinnermut akileraarutip marloriaatinngortinnerani Kalaallit Nunaanni umiarsuit takornariartaatit tamakkiisumik amerlassusiisa katitigaanerannut ilorraap tungaanut sunniuteqassasutut naatsorsuutigineqarnera ilanngutissaaq, tamanna annikinnerusunik avatangiisinut artukkiinerup tungaanut sunniuteqassalluni.

Siunnersuut innuttaasut peqqissusiannut annertuunik kinguneqassanngitsoq imaaliinnarluni nalilerneqarpoq.

#### **6. Innuttaasunut kingunissai**

Nalilerneqarpoq siunnersuut innuttaasunut kinguneqassanngitsoq.

#### **7. Kingunissai pingaaruteqartut allat**

Ilmagineqarpoq siunnersuut pingaaruteqartunik allanik kinguneqassanngitsoq

#### **8. Oqartussanut kattuffinnullu il.il. tusarniaaneq**

Siunnersuut tusarniaaffigineqartunut ukununga piffissami 1. juuni 2023-mit 29. juuni 2023-mut tusarniutigineqarpoq:

Siulittaasup Naalackersuisoqarfia, Nunanut Allanut, Inussutissarsiornermut Niuernermullu Naalackersuisoqarfik, Ineqarnermut Attaveqarnermullu Naalackersuisoqarfik, Nunalerinermut, Imminut Pilersornermut, Nukissiuuteqarnermut Avatangiisinullu Naalackersuisoqarfik, Sulisitsisut, NUSUKA, SIK, Deloitte, Grønlands Revisionskontor, BDO, EY, PWC, Grønlandske Advokater, BK Revision, Royal Arctic Line A/S, Arctic Umiaq Line A/S, Visit Greenland, KNAPK, AECO (Association of Arctic Expedition Cruise Operators), KNI, Blue Water, Arctic Circle Business, Innovation South Greenland, Qeqertalik Business Council, Imaq Pilot, Sikuki Nuuk Harbour, Avannaata Kommunia, Kommuneqarfik Sermersooq, Kommune Qeqertalik, Qeqqata Kommunia, Kommune Kujalleq, Kalaallit Nunaanni Politimesteri, Søfartsstyrelsen.

Siunnersuut aamma 2. juuni 2023-mi tusarniaanermut nittartakkami uani tamanut saqqummiunneqarpoq, [www.naalackersuisut.gl](http://www.naalackersuisut.gl).

## Siunnersuummi aalajangersakkanut ataasiakkaanut nassuiaatit

### § 1-imut

#### Nr. 1-imut

Inatsisip taaguutaata ”umiarsuarni takornarianik angallassisuni ilaasut akileraarutaat”-nik allineqarnissaa siunnersuutigineqarpoq. Tamatuma kingornatigut inatsisip taaguutigilissavaa “Umiarsualivimmiinnermut akileraarutit pillugit Inatsisartut inatsisaata allanngortinnera pillugu Inatsisartut inatsisaat”.

#### *Inatsimmi nassuiaatit*

Ilaasoq imatut paasineqassaaq inuk kinaluunniit, akiliilluni akiliinaniluunniit ilaasoq, umiarsuarmiittoq. Inuttut sullissinermilu sulisut ilaasutut isigineqanngillat.

Umiarsuaq takornariartaat imatut paasineqassaaq, ilaasortaata aalajangersimasumik angallaveqarneq ajortoq aamma ilaasunik umiarsualivimmit allamut assartuinissamik pingaarnertut siunertaqarfiunngitsoq. Ilaasut pingaarnertut siunertaat tassaagajussaaq nuannisaarnissaaq, sunngiffimmi sammisaqarnissaaq aamma umiarsuarmi takornariartaammi ilaasuuneq nammineq takornariarnermi alutornartuugajussasoq.

Ilaasortaata Kalaallit Nunaata sineriaa sinerlugu takornarissanik angallassinissaaq siunertaralugu piffissat ilaanni aalajangersimasumik angalajunnaartoq, umiarsuartut takornariartaatit isigineqassaaq. Umiarsuarmik takornariartaammik angalanissamik neqeroorteqartut assigiinngitsut taamaalillutik akileraartarnermi naligiisinneqarput.

Ilaasartaatit umiarsuaatileqatigiiffinit Namminersorlutik Oqartussanut sullissinissamik isumaqatigiissuteqartut akileraartussaataannngillat. Sullissinissamut isumaqatigiissut imatut paasineqassaaq akit siumut isumaqatigiissutaasut atorlugit Namminersorlutik Oqartussat aalajangersimasumillu sullissisup akornanni inuussutissarsiornermi isumaqatigiissut, tassanilu isumaqatigiissut iluanaaruteqarfiunersooq ajunaaruteqarfiunersorluunniit sullissisut naammassisaqarsinnaassutsimigut aalajangissagaa. Akileraartussaataannnginneq ilaasortaatinut umiarsuaatileqatigiiffiit Kalaallit Nunaanni umiarsualiviit akornanni aalajangersimasumik angalasut allaffissornerat pissutigalugu atuutilerseqqaarneqarnikuuvoq. Aalajangersagaq taamaallaat Arctic Umiag Lineq A/S-imut maannakkut pingaaruteqarpoq.

#### Nr. 2-mut

Inatsit naapertorlugu akileraarutit akilerneqartussat siunissami assigiinngitsut pineqartut 2-t erseqqissarniarlugit, siunnersuutigineqarpoq inatsimmi § 1, imm. 1-imi “akileraarutit” siorna “umiarsualiviit” ilanngunneqassasoq, aammalu “umiarsuit takornarianik angallassissutit ilaasunik angallassinerrannut akileraarutit” ilanngunneqassasoq.



Umiarsuit ”umiarsualivimmut tikinnerat” siamasissumik paasineqassaaq, tassa umiarsuit umiarsualiviup avatinnguani kisartut umiarsuillu kisarfimmiittut umiarsualivimmiinnermut akileraartussaataitanermut ullumikkut ilaatinneqareermata. Aamma ”kisarneq” annertuumik aalasuuffimmi inississimanertut paasineqassaaq.

”Kisarfik” tassaavoq imartaq, imaq imatut ititigisoq immaqalu malinnut angisuunut imatut illersuutaatigisoq umiarsuit kisaqqasinnaallutik. Imaassinnaavoq umiarsualivimmut tulannissaq utaqqillugu imaasinnaavorluunniit anorersuaq/tininnera umiarsualivimmiluunniit inissaqannginnera pissutigalugu. Umiarsuit takornariartaatit angisuut aamma umiarsualivimmi namminermi tamatigut tulassinnaanngillat, taarsiulluguli assersuutigalugu kangerliumanermi qaninnermi umiarsualiviup avataani kisaqqallutik, ilaasullu tassanngaani nunamut angallatinilluunniit niuneqarlutik mikinerusunik angallanneqartarlutik.

Akileraartussaataitanermi tassaannaanngitsoq ”umiarsualivimmut tikinneq” erseqqissarniarlugu, umiarsuillu aamma umiarsualiviup avatannguani kisaqqasinnaasut umiarsuarluunniit kisarfimmiippat, siunnersuutigineqarpoq ”umiarsualiviulluunniit avataani kisaqqaneq kisarfimmulluunniit apuunneq” inatsimmi § 1-imi ilanngunneqassasoq.

Nr. 3-mut

Siunnersuutigineqarpoq umiarsuup takornariartaatip naalagaata umiarsuup Kalaallit Nunaannut tikinnissaatut ilimagineqartoq kingusinnerpaamik 24 tiimit sioqqullugit § 1, imm. 2-mi ilisimatitsisussaataaneq atuuttoq atorunnaarsinneqassasoq.

Nr. 4-mut

Siunnersuutigineqarpoq paragrafit nutaat 3-t inatsimmi § 1-ip kingorna ilanngunneqassasut.

*Umiarsualivimmiinnermut akileraarutit*

Umiarsualivimmiinnermut akileraartussaaneq pillugu paragraffitut nutaat § 1a inissinneqassasoq siunnersuutigineqarpoq. Maannakkut akigititaanik allannguani umiarsualivimmiinnermut akileraarutaasoq attatiinnarneqassasoq siunnersuutigineqarpoq. Taamaattorli 30.000 BT-nik imaluunniit annertunermik bruttotonnagelinnut umiarsuarnut takornariartaatinut akileraarutitut akigititap marloriaatinngortinnissaa siunnersuutigineqarpoq. Aamma umiarsuarnut takornariartaatinut aalajangersimasunut Nuup Umiarsualiviata umiarsualivimmiinnermut akileraarutit akiliisitsisassannginnera, aammalu umiarsuarnut takornariartaatinut angisuunut akileraarutit annikillisaanissamik akuerineqassanera siunnersuutigineqarput, atuisartunut akiliutit aamma naalagaaffimmit akileraarutit katitigaanerisa kingunerisaannik Nuup Umiarsualiviani akigitit inissisimaffigisaat annertuallaalissasoq akuerineqarmat. Tassunga ilanngullugu § 2-mi

akilaraarutininik pinngitsuuisitsinernut § 1a-mut innersuussissutip inissinnissaa siunnersuutigineqarpoq.

*Umiarsuarni takornarianik angallassisuni ilaasut akilaraarutaat*

Siunnersuutigineqarpoq umiarsuarni takornarianik angallassisuni ilaasut akilaraarutaat paragrafimi nutaami, § 1b, ilanngunneqassasoq. Siunnersuutigineqarpoq akilaraarutip annertussusia Kalaallit Nunaanni umiarsualivimmut tulannerit kisarfimmulluunniit tikinnerit tamaasa umiarsuarni takornariartaammi ilaasumut umiarsuarmiittumut ataatsimut 50 kr.-ussasoq. Tikinnernut ataasiakkaanut tamanut umiarsuarni takornariartaatini ilaasunut akilaraarutip ataasiartumik akiliutigineqassaaq. Umiarsualivimmi tulattarfiit assigiinngitsut akornanni piffissamik kinguartitsinerit imaluunniit nuussinerit tikinnertut nutaatut isigineqanngillat.

*Avatangiisinut aserfallatsaaliuinerimullu kommunit akiliut*

Aamma siunnersuutigineqarpoq paragrafi alla ilanngunneqassaq, § 1c. Paragrafikkut nutaakkut siunnersuutigineqarpoq kommunit avatangiisinut aserfallatsaaliuinerimullu akiliummik aalajangiisinnaanermik piginnaatitaanerit inatsimmi ilanngunneqassasoq, taanna siuliani nunamut ikaartitat amerlassusaat aallaavigalugit umiarsuarni takornariartaatini ilaasunut tikittunut akiliutigeqqusaassalluni.

Inoqarfiit 60-it missaaniittunut assersuutigalugu talittarfilinnut puttasulinnuunniit tikinnermut ullumikkut aallaaviummik akilaraaruteqanngilaq. Tikinnerit taamaattut kommunit pineqartut siunissami akiliummik akileqqusisinaanerannik kinguneqarsinnaassaaq. Tamassumunnga ilanngunneqassaaq sinerissamut pinngortitamulluunniit niunermi akiliummik akileqqusisoqartassasoq. Sumiiffiit avatangiisinut aserfallatsaaliuinerimullu akiliummik siumut aalajangikkamik akileqqusinerimik kinguneqartussat kommunit ataasiakkaat namminneq toqqassavaat. Sumiiffiit attuumassutillit kommunit toqqassavai, aammalu – ukiup siuliani pisoqarfiup aallartinnera sioqqullugu, tassalu ukiup tullissaani 1. oktobari pitinnagu kingusinnerpaamik – sumiiffiit attuumassuteqartut akiliutissallu annertussusissaa akilaraaruseriffimmut nalunaarutigissallugit.

Avatangiisinut aserfallatsaaliuinerimullu akilaraarutip naalagaaffimmut akilaraarutaanerit siunnersuutigineqarpoq, tamatumani tamatuma inatsisitigut aalajangerneqarnissaa piunasaqaataalluni. Taamaalillunilu aamma akiliutissap annertunerpaaffissaa inatsimmi takuneqarsinnaassaaq. Naalagaaffimmut akilaraarutaanngitsumi akiligassatigut isertitat aningaasartuutillu akornanni oqimaaqatigiissutissaq ukiut sisamat (4-t) ingerlaneranni anguniarneqassaaq. Naalagaaffimmut akilaraarutikkut taama ittunik piunasaqaateqartoqassanngilaq, akilaraarummili akiliutit ikiorsiissutinik, akiliteqarnermut toqqaannartumik akimuisuunatilluunniit attuumassuteqanngitsunik

anigaasaleeqataasinnaapput. Tamanna kommunini ataasiakkaani taakkunani annertunermik sungiussinissamik, annikinnermillu allaffissornermik tunniussissaaq. Taamaattorli sumiiffiit takornariartitsinermik annertunerulersumik toqqaannartumik imaluunniit toqqaannartuunngitsumik sunniuteqarfiusut taamaallaat akileraarutinit isertitanik iluaquteqarsinnaassasut siunnersuutigineqarpoq.

Kommunip attassaatur akiliummit isertitat anigaasartuutillu taakku, aammalu inatsimmut matumunnga naleqqiullugu akiliutigisaat kommunit naatsorsuutaanni immikkoortiterneqassasut siunnersuutigineqarpoq. Naalakkersuisut kommunit avatangiisinut aserfallatsaaliuinernullu akileraarummit isertitanik atuisinnaanermik aamma tamatumunnga naatsorsuisinnaanermik malittarisassiornissamat periarfissinneqassapput. Akiliummit isertitat taamaasillutik kommunit ataatsimut isertitaannut ilaaginnaratik, aammali akiliutip siunertaanut naapertuuttumik atorsinnaalissapput. Akiliummi kommunit piffinni nunagisanilu takornariartitsinermi siuarsaanissaanissaq, kiisalu tamatuma ajortumik kingunerisaanik aaqqiinissaq siunertaapput.

Siunnersuutigineqarpoq akiliut nunamat niunermi ataatsimi umiarsuarmit takornariartaammi ilaasumut ataatsimut annerpaamik 50 kr.-ussasooq. Akiliut ilaasut umiarsualivimmi umiarsualiviilluunniit avataanni nunamat niusoqarnersoq, tassunga ilanngullugu sineriammi pinngortitamiluunniit nunaligussisoqarnersoq apeqqutaatinnagu umiarsuarni takornariartaatini kommuninut tikittuni ilaasut umiarsuarmit amerlassusaat malillugu akiligassanngortinneqassaaq. Ilaasut nunamat ikaarnissamik imaluunniit ikaassannginnermik toqqaanerat apeqqutaanani. Umiarsuarmit takornariartaammit toqqaannartumik, imaluunniit angallat mikinerusoq assigisaaluunniit atorlugu nunamat ikaartoqarnera apeqqutaanani. Angalanermik suliaqartup angalanermut sumiiffiusumi suliaqartup isumaginnittuunera, imaluunniit umiarsuup takornariartaatip nammineq isumaginninnera apeqqutaanatik. Tassunga atasut amerlassuseq aalajangiisooq tassaavoq umiarsuarmit takornariartaammi ilaasut umiarsuarmit amerlassusaat.

Kommunit avatangiisinut aserfallatsaaliuinernullu akiliutinit isertat pinaveersaarutit suliarisanut, atortorissaarutit aserfallatsaaliornerrannut pitsanngortinneranullu atortorissaarutillu nutaat sananerannut atorsinnaavaat. Assersuutigalugu tassaasinnaapput tikinnermi atortorissaarutit perusuersartarfiilluunniit umiarsualiviit, talittarfiit, puttasut il.il. imaluunniit sinerissami pinngortitamiluunniit tikinneqarnerpaaffiusartut eqqaani eqqannguanittulluunniit. Aamma assersuutigalugit tassaasinnaapput siuliani pineqartut sumiiffiit taakku, annertusisumik takornariartitsinermik sunniuteqarfiusut avataanni sumiiffinni pinaveersaarutit suliarisat il.il. Sumiiffiit, akileraarusiinnermik nassataqartussat, kommuninit ataasiakkaanit toqarneqassapput. Sumiiffiit attuumassutillit, aamma akiliutissap annertussusissaa akileraaruseriffimmut ukiup siuliani kingusinnerpaamik ulloq 1. oktobarimi nalunaarutigineqassapput.

Siunnersuutigineqarpoq akiliut nammineq nalunaaruteqartarnertut aaqqissuunneqassasoq, umiarsuup naalagaa, isumaqatiginninniartartua imaluunniit agentia tassani ilumoorluinnarnermik nalunaaruteqassalluni – elektroniskinnngorlugu immersugassami umiarsualivimmiinnermut aamma umiarsuit takornarianik angallassissutit ilaasunik angallassinerannut akileraarutit naatsorsornerannut atugassatut paasissutissanik nalunaarummi.

Nammineq nalunaaruteqarneq ilaasut piffissami nunamut niuneranni umiarsuarmit amersassusaat tunngaveqarpoq, ilaasulli piffissap ilaani umiarsuarmit niunissamik toqqaasut amersassusivii pinnagit.

Nammineq nalunaarummi ilaapput nunamut niunerit kommuninut 5-inut agguarlugit. Avatangiisinut aserfallatsaaliuinernullu akiliuteqartitsinissamik kinguneqartitsisuusaaq kommunimi sumiiffinnik toqqaasutut kommuniusoq. Tamatumani umiarsualiviusinnaavoq, inoqarfiusinnaavoq, nunamilu sineriammilu niunerusinnaapput il.il.

Siunnersuutigineqarpoq kommuninut ataasiakkaanut akiliutit annertussusiisa aalajangernerani nunamut niunerit ataatsimut ilaasumut ataatsimut annerpaamik 50 kr.-usinnaasoq. Aappaagussamut sumiiffiit akiliutissallu annertussusissaat ukiup siuliani ulloq 1. oktobarimi akileraaruseriffimmut kingusinnerpaamik nalunaarutigineqassapput. Taamaallutik akiliutit ingerlatsisunit tamanit ilisimaneqarnissaat qulakkeerneqassapput.

Siunnersuutigineqarpoq akiliut umiarsualivimmi tikiffimmi umiarsualiveqarnermut oqartussanit tulluittunit akilersinneqassasoq. Tassa umiarsualivimmiinnermut aamma umiarsuit takornarianik angallassissutit ilaasunik angallassinerannut akileraarutitik nalunaaruteqarnermut peqatigitillugu nalunaarutigineqassaaq. Akileraarutit akilerneqartut akiligassallu akilerneqartut tamarmiusut umiarsualiveqarnermut oqartussat akileraaruseriffimmut akilissavaat, taassumalu tamassuma kingorna kommuninut ataasiakkaanut akilissavai.

#### *Umiarsualiveqarnermut oqartussat*

Umiarsuit akileraartussaataasut tikinneranni kisarneranniluunniit illoqarfinni nunaqarfinnilu 19-ini umiarsualivinni 19-ini ukunani umiarsualivimmiinnermut akileraarutitik ullumikkut akiliisitsisoqartarpoq: Qaanaaq, Upernavik, Uummannaq, Qeqertarsuaq, Ilulissat, Qasigiannuit, Aasiaat, Kangaatsiaq, Sisimiut, Kangerlussuaq, Maniitsoq, Nuuk, Paamiut, Narsaq, Narsarsuaq, Qaqortoq, Nanortalik, Ammassalik aamma Ittoqqortoormiit, tak. Umiarsualivimmiinnermut aamma umiarsuit takornarianik angallassissutit ilaasunik angallassinerannut akileraarutit pillugit Namminersornerullutik Oqartussat nalunaarutaat nr. 5, 7. marts 2003-meersoq.

Qitiusumi umiarsualiveqarnermut oqartussat umiarsualivinni 19-ini qulaani taaneqartuni umiarsualiveqarnermut oqartussanut allaffissorpeq pillugu isumaqatigiissusiornikuupput. Taamaalilluni qitiusumi umiarsualiveqarnermut oqartussanit najukkami umiarsualiveqarnermut oqartussaataasunut ilitersuisinnaatitaasunit piginnaatitsinikkut najukkami umiarsualiveqarnermut oqartussaasoqarpoq, tak. Umiarsualiveqarnermut oqartussaanerup ingerlanneqarnera pillugu Namminersorerullutik Oqartussat nalunaarutaat nr. 14, 14. maj 2002-meersoq.

RAL A/S, SIKUKI Nuuk Harbour A/S, KNI Pilersuisoq A/S imaluunniit Mittarfeqarfiit A/S umiarsualivik apeqqutaalluni umiarsualiveqarnermut oqartussaapput.

Illoqarfinni umiarsualivinni Nanortalik, Qaqortoq, Narsaq, Paamiut, Maniitsoq, Sisimiut, Aasiaat, Qasigianguit, Ilulissat, Ummannaq, Upernavik aamma Tasiilaq Royal Arctic Line A/S umiarsualiveqarnermut oqartussaataavoq.

Nuummi Kangerlussuarmilu SIKUKI Nuuk Harbour A/S umiarsualiveqarnermut oqartussaataavoq. Inuussutissarsiutigalugu umiarsualiveqarnermut ingerlatseqatigiiffinnut najukkami umiarsualiveqarnermut oqartussaanermik piginnaatitsinermut inatsisitigut tunngavik pillugu Umiarsualiviit pillugit Inatsisartut inatsisaat nr. 9, 3. juni 2015-imeersoq innersuussutigineqarpoq.

Illoqarfinni umiarsualivinni Kangaatsiaq, Qeqertarsuaq, Qaanaaq aamma Ittoqqortoormiit KNI Pilersuisoq A/S. KNI Pilersuisoq A/S najukkami umiarsualiveqarnermut oqartussaataasoq aamma nunaqarfinni Pilersuisoq A/S-p immikkoortoqarfigisaani umiarsualiveqarnermut oqartussaataavoq, kisiannili Narsarsuaq pinnagu, tassani Mittarfeqarfiit A/S umiarsualiveqarnermut oqartussaataavoq. Najukkani umiarsualiveqarnermut oqartussaataasunik allattuvik nutartigaq kingulleq Ineqarnermut, Attaveqarnermullu Naalakkersuisoqarfimmu saaffiginninnikkut pissarsiarineqarsinnaavoq.

#### *Sumiiffiit najugaqarfiusut taaguutaat*

Piffissap ingerlanerani taaguutit illoqarfik aamma nunaqarfik taaguutinik inoqarfiit pingaarnersaannik aamma inoqarfinnik (assigiinngiaartunik angissusilinnik) taarserneqassasut Naalakkersuisut aalajangiussimavaat. Allanguutissatut inatsimmi matumani taaguut nunaqarfik nangitsisumik atorneqarput, umiarsualiviit pillugit inatsisaasuni taaguutit taakku tamatigoortumik atorneqarmata, ilanngullugit inatsisinik taakkuninnga tunngaveqartuni nalunaarutini atugaalersitani.

Allanguutissatut inatsimmut matumunnga siunnersuummi sumiiffinni ataasiakkaani ”nunaqarfiit” ”inoqarfiit”-nik taarserneqarput, tassaalluni sumiiffimmu najugaqarfiusumut

taaguut, tamanna paatsuuinissamut tunngaviliisinniarnagu. Inatsimmik pingaarnermik nutaamik suliaqarnermut atatillugu taaguusersuineq nalinginnaasumik allanngortinneqarsinnaassaaq.

Nr. 5-imut

Siunnersuutigineqarpoq inatsimmi § 2-mi pinngitsuuisitsineq allanngortinnagu ilaatigulli erseqqissaateqarluni ingerlatiinneqassasoq.

Pinngitsuuisitsinerit taamaalillutik tassaassapput §§ 1a-tut aamma 1b-tut kiisalu akiliutinik akiliisussaangitsut 1c-tut siunnersuutigineqartumiittut, tassa umiarsualivimmiinnermut aamma umiarsuit takornarianik angallassissutit ilaasunik angallassinerrannut akileraarutinik kommuninullu avatangiisinut aserfallatsaaliuinemullu akiliutinik.

Ilanngullugu inatsimmi § 2, imm. 1, nr. 4-p erseqqissaaviginissaa siunnersuutigineqarpoq. Naalagaaffiup umiarsuai danskit, aamma nunanit allaneersuut, niuerfimmi atugaangitsut kisimik § 2-mi pinngitsuuinerni taamaalillutik ilaatinneqassapput. Imarsiornermut inatsisit malillugit naalagaaffiup umiarsuai, niuerfimmi atorneqartut niuernermi umiarsuarnut, ilanngullugit ilaasortaatinut, assigiissinneqarput.

Inatsit pitsaanerulersinniarlugu aamma siunnersuutigineqarpoq Umiarsualivimmiinnermut aamma umiarsuit takornarianik angallassissutit ilaasunik angallassinerrannut akileraarutit pillugit Namminersornerullutik Oqartussat nalunaarutaanni nr. 5, 7. marts 2003-meersumi § 2 naapertorlugu umiarsualivimmiinnermut akileraartussaataanginnerit atuuttut inatsimmut nuunneqassasut. Pissutsit immikkut pissutissaqartitsippata akileraaruteqartitsisussaangitsumut akitsuutinilluunniit oqilisaanissamut piginnaatitsissut § 12, imm. 2-mi atuuttumi allaqqavoq.

Umiarsualivimmiinnermut aamma umiarsuit takornarianik angallassissutit ilaasunik angallassinerrannut akileraarutit pillugit Namminersornerullutik Oqartussat nalunaarutaanni nr. 5, 7. marts 2003-meersumi § 2 naapertorlugu umiarsualivimmiinnermut akileraartussaataanginnermut ilaapput ” umiarsuit Kalaallit Nunaanni aalajangersimasumik inissinneqartut, taamaallaat umiarsuurtut annanniutitut, kalittaatitut, siorartaatitut, ujaqqanik qalluutitut, aaqqartartut umiarsuaattut aamma prammitut atuuttut, umiarsuit Kalaallit Nunaanni nunami suliffissuarmi tunisassiornissaq siunertaralugu aalisakkanik imaluunniit aalisakkanik tunisassianik Danmarkimi, Savalimmiuni nunaniluunniit allani pisianik usingiartut, umiarsuit nunaqarfinni avinngarusimasunilu aalisakkanik aalisakkaniillu tunisassianik pisiortortut aamma umiarsuit taamaallaat uuliamik uuliamillu tunisassianik assartuisut.”

Siunnersuutigineqarpoq nalunaarummi akiliisussaataanginnerit qulaani taanneqartut

inatsimmi § 2-mi nr. 11-14-tut ilanngunneqassasut.

Siunnersuutigineqarpoq akiliisussaataatitaannginnerit inatsimmut nuunneqarnerat peqatigitillugu piginnaatitsissutaaqqaarnikoq atorunnaarsinneqassasoq, tak. nr.13-imi.

Umiarsuarmut takornariartaammut nassuiaat tassaavoq ilaasortaata aalajangersimasumik angalasoq, tak. nr. 1-imut nassuiaatit.

Tamanna tunngavigalugu siunnersuutigineqarpoq, immikkoortoq nutaaq § 2-mi ilanngunneqassasoq, tassani allaqqavoq, umiarsuit umiarsualivimmumut 1-imut arlalinniluunniit aalajangersimasumik angalasut § 1b malillugu umiarsuarmi takornariartaammi ilaasunut akileraaruteqartussaataatitaanngillat aamma 1c malillugu akiliutinik akiliisinneqassanngitsut. Kisiannili umiarsuit umiarsualivimmumut 1-imut arlalinnuluunniit aalajangersimasumik angalasut umiarsualivimmiinnermut akileraartussaataatitaapput, kisiannili maannakkut § 5, imm. 3, maannakkut imm. 6-inngortoq, naapertorlugu umiarsualivimmiinnermut akileraarummik allattut akilersueriaaseqarnissaq pillugu akileraaruseriffimmumut sulii isumaqatigiissusiorsinnaapput, tak. nr. 9.

Nr. 6-imut

Siunnersuutigineqarpoq § 1a naapertorlugu umiarsualivimmiinnermut akileraarutip naatsorsornerani bruttotonsit (BT) annertussusaat kisitsisinut ilivitsunut qaninnernut ammut bruttonsinnngortinneqassasoq erseqqissarniarlugu § 3-mi nutaatut ilanngunneqartumi § 1a-mut innersuussineq ilanngunneqassasoq.

Inatsimmi § 3-mi akileraarutit akii allanngortinneqassanngillat, taamaattorli 70 bruttotoninut (BT-nut) umiarsualivimmiinnermut akileraarummik minnerpaamik akiliuteqartassasoq siunnersuutigineqarpoq. Umiarsuarnut angallatinullu akileraarutinik pinngitsuuisitsiviusunut tamanut umiarsualivimmiinnermi akileraarutinik minnerpaamik 70 bruttotoninut (BT-nut) akiliisoqartassasoq umiarsualivimmiinnermi minnerpaamik akiusup nassataraa. Umiarsualivimmiinnermut minnerpaamik akiusoq tassaavoq pisariillisaaneq, umiarsuarnut angallatinullu mikinernut tamakkiisutut umiarsualivimmiinnermut akileraarutip annertussusaa imatut pingaaruteqanngitsigisutut annertussuseqartussatut nalilerneqarmat paarlattuanik aalajangersimasumik annertussusillit tikillugit angallatinut aalajangersimasunut minnerpaamik akigititassamik suliaqarfigisassaqaarnissaq siunnersuutigineqarluni.

Aamma inatsimmi § 3, imm. 1, nr. 1-imi akileraarutinut akiusunut Nuup Umiarsualivia unammillernermut sianigisassanut tunngasumik pinngitsoortinneqassasoq siunnersuutigineqarpoq, takukkit nalinginnartut oqaaseqaatit aamma nr. 7.

Nr. 7-imut

Siunnersuutigineqarpoq inatsimmi § 3, imm. 2 atorunnaarsinneqassasoq, tassa umiarsualivimmiinnermi akileraarutit (tonnageamut akileraarutit) naatsorsorneranni tunngavimmik naatsorsuinnermi bruttoregister tonsip atorunnaarsaanut periarfissaq pisariaqarunnaarmat. Umiarsuup usitussusia siornatigut bruttoregister tonsit naatsorsorneqartarpoq, usitussuserli taanna bruttotonnageamit, bruttotonsit (BT) naatsorsorneqartartumit taarserneqarpoq.

Inatsimmi § 3, imm. 2-p nutaamik oqaasertalersornissaa siunnersuutigineqarpoq. Umiarsuarnut takornariartaatinut mikinerusunut maannakkut umiarsualivimmiinnermut akileraarutini akiusumut (ullormut unnuamullu aallartinneqartunut tamanut BT-kkaanut tamanut 1,10 kr.-mut), aammalu umiarsuarnut takornariartaatinut angisuunut marloriaatinngortillugu siunnersuutigisamut umiarsualivimmiinnermut akileraarutini akiusumut (ullormut unnuamullu aallartinneqartunut tamanut BT-kkaanut tamanut 2,20 kr.-mut) taarsiullugit umiarsuarnut takornariartaatinut Nuup Umiarsualivianut tikittunut umiarsualivimmiinnermut akileraarutini akiusunik immikkut ittuutitanik aalajangersaasoqassasoq siunnersuutigineqarpoq.

30.000 BT-nik qaangiinngitsunik umiarsuarnut takornariartaatinut bruttotonnageqartunut umiarsualivimmiinnermut akileraarutinit akiusoq ullormut unnuamullu aallartinneqartunut tamanut BT-kkaanut tamanut 0 kr.-nut aalajangerneqassasoq siunnersuutigineqarpoq. 30.000 BT-nik aamma tassannga annertunermik bruttotonnageqartutut umiarsuarnut takornariartaatinut akiusup ullormut unnuamullu aallartinneqartunut tamanut BT-kkaanut 0 kr. 70 ørenut aalajangerneqassasoq siunnersuutigineqarpoq.

Nr. 8-mut

Umiarsualivimmiinnermut akileraarutip (tonnageamut akileraarutip) naatsorsorneranut tunngaviup naatsorsornerani bruttoregister tonsip atorunnaarsinneqarmat, tak. nr. 7, siunnersuutigineqarpoq ”imaluunniit bruttoregister tonsi” inatsimmi § 4-mi aamma atorunnaassasoq. Umiarsuup usitussusia siornatigut bruttoregister tonsit naatsorsorneqartarpoq, kisianni usisutussuseq taanna bruttotonnageamit, bruttotonsit (BT) naatsorsorneqartartumit ullumikkut taarserneqarnikuuvoq.

Nr. 9-mut

Kalaallit Nunaanni umiarsualivimmut umiarsuup tikinnerani imaluunniit taassuma avataani kisarnerani, imaluunniit Kalaallit Nunaanni kisartarfimmut tikinnerani ilaasut amerlassusaat pillugit paasissutissanik tunngaveqartumik umiarsuarni takornariartaatini ilaasunut akileraarutissatut siunnersuummut akileraarummik akiliutissat aalajangiunneqassasut siunnersuutigineqarpoq, takuuk inatsimmi ilaannakortutut nutaamik oqaasertalersugaq § 5.

Assersuutigalugu umiarsuaq 500-nik ilaasoqarluni tikippat, ilaasunut akileraarut



akilerneqartussaq umiarsualivimmut tikinnerup kisarfimmulluunniit tikinnerup kingorna ilaasut umiarsuarmit niusut ilaasulluunniit umiarsuarmut ikisut nutaat amerlassusaat apeqqutaatinnagu, ilaasut amerlassusaat taanna aallaavigalugu aalajangerneqassaaq.

Umiarsualivimmiinnermut akileraarummik akiliutissanik akiliinissat kingusinnerpaamik umiarsualivimmit imaluunniit kisartarfimmit aallarnermi aalajangerneqassapput.

Akiliutissanik akileeqqusinerit umiarsualivimmut tullissaatut tikitassap tikiffiuneranut atatillugu naatsorsorneqassapput, taassuma avataani kisarnermi, imaluunniit umiarsuaq kisartarfimmiissappat.

Umiarsualivimmut aamma umiarsuarni takornariartaatini ilaasunut akileraarutit nunatta karsianut tuttussat, aamma kommunitut akiliutissat naatsorsugaaneri aamma akileeqqusissutissat regnearkimi ataatsimi tassani katersorneqassapput, taannalu sumiiffigisami, atuuttuusooqarfittut umiarsualiveqarfimmi oqartussaasoqarfimmut nassiunneqassaaq.

Paasissutissanik suliamut attuumassuteqartunik umiarsualiveqarnermut oqartussanut nalunaarneq elektroniskinnorlugi immersugassaq paasissutissat eqqortuunerannik ilumoorluinnarluni nalunaarutitut umiarsuup naalagaata, isumaqatiginninniartartuata imaluunniit agentiaata nassiussaanik tunngaveqarpoq. Eqqunngitsunik nalunaaruteqarneqarnerani pillaammik akiliisitsisoqartarpoq, tak. ataani § 14 nutaamik oqaasertalerneqartoq siunnersuutigineqartoq.

Siunnersuutigineqarpoq elektroniskinnorlugi immersugassami umiarsualivimmiinnermi aamma umiarsuit takornarianik angallassissutit ilaasunik angallassinerrannut akileraarutit kommunitullu akiligassat naatsorsornerannut atugassatut paasissutissat suliamut attuumassuteqartut tamarmik ilanngunneqassasut.

Tamassumunnga siunnersuutigineqarpoq, ilaasut inuiaassusianik maannakkut nalunaaruteqartarnek ingerlaannassasoq. Naatsorsueqqissaartarfiup Kalaallit Nunaanni umiarsuarnik takornariartarnerup ineriartorneranik paasinarsaaneranut atugassatut paasissutissanik katersinissaa siunertaralugu nalunaaruteqartoqartarpoq. Paasissutissat Kisitsisaataasivimmi Takornariaqarneq/Umiarsuit takornariartaatit/Umiarsuarni takornariartaatini nuna najugaqarfiat takuneqarsinnaapput.

Akileraarutit akiliutillu akilerneqartut tamarmiusut regnearkimi (Excel) elektroniskinnorlugi umiarsualiveqarnermut oqartussanut nalunaaruteqarnikkut nalunaarutit tunngavigalugit ingerlaannaq naatsorsorneqartarput. Assersuutigalugu atsiornermik ilaqartillugu pdf-itut ilusilikkatut regnearki tunniunneqarsinnaavoq, tassalu taanna elektroniskiusumik

Akileraartarnermut aqutsisoqarfimmut nassiunneqarsinnaatillugu.

Umiarsuup naalagaa, akunnermiliuttoq tuniniaasorluunniit Kalaallit Nunaanni umiarsualivimmut kisarfimmulluunniit tikinnginnermi ullumikkut saaffiginnittussaareerput aamma umiarsuaq pillugu paasissutissat, piffissaq tikiffissatut ilimagineqartoq, tikinnermi siunertaq piffissarlu umiarsualivimmiinnissatut ilimagineqartoq paasissutissiissutigalugit, tak. Umiarsualivinni malittarisassaqtitsineq pillugu Namminersornerullutik Oqartussat nalunaarummi nr. 1, 4 januari 2000-imeersumi § 1, imm. 3.

Umiarsuit takornarianik angallassissutit ilaasunik angallassinerrannut akileraarutit Umiarsualivimmiinnermut aamma umiarsuit takornarianik angallassissutit ilaasunik angallassinerrannut akileraarutit pillugit Namminersornerullutik Oqartussat nalunaarutaanni nr. 5, 7. marts 2003-meersumi § 4 naapertorlugu umiarsuup naalagaa inuttarluunniit akisussaasoq alla, umiarsuup umiarsualivimmit allannginnerani – umiarsualiveqarnermut oqartussat sukumiinerusumik ilitersuinerisigut – umiarsuup suunera, umiarsuup BRT/BT-a, umiarsualivimmiinnermi ullut unnuallu umiarsualivimmiinnerit aallartittut amerlassusaat pillugit umiarsualiveqarnermut oqartussanut nalunaaruteqassapput akileraarutillu naatsorsorneqartut akueralugit.

Akileraarutit akiligassat akiligassallu akilerneqartussat umiarsuup umiarsualivimmit kisarfimmilluunniit allarnerani umiarsualiveqarnermut oqartussanut akiligassanngussapput, tamatuma kingornatigut akiliinissamat killigititaq ullut 14-it iluanniissalluni. Umiarsualiveqarnermut oqartussat qaammami umiarsualivimmiinnermut umiarsuarnilu takornariartaatini ilaasut akileraarutaasa akiligaannik akiligassanillu akilersinneqartunik piffissaq eqqorlugu akiliiffissaat kingulleq tassaavoq qaammatip tulluuttup ulluisa 15-iat. Akileraaruseriffiup kommunitut akiligassat ukiumut 1-eriarlutik ataatsimut akilissavaat – ilimanarporlu tassaasoq novembarip ingerlanerani.

Siunnersuutigineqarpoq umiarsuit umiarsualivimmut 1-imut arlalinnulluunniit aalajangersimasumik angalasartut umiarsualivimmiinnermut akileraarutit pillugit allatut akileeriaaseqarnissamik isumaqatigiissuteqarnissamat periarfissaqassasut. Taamaaliornikkut umiarsuarnut toqqakkanut akiliisarnermi aaqqissuussineq maannakkut allaffissornermut sanilliullugu pisariinnerulersinneqassaaq. Kisiannili umiarsualiveqarnermut oqartussat umiarsuit aalajangersimasumik angalasartut qaammami umiarsualivimmiinnermut akileraarutaannik ulloq nalunaaruteqarfissaat akiliiffissallu kingulleq ulloq qulaani taaneqartoq assigaa, qaammatip tulluuttup ulluisa 15-iat.

Nr. 10-mut

Siunnersuutigineqarpoq inatsimmi § 6 missingiilluni akiligassanik annertussusiliineq pillugu aalajangersagaq allannguinerup kinguneranik aaqqinneqassasoq, taamaalilluni ”akitsuutip

akiligassap annertussusaa” imatut allanngortinneqassalluni ”akitsuutit akiligassat aamma akileeqqusinerit annertussusaa”.

Akileraaruseriffik akileraarutininik aqutsineq pillugu Inatsisartut inatsisaanni § 80 naapertorlugu isertitat akileraarutilluunniit missingiinermi appasippallaamik annertussusilerneqarsimappata annertussusiliinerullu kingorna pineqartup akileraaruseriffik tamanna pillugu nalunaarfigisimanngippagu pillaammik akiliisitsinissamik ullumikkut periarfissaqareerpoq.

Nr. 11-mut

Siunnersuutigineqarpoq Inatsimmi § 10-mi akiligassat akilerneqarnissaannik aalajangersagaq allannguinerup kinguneranik aaqqinneqassasoq, taamaalilluni “akileraarut akilerneqartussaq” imatut allanngortinneqassalluni “Inatsisartut inatsisaat manna malillugu akileraarutininik akiligassanik, akitsuutinik akileeqqusissutinik, aamma akiliisutissannngortitat akilernissaannut” akileeqqusinernut. Aammattaaq assigiittut pineqarlutik umiarsuaatilik, piginnittoq, attartuisoq aamma pisortaasoq taakkuninnga akiliisussaannerat siunnersuutigineqarpoq.

Umiarsualivimmiinnermut akileraarutit naapertorlugit aningaasat pisassanik akiliisitsiniartarneq pisortanullu akiitsoqarnissamik pinaveersaartitsineq pillugu Inatsisartut inatsisaanni ilaapput, akileraaruseriffiullu akiitsut akilersinniarnissaat aallartissinnaassavaa. Akiliutit amigaatigineranni umiarsualiveqarfimmut oqartussaasut tamatuminnga akileraaruseriffimmut ingerlatitseqqittarnissaanik pisussaaffilerneqassasut siunnersuutigineqarpoq, taassuma akileeqqusissutip kingornatigut akiliisitsiniarnissaa siunertaralugu.

Nr. 12-imut

Inatsimmi § 11-p maannamut oqaasertalernerani ilaatigut allaqqavoq ” Umiarsuit Akileraartarnermi Pisorta qarfiup qinnuteqarneratigut politiinit tiggummineqarallarneqarsinnaapput”

Aalajangersagaq atorneqarnikuunngilaq, nalorninarporlu aalajangersagaq taanna kisiat naapertorlugu tiggummigallagaqartoqarsinnaasoq

Siunnersuutigineqarpoq oqaasertalernerani imatut allanngortinneqassasoq ” Naalakkersuisut akiligassat kinguaattoorutit akilerneqannngippata umiarsuit, Kalaallit Nunaanni umiarsualivinnut tulannissaat itigartissinnaavaat. Naalakkersuisut politiit akiliutitillugit aamma umiarsuarnik nalunaarsuiffiit inatsisini peqqussutaasumik nalunaarsorneqartussat taakku 2-t atorlugit umiarsuup sumiinnera umiarsuullu sumut ingerlanera paasisinnaavaat, takuuk nalunaarut nr. 170, 17. marts 2003-meersoq.

Kalaalit Nunaata eqqaani imartani umiarsuit nalunaarutaannik nalunaarsuiffik pillugu nalunaarut nr. 179, 17. marts 2003-meersoq (Kalaallit Nunaanni Nalunaaruteqarfik) malillugu, umiarsuit tamarmik Kalaallit Nunaata imartaanut appakaattut qimaguttulluunniit imaluunniit Kalaallit Nunaata toqqaviata timaaniittut imaluunniit aningaasaqarnikkut oqartussaaffianiittut, Arktisk Kommandomut GREENPOS-imut nalunaassapput. Umiarsuit suulluunniit 20 sinnerluguluunniit bruttotonseqartut (BT) Kalaallit Nunaanni umiarsualiviit tikiffiillu akornanni angalasut tikiffiginiakkami umiarsuarnik nakkutilliiffimmut SENERISSAMI NAKKUTILLIIVIMMUT nalunaassapput. Nalunaartarfiup atorpeqarnissaanik piunasaqaat immami isumannaallisaaneq pillugu inatsimmi aalajangersarneqarpoq, unioqqutitsinernilu Kalaallit Nunaanni pinerluttulerineq pillugu inatsit malillugu pineqaatissiisoqarsinnaalluni.

Nunap toqqavia tassaavoq, immap naqqani nunagisamut nalinginnaasumik nunap uiggiutaa. Nunat sineriallit suulluunniit ingerlaannaq 200 sømilimik avammut nunap toqqaveqarsinnaatitaapput, tamassumalu assigaa aningaasaqarnikkut oqartussaaffiup (EEZ) killinga. Nunalli piunasaqaatit eqqortinneqarpata 200 sømilimik killeqarfiup avataani nunap toqqaveqarnissamik piunasaqarsinnaapput.

Nr. 13-imut

Siunnersuutigineqarpoq Inatsimmi § 12, imm. 2-p maannamut oqaasertaa, tassani inatsisikkut akileraartussaataanninneq taassumaluunniit sakkukillisinnaaneramik annertuumik periarfissiisoq atorunnaarsinneqassasoq. Umiarsualivimmiinnermut akileraarutit pillugit inatsimmi § 12, imm. 2-mi atuuttumi, Naalakkersuisut immikkut pissutsit pissutissaqartitsippata akileraartussaataanninnermik taassumaluunniit sakkukillisissinnaanissaanik aalajangiisinnaapput.

Siunnersuutigineqarpoq piginnaatitsineq siunissami imatut oqaasertalerneqassasoq, taanna taamaallaat inatsisip atuutilersinneqarnerata ingerlateqqinneranut atorneqarsinnaasoq, taamaalillunilu inatsimmi aalajangersakkami akileraartussaataajunnaarsitsisoqarsinnaanani sakkukillisitsisoqarsinnaaniluunniit.

Aamma siunnersuutigineqarpoq Naalakkersuisut qitiusumi umiarsualiveqarnermut oqartussat najukkami umiarsualiveqarnermut oqartussaataitaasutut suliaqarnissamik peqqunissaannut piginnaatinneqarnissaannullu piginnaatinneqartut inatsimmi erseqqissarneqassasoq. Suliassanut taakkununga ilaatigut ilaapput nunap karsianut akileraartunik akiligassiisarnermi aamma kommuninut akiliutinik akiligassiisarnermi taakkulu akileraaruseriffimmut akilernerqarneranni allaffissornikkut suliassat. Akiliut kingullertut taaneqartut taamaalilluni najukkami umiarsualiveqarnermut oqartussaataitaasut akileraaruseriffimmut akilissavaat, taassumalu tamassuma kingorna kommuninut agguaatissavai.

Najukkani umiarsualiveqarnermut oqartussaatinneqartut taamaalilluni suliassaasa ilagaat, umiarsuaatileqatigiiffimmut, piginnittumut, atuisumut, attartortumut tuniniaasumulluunniit inatsimmi § 10 naapertorlugu akiliutissat tamarmik akilernissaannik akisussaasumut akiligassiinissaq. Najukkami umiarsualivinnut oqartussaaitamut akiliisoqanngippat, taanna tamassuma kingorna aningaasat pisassat akilersinniarnissaat siunertaralugu akileraaruseriffimmut akilerneqanngitsut nalunaarnissaannik pisussaaffeqarpoq.

Tamassumunnga siunnersuutigineqarpoq umiarsualiveqarnermut oqartussat kukkunersiuisuat ukiumoortumik nalunaaruteqartarnissaa pillugu Umiarsualivimmiinnermut aamma umiarsuit takornarianik angallassissutit ilaasunik angallassinernannut akileraarutit pillugit Namminersornerullutik Oqartussat nalunaarutaanni nr. 5, 7. marts 2003-meersumi § 7, inatsimmi toqqaannartumik allassimalissasoq. Umiarsualivinnut Oqartussat kukkunersiuisuat qaammatisiutit malillugit ukiup naanerani nalunaaruteqarnermi, taamaalilluni umiarsualivimmiinnermut aamma umiarsuit takornarianik angallassissutit ilaasunik angallassinernannut akileraarutitik kommunitnullu akiligassanik, akiliinissamik allaffissornermillu qulakkeerinniffiusunik suleriaatsinik pilersitsisimaneq atsiorluni uppersassavaa.

Sumiiffiusumi, atuuttusoqarfittut umiarsualiveqarfimmi oqartussaasoqarfimmut toqqaagaasumut piunasaqaatit pillugit inatsimmi matumani § 12, imm. 3 malillugu nalunaarummik atuutsitsilernerumut atatillugu umiarsualiveqarfimmut oqartussaasoqarfimmit, ukiumoortumik nalunaarummik nassiussinerminnut atatillugu aamma ukiumi akileraarutitut akiliissutinullu tamakkiisutut nalunaarutigisanut akiliutaasunullu ataatsimut isiginniffissamik ilanngussisarnissaat naatsorsuutigineqarpoq.

Ukiumi nalunaarutitik aamma akileraarutitik akiligassanillu akilerneqartussanik tamarmiusunik nalunaarummik suliaraqarnermut takussutissiornermullu aningaasartuutaasinnaasut najukkani umiarsualivinnut oqartussaaitaasut akilissavaat.

Naggataatigut siunnersuutigineqarpoq Naalakkersuisut kommunit avatangiisinut aserfallatsaalinerimullu akiliummit isertitat qanoq atornissaannut aalajangersaasinnaanermut periarfissinneqassasut. Akiliut kommunit kommunit isertitaannut ilanngunneqaannarsinnaanngillat, akiliutilli siunertaa naapertorlugu atorneqassalluni. Akiliummik siunertaritinneqarpoq, kommunit najugaqarfigisami nunallu immikkoortuani takornariartitsinermut periarfissanik ineriartortitsinermi iluaqutaasumik, taamatullu ajoqutaasut pinngitsoortinniarlugit.

Nr. 14-imut

Siunnersuutigineqarpoq inatsit naapertorlugu pillaammik akiliisinneqarnermi akisussaaneq imatut annertussusilerneqassasoq, akitsuutininik naatsorsuinerit arlallit (umiarsualivimmiinnermut akileraarutit aamma umiarsuarni takornarianik angallassisuni ilaasut akileraarutaat) akiligassanillu akiliinerit taakkunangalu nakkutiginninneq ilanngunneqassasut.

Nr. 15-imut

Inatsimmi § 14, imm. 2-mik atorunnaarsitsineq aalajangersakkami siusinnerusukkut paragrafip (§9) atorunnaarsinneqarneranut taamaallaat innersuussissutaanerata kinguneranik allannguinerup kingunerup allannguineruvoq.

§ 2-mut

Siunnersuutigineqarpoq Inatsisartut inatsisaata allanngortinnera ulloq 1. januar 2024 atuutilersinneqassasoq.

<b>Siunnersuut inatsimmut atuuttumut sanilliullugu</b>	
<i>Oqaasertaliineq atuuttoq</i>	<i>Siunnersuut</i>
	<b>§ 1</b>  Umiarsualivimmiinnermut akileraarutit pillugit Inatsisartut inatsisaanni nr. 20, 30. oktober 1992-imeersumi ilaatigut Inatsisartut inatsisaatigut nr. 14, 28. oktober 1993-imeersukkut, Inatsisartut inatsisaatigut nr. 1, 20. maj 1998-imeersukkut, Inatsisartut inatsisaatigut nr. 2, 21. maj 2002-meersukkut, Inatsisartut inatsisaatigut nr. 3, 27. marts 2006-imeersukkut kingusinnerusukkullu Inatsisartut inatsisaatigut nr. 14, 3. juni 2015-imeersukkut allanngortinneqartumi imatut allannguisoqarpoq:
Umiarsualivimmiinnermut akileraarutit pillugit Inatsisartut inatsisaat	<b>1.</b> Inatsit imatut taaguuteqartinneqassaaq: ”Umiarsualivimmiinnermut aamma umiarsuarni takornarianik angallassisuni ilaasut akileraarutaat pillugit Inatsisartut inatsisaat”.
<b>§ 1.</b> Umiarsuit Kalaallit Nunaanni umiarsualivinnut nunalittut akileraarummik landskassemut akiliisassapput.	<b>2.</b> § 1, imm. 1, imatut oqaasertalerneqassaaq: ” Umiarsuit nunalinneranni umiarsualiviilluunniit avataanni kisarneranni aamma Kalaallit Nunaanni kisarfimmut tikinneranni umiarsualivimmiinnermut aamma umiarsuarni takornarianik angallassisuni ilaasut akileraarutininik Nunatta Karsianut akiliisoqartassaaq, tak. §§ 1a aamma 1b.”
<b>§ 1.</b> ... <i>Imm.</i> 2. Umiarsuup takornarianik angallassisutip Kalaallit Nunaanni umiarsualivimmut, umiarsualiviup avataanut sinerissamiluunniit ilaasuminik nunnigussiffissamisut tikitassaanut	<b>3.</b> § 1, imm. 2, atorunnaarsinneqarpoq.

<p>siullermut apuunnissaa nal.ak. 24-nik sioqqullugu, umiarsuup naalagaata allattorsimaffik ilaasut qanoq amerlatiginerannik pineqartullu qanoq inuiaassuseqarnerannik imaqartoq Akileraaruseriffimmut nassiutissavaa. Takornarianik angallassineq Kalaallit Nunaanni umiarsualivimmiit aallarnerneqarpat allattorsimaffik umiarsuaq aallartinnagu nassiunneqassaaq.</p>	
	<p><b>4.</b> § 1-ip kingorna ilanngunneqassaaq:  ” <b>§ 1a.</b> Umiarsuit tamarmik umiarsualivimmiinnermut akileraarutininik akiliisassapput, taamaattorli takuuk § 2.</p> <p><b>§ 1b.</b> Umiarsuit takornariartaatit tamarmik § 1a malillugu, taamaattorli takuuk § 2, umiarsualivimmiinnermut akileraarutit saniatigut ilaasut umiarsuarmitut amerlassusaat malillugit, tikinnerit ataasiakkaat tamaasa ataasiarlutik ilaasut akileraarutaannik akiliisapput. Ilaasut akileraarutaat ilaasumut ataatsimut 50 kr.-uvoq.</p> <p><b>§ 1c.</b> Umiarsuarni takornariartaatini ilaasut umiarsualivimmi umiarsualiviullu avataani, tassunga ilanngullugu sineriammi pinngortitamilu niunnginneranni, kommune avatangiisinut aserfallatsaaliuinnermullu umiarsuarni takornariartaatini ilaasumut ataatsimut annertunerpaamik 50 kr.-nik akiligassanik aalajangiinissamut piginnaatinneqarpoq. Akileraarut nunaligussinermi umiarsuup takornariartaatip ilaasui tunngavigalugit, nunaligunneqartut amerlassusai apeqqutaatinnagit, naatsorsorneqassaaq. Kommunip sumiiffiit attuumassutillit tamakku toqqartussavai, aamma ukiup siuliani</p>



	<p>akileraartarnermut aqutsisoqarfimmut kingusinnerpaamik 1. oktobarimi nalunaarutigineqartussat akiligassat annertussusaat taakkununga atasut aalajangersassallugit.”</p>
<p>§ 2. § 1 naapertorlugu makku akileraarummik akiliisussaangillat:</p> <ol style="list-style-type: none"> <li>1) Angallatit aalisariutit Kalaallit Nunaanni angerlarsimaffeqartutut nalunaarsorneqarsimasut.</li> <li>2) Nunat allamiut angallataat aalisariutit Kalaallit Nunaanni aalisarnermik suliffeqarfinit attartorneqartut.</li> <li>3) Umiarsuit Kalaallit Nunaanni angerlarsimaffeqartutut nalunaarsorneqarsimasut 200 bruttotonimit (BRT/BT-mit) minnerusumik angissuseqartut.</li> <li>4) Sorsuutit danskinit nunanillu allanit pigineqartut kiisalu danskit nunallu allat naalagaaffiisa umiarsuaataat.</li> <li>5) Umiarsuit Namminersornerullutik Oqartussanit, Kalaallit Nunaanni kommunemit imaluunniit danskit naalagaaffiannit pigineqartut attartorneqartulluunniit.</li> <li>6) Umiarsuit aseruatitersimasut usimik allagartaat malillugit umiarsualivimmut pineqartumut nunalittussaangikkaluartut.</li> <li>7) Umiarsuit taamaallaat pujorsiutiminnik aaqqiiniarlutik, nakorsamik atorfissaqartitsillutik, inuttatik nikissallugit, napparsimasunik, toqusunik umiusimasunik, imaani umiarsuarmut ikisaminnik imaluunniit ilisimasortamik nusiartorlutik umiarsualivimmut nunalinniartut.</li> <li>8) Umiarsuit taamaallaat ilisimasassarsiornermut imaluunniit ikiuiniarnermut atorneqartartut.</li> </ol>	<p>5. § 2 Imatut oqaasertalerneqassaaq:</p> <p>” § 2. §§ 1a aamma 1b malillugu akileraaruteqartussaataitaangillat aamma 1c malillugu akiliutinik akiliisinneqartussaangillat:</p> <ol style="list-style-type: none"> <li>1) Angallatit aalisariutit Kalaallit Nunaanni angerlarsimaffeqartutut nalunaarsorneqarsimasut.</li> <li>2) Angallatit aalisariutit Kalaallit Nunaanni aalisarnermik suliffeqarfimmit attartorneqartut.</li> <li>3) Umiarsuit 200 bruttotonimit (BT) minnerusumik angissuseqartut Kalaallit Nunaanni angerlarsimaffeqartutut nalunaarsornikut.</li> <li>4) Niuerfimmi atugaanngitsut sorsuutit danskinit nunanillu allanit pigineqartut, kiisalu danskit nunallu allat naalagaaffiisa umiarsuaataat.</li> <li>5) Umiarsuit Namminersornerullutik Oqartussat ingerlatsiviinit, Kalaallit Nunaanni kommunimit imaluunniit danskit naalagaaffiannit pigineqartut attartorneqartulluunniit.</li> <li>6) Umiarsuit aseruatitersimasut usimik allagartaat malillugit umiarsualivimmut pineqartumut nunalittussaangikkaluartut.</li> <li>7) Umiarsuit taamaallaat pujorsiutiminnik aaqqiiniarlutik, nakorsamik atorfissaqartitsillutik, inuttatik taarsissallugit, imaluunniit napparsimasunik, toqusunik imaluunniit umiusimasunik imaluunniit imaani umiarsuarmut ikisaminnik imaluunniit ilisimasortamik nusiartorlutik umiarsualivimmut nunalinniartut.</li> </ol>

<p>9) Umiarsuit nunaqarfinnik isorliunerusunillu pilersuinermi aalajangersimasunik ingerlaarfeqartut.</p>	<p>8) Umiarsuit taamaallaat ilisimasassarsionermut imaluunniit ikiuniarnermut atorreqartatut.</p> <p>9) Umiarsuit nunaqarfinnik isorliunerusunillu pilersuinermi aalajangersimasunik ingerlaarfeqartut.</p> <p>10) Ilaasartaatit umiarsuaatileqatigiiffinnit Kalaallit Nunaanni Namminersorlutik Oqartussanut sullissinissamik isumaqatigiissuteqartunit pigineqartut.</p> <p>11) Umiarsuit Kalaallit Nunaanni aalajangersimasunik inissinneqartut, taamaallaat umiarsuartut annanniutitut, kalittaatitut, siorartaatitut, ujaqqanik qalluutitut, aqqartatut umiarsuaattut prammitulluunniit atorreqartut.</p> <p>12) Umiarsuit Kalaallit Nunaanni nunami suliffissuarmi tunisassiornissaq siunertaralugu aalisakkanik imaluunniit aalisakkanik tunisassianik Danmarkimi, Savalimmiuni nunaniluunniit allani pisianik usingiartut.</p> <p>13) Umiarsuit nunaqarfinni avinngarusimasunilu aalisakkanik aalisakkaniillu tunisassianik pisiortortut.</p> <p>14) Umiarsuit taamaallaat uuliamik uuliamillu tunisassianik assartuisut.</p> <p><i>Imm. 2.</i> Umiarsuit umiarsualivimmut 1-imut arlalinniluunniit aalajangersimasunik angalasut § 1b malillugu akileraaruteqartussaataaangillat aamma 1c malillugu akiliutinik akiliisinneqartussaangillat.”</p>
<p><b>§ 3.</b> Akileraarut naatsorsorneqassaaq bruttoton-imut (BRT/BT-imut) ataatsimut akit uku naapertorlugit:</p> <p>1) umiarsuit ilaasartaatit nal.ak. 24-t aallartinneri tamaasa 0 kr. 70 øre,</p> <p>2) angallatit aalisariutit Danmarkimi, Savalimmiuni nunaniluunniit allani angerlarsimaffeqartut</p>	<p><b>6. § 3, imm 1, imatut oqaasertalerneqassaaq:</b></p> <p>” Akileraarut akit uku malillugit bruttotonimut ataatsimut (BT-mut) naatsorsorneqassapput, taamaattorli minnerpaatut 70 BT-mut:</p> <p>1) Umiarsuup bruttotonia 30.000 BT-nik qaangiisimassangippat umiarsuit takornariartaatit ullup unnuallu</p>

<p>nalunaarsorneqarsimasut nal.ak. 24-t aallartinneri tamaasa 0 kr. 70 øre, 3) umiarsuit nassiussanik angallassisartussatut sananeqarsimasut sap.ak. aallartinneri tamaasa 20 kr. 00 øre, 4) umiarsuit allat nal.ak. 24-t aallartinneri tamaasa 5 kr. 00 øre.</p> <p><i>Imm. 2.</i> Umiarsuit imm. 1, nr. 3-mi taaneqartut, nassiussanik usilersortut usingiartulluunniit aammattaaq akileraarut akilertassavaat bruttoton-imut (BRT/BT-imut) ataatsimut sap.ak. aallartinneri tamaasa 20 kr. 00 øre.</p>	<p>aallartinnerinut ataasiakkaanut tamanut 1 kr. 10 øre. Umiarsuup BT-a 30.000-iuppat imaluunniit sinnersimassappagu akitsuut ullormut unnuamullu aallartittunut ataasiakkaanut tamanut tassaassaaq BT-kkaanut tamanut 2 kr. 20 øre, taamaattorli takuuk imm. 2.</p> <p>2) Ilaasartaatit ullup unnuallu aallartinneranut 0 kr. 70 øre.</p> <p>3) Aalisariutit Danmarkimi, Savalimmiuni nunaniluunniit allani angerlarsimaffeqartutut nalunaarsorneqarnikut ullup unnuallu aallartinneranut 0 kr. 70 øre.</p> <p>4) Umiarsuit nassiussanik assartutit umiarsuillu allat sapaatip akunnerata aallartinneranut 0 kr. 70 øre.”</p>
<p><b>§ 3. ...</b></p> <p><i>Imm. 2.</i> Umiarsuit imm. 1, nr. 3-mi taaneqartut, nassiussanik usilersortut usingiartulluunniit aammattaaq akileraarut akilertassavaat bruttoton-imut (BRT/BT-imut) ataatsimut sap.ak. aallartinneri tamaasa 20 kr. 00 øre.</p>	<p><b>7. § 3, imm. 2</b> imatut oqaasertalerneqassaaq: ” <i>Imm. 2.</i> Umiarsuit takornariartaatit Nuunmi umiarsualivimmut tikinneranni imm. 1, nr. 1-imi akileraarutini akigititat atorneqanngillat. Umiarsuup takornariartaat 30.000 BT sinnerlugu oqimaassuseqanngippat akileraarut tassaassaaq 0 kr. Umiarsuup BT-a 30.000-iussappat imaluunniit qaangersimassappagu akileraarut ullormut unnuamullu aallartitanut ataasiakkaanut tamanut tassaassaaq BT-kkaanut 0 kr. 70 øre.”</p>
<p><b>§ 4.</b> Naatsorsuinissamut tunngaviusussap naatsorsornerani bruttoton-imut imaluunniit bruttoregisterton-imut ilivitsumut qaninnermut airanut akunnaalliisoqassaaq.</p>	<p><b>8. § 4</b> imatut oqaasertalerneqassaaq: ” <b>§ 4. § 1a</b> malillugu naatsorsuinnermi tunngaviup naatsorsornerani BT kisitsisinut ilivitsunut qaninnernut ammut akunnaallisinneqassaaq.”</p>
<p><b>§ 5.</b> Akileraarutinut akiligassaq umiarsuup umiarsualivimmut nunalinnerani akiligassanngussaaq.</p> <p><i>Imm. 2.</i> Akileraarutinut akiligassaq Akileraartarnermi Pisorta qarfiiranut kingusinnerpaamik akilerneqassaaq umiarsuup aallalernerani.</p>	<p><b>9. § 5</b> imatut oqaasertalerneqassaaq: ” <b>§ 5. § 1b</b> malillugu akileraarutit akilerneqartussat umiarsuup tulanneranit ilaasut amerlassusaat pillugit paasissutissanik, umiarsualiviulluunniit avataani kisarneranit imaluunniit kisarfimmut tulanneranit tunngaveqartillugit aalajangerneqassapput. §</p>

<p><i>Imm. 3.</i> Umiarsuit umiarsualiviiranut ataatsimut arlalinnuunniit aalajangersimasumik nunalittartut imm. 2-mi aalajangersakkanit allaanerusumik akiliuteqarnissaat pillugu Akileraartarnermi Pisortaqarfimmik isumaqatigiissuteqartoqarsinnaavoq.</p>	<p>1a malillugu akileraarutit akilerneqartussat aamma § 1c malillugu akiliutit akilerneqartussat kingusinnerpaamik umiarsuup umiarsualivimmit imaluunniit kisarfimmit aallarnerani aalajangerneqassapput.</p> <p><i>Imm. 2.</i> Umiarsuup naalagaata, isumaqatiginninniartartuata, imaluunniit agentiaata kingusinnerpaamik umiarsualivimmit kisarfimmilluunniit aallarnermi akileraaruseriffiup atugassaatut, akuersissummik ilaqartillugit, akileraarutit akiligassallu akilerneqartussatut naatsorsorneqartut pillugit elektroniskinnngorlugu immersugaq nassiutissavaa. Immersugassaq § 1c naapertorlugu akiligassanut akilerneqartussanut atugassatut umiarsuup suussusaanik, umiarsuup tonnageanik bruttotonimik (BT-mik) nalunaarneqartunik, umiarsuarnut takornariartaatinut tunngatillugit umiarsualivimmi ullut unnuallu aallartittut piviusutut amerlassusivii, kiisalu sumiiffiit tikinneqartut amerlassusaannik ilaasullu angallammiittut amerlassusaannik immersugassaq paasissutissanik ilaneqassaaq.</p> <p><i>Imm. 3.</i> §§ 1a aamma 1b akileraarutit akilerneqartussat aamma § 1c malillugu akiligassat akilerneqartussat umiarsuup umiarsualivimmit kisarfimmilluunniit aallarneranit akiligassanngussapput.</p> <p><i>Imm. 4.</i> Akileraarutit akiligassat, akiligassallu akilerneqartussat akiligassanngornikut umiarsualiveqarnermut oqartussanut ullut 14-it qaangiutsinnagit akilerneqassapput.</p> <p><i>Imm. 5.</i> Umiarsualiveqarnermut oqartussat qaammammi umiarsualivimmiinnermut aamma umiarsuarni takornarianik angallassisuni ilaasut akileraarutaannik</p>
---	---

	<p>akileequisissutinillu piffissaq eqqorlugu nalunaaruteqarfissaat akiliiffissaallu kingulleq tassaavoq qaammatip tulluuttup ulluisa 15-iat.</p> <p><i>Imm. 6.</i> Umiarsuit umiarsualivimmut 1-imut arlalinnulluunniit aalajangersimasumik angalasartut § 1a malillugu umiarsualimmiinnermut akileraarut pillugu Imm. 3 aamma 4-mi aalajangersagaasunit allaanerumik akilersueriaaseqarnissamik akileraaruseriffimmut isumaqatigiissusiorsinnaapput. Umiarsuit umiarsualivimmut 1-imut arlalinnulluunniit aalajangersimasumik angalasartut 1b malillugu akileraartussaataa ngillat aamma 1c, malillugu akitsuutinik akiliissanngillat, tak. § 2, imm. 2.”</p>
<p>§ 6. Umiarsuup akileraarutitut akiligassaasa annertussusaat naatsorsorneqarsinnaanngippat Akileraartarnermi Pisorta qarfik missingersuussinikkut akileraarutitut akiliutissamik angissusiliisinnaavoq.</p>	<p>10. § 6 imatut oqaasertalerneqassaaq: ” § 6. Akileraarutit akiligassat, akiligassallu akilerneqartussat umiarsuup akiligassai naatsorsorneqarsinnaanngippata akileraaruseriffiup akileraarutit akiligassat, akiligassallu akilerneqartussat missingiillutik annertussusilersinnaavaat.”</p>
<p>§ 10. Akileraarutitut akiligassap akilerneqarnissaanut Inatsisartut inatsisaat una naapertorlugu umiarsuaatilik, piginnittoq, atuisoq, assartuisoq imaluunniit pisortaasoq akisussaapput.</p>	<p>11. § 10 imatut oqaasertalerneqassaaq: ” § 10. Inatsisartut inatsisaat manna malillugu akileraarutitut akiligassanik, akitsuutinik akileequisissutinik, aamma akiliissutissanngortitat akilernissaannut assigiittut pineqarlutik umiarsuaatilik, piginnittoq, attartuisoq aamma pisortaasoq akiliisussaapput. Akiliisoqannginnerani akileequisissutip kingornatigut taassuminnga akiliisitsiniarnissaa siunertaralugu akileraartarnermut allattoqarfimmut tamatuma nalunaarutiginnissaanut umiarsualiveqarfimmi oqartussaasoqarfik pisussaaffeqarpoq.”</p>
<p>§ 11. Umiarsuit akileraarutitut aammalu akiliisitsissutinut akiligassaat kiisalu suliamut atatillugu aningaasartuutit akiitsoriligaat akilerneqarserlugit</p>	<p>12. § 11 imatut oqaasertalerneqassaaq: ” § 11. Naalackersuisut akiligassat kinguaattoorutit akilerneqanngippata, akileraarutit, akiligassat pillaammillu</p>

<p>imaluunniit akilerneqarnissaat qularnaveeqquserneqarserlugu Akileraarternermi Pisorta qarfiup qinnuteqarneratigut politiinit tigummineqarallarneqarsinnaapput. Tamanna qaammatit marluk qaangiutinnginnerini pinngippat umiarsuup tuniniarneratigut akiitsut akilersinneqarsinnaapput.</p> <p><i>Imm. 2.</i> Tigumminnikkallarsinnaaneq taamaallaat pisinnaavoq akiligassanut qularnaveeqqutitut piumasarineqarpat. Umiarsuaq ingerlatitsisuminit tillitaasimappat tigumraigallarneqarsinnaanngilaq.</p>	<p>akiligassiissutit suliamillu suliarinninnermut aningaasartuutit akilerneqarnissaasa imaluunniit akiligassat qularnaveeqqusernissaasa tungaanut umiarsuit Kalaallit Nunaanni umiarsualivinnut tulannissaat itigartissinnaavaat.”</p>
<p><b>§ 12.</b> Inatsisartut inatsisaata atuutsinnissaanut Naalakkersuisut maleruagassiorsinnaapput aammalu umiarsuit ilaasa akileraarutininik akiliinnginnissaannik oqilisaaffigineqarnissaannilluunniit aalajangersagaliorsinnaallutik.</p> <p><i>Imm. 2.</i> Immikkut ittunik pissutissaqartoqartillugu Naalakkersuisut akileraarutininik akiliinngitsoortitsillutilluunniit oqilisaaffiginnissinnaapput.</p>	<p><b>13.</b> § 12 imatut oqaasertalerneqassaaq: ” <b>§ 12.</b> Naalakkersuisut Inatsisartut inatsisaata matuma atuutilersinnissaanut uku pillugit malittarisassiorsinnaapput:</p> <p><i>Imm. 2.</i> Umiarsualiveqarnermut qitiusumik oqartussat suliffeqarfiit Inatsisartut inatsisaanni akileraarutit ilaasut Nunatta Karsianut kommuninullu akiligassat akilerneqartussat akilersinniarnissaannut taakkulu akileraaruserfimmut akilerneqarnissaannut peqqusinissaannik piginnaatitsinissamillu piginnaatissinnaavai.</p> <p><i>Imm. 3.</i> Naalakkersuisut najukkami umiarsualiveqarnermut oqartussaataasutut toqqarneqartut qaammatisiutit malillugit ukiut naanerisa kingorna tamaasa ukiumoortumik nalunaaruteqartarnissaannut piunasaqaatinik aalajangersaasinnaapput. Nalunaarutip suliarineqarneranut aningaasartuutaasinnaasut najukkani, umiarsualiveqarnermut oqartussat toqqarneqartup akilissavaat.</p> <p><i>Imm. 4.</i> Naalakkersuisut kommunit avatangiisinut aserfallatsaaliornermullu akiliummit isertitat atuinissaannut aamma naatsorsuusiornernannut malittarisassanik</p>

	aalajangersaasinnaapput. Akiliutip kommunit najugaqarfigisami nunallu immikkoortuani takornariartitsinermut periarfissanik ineriartortitsineq siunertaraa.”
<p><b>§ 14.</b> Kinaluunniit piaaraluneerluni mianersuaalliorujussuarluniluunniit makku pillugit akiliisinneqarsinnaavoq:</p> <p>1) akileraarutit naatsorsorneqarnissaannut taakkualu nakkutigineqarnissaannut atugassanik eqqunngitsumik paasinerlunneqarsinnaasumilluunniit paasissutissiisoq imaluunniit paasissutissanik nipangiussiinnartoq, imaluunniit</p> <p>2) akileraarutitut tunngavissap missingersuussinikkut angissusilerneqarsimasup nalunaarutigineqarneraniit angissusiliinerup appasippallaarneranik nalunaarummik tigusinermit kingusinnerpaamik sap.ak. sisamat qaangiunnerini Akileraartarnermi Pisorta qarfimmu ilisimatitsinngitsoq.</p>	<p><b>14.</b> § 14, imm. 1, imatut oqaasertalerneqassaaq:</p> <p>” Kinaluunniit piaaraluni mianersuaalliorujussuarluniluunniit makku pillugit akiliisinneqarsinnaavoq:</p> <p>1) akitsuutit akiligassallu akilernerqartussat naatsorsorneqarnissaannut taakkualu nakkutigineqarnissaannut atugassanik eqqunngitsumik paasinerlunneqarsinnaasumilluunniit paasissutissiisoq imaluunniit paasissutissanik nipangiussiinnartoq, imaluunniit</p> <p>2) pineqartumut akileraarutitut tunngavigisanik, akiligassanillu akileeqqusissutinik missingersuutigisatut inissiinerit nalunaarutiginerisa kingornatigut kingusinnerpaamik sapaatip akunneri sisamat qaangiutinnginneranni akileraarutitut akiliutissat, akiligassanillu akileeqqusinernik inissiinerit appasippallaarneri pillugit akileraaruseriffimmu nalunaaruteqanngitsoq.”</p>
<p><b>§ 14. ...</b></p> <p><i>Imm. 2.</i> § 9-mi aalajangersakkamik malinnikkumangitsoq akiliisinneqarsinnaavoq.</p>	<p><b>15.</b> § 14, imm. 2 atorunnaarsinneqarpoq.</p> <p>Tamatuma kingorna Imm. 3 aamma 4 tassaalissapput Imm. 2 aamma 3.</p>
	<p style="text-align: center;"><b>§ 2</b></p> <p>Inatsisartut inatsisaat ulloq 1. januar 2024 atuutilersinneqarpoq.</p>

**Tusarniaanermut akissutit pillugit allakkiaq**

Tusarniaanermut atatillugu siunnersuummut oqaaseqaateqanngitsunit tusarniaaffigisanit makkuninnga tusarniaanermut akissutit takkussimapput: Kalaallit Nunaanni Politiit aamma Disko Line.

Tusarniaaffigisat siunnersuummut oqaaseqaatinik ilaligaasunik tusarniaanermut akissutinik nassiussaqaarsimapput (tigusiffiusup piffissarisaa malillugu tulleriarlugit inississorneqarput): Nunalerinermut, Imminut Pilersornermut, Nukissiutinut Avatangiisinullu Naalakkersuisoqarfik, AECO, Imarsiornermut Aqutsisoqarfik, Eimskip Greenland, Qeqqata Kommunia, Kalaallit Airports Holding A/S, Sikuki Nuuk Harbour A/S, Visit Greenland, Kommune Kujalleq, Nuuk Maritime Network, Nunanut Allanut, Inuusutissarsiornermut Niuernermullu Naalakkersuisoqarfik, Kalaallit Nunaanni Sulisitsisut Peqatigiiffiat, Kommuneqarfik Sermersooq, aamma Ineqarnermut Attaveqaasersuutinullu Naalakkersuisoqarfik.

Ataani tusarniaaffigisat oqaaseqaataanni pingaarnersiukkat nalinginnarmik naqinnilikkatut issuarneqarput, Naalakkersuisunilli oqaaseqaatit *uingasunik naqinnilinnik* nalunaarneqarlutik.

Nunalerinermut, Imminut Pilersornermut, Nukissiutinut Avatangiisinullu

Naalakkersuisoqarfik

Kommunimi sumiiffiit allat, takornariartitsinerup pinngortitami annertuumik nungusaanermik piliaqarfiini pinaveersaarinermut imaluunniit iluarsaassinermut avatangiisinut aserfallatsaaliuinernullu akiliutinik atuinnissamut kommunit aammattaq periarfissinneqassasut Naalakkersuisoqarfiup siunnersuutigaa.

*Siunnersuummut oqaaseqaatit annertusinerinut tusarniaanermut akissut tunngavissiinermik tunisisimavoq. Taamaalilluni piginnaatitsinermik atuutsitsilernerup siunertaa tassaavoq takornariat amerliartuinnartut isumaginissaannut aningaasartuutit annertunerulersut tamakku matussusernissaannut kommunit periarfissanik tunineqarnissaat, ilanngullugit kommunimi sumiiffinnik iluarsaassillunilu pinaveersaarutitut suliarisanik isumaginninnissat. Aamma sumiiffinni allani, umiarsualivinnut, imaluunniit tikeraarneqakulasutut sinerissami imaluunniit pinngortitamut ikaarfissanut imaaliallaannaq tikitassaannngitsunut takornariartitsinerup annertunerusup taassuma sunniuteqarfigisaanni iluarsaassinerit aamma pinaveersaarutitut suliaqarnerit isumagineqarsinnaapput.*

Umiarsuit takornariartaatit ilaatigut imikutut, eqqakkanik isumaginninnertut aamma silaannarmik mingutsitsinertut ilusilinnik avatangiisinik artukkiinerannut taarsiissutissanut avatangiisinut akileraarutip akileqquneqarnissaanut kommunit aamma periarfissamik



tunineqassasut Naalakkersuisoqarfiup siunnersuutigaa.

*Tusarniaanermut akissut toqqaannartumik allannguuteqartitsinissamut tunngavissiisummik tunisisimangilaq, siunnersuut taama ittoq suli annertunernik misissuinernik, 2023-mi ukiami ataatsimiinneq sioqqullugu angumerineqarsinnaanngitsunik tunngaveqassammat. Taamaalilluni 2023-mut aningaasanut inatsisissamik isumaqatigiissut aamma innersuutigineqarpoq, tassani kissaatigisaq tassaasimalluni siunnersuut upernaami ataatsimiinnermili saqqummiussaasimassasoq. Maannakkorpiaq iluarsiiissut pisariunngitsoq siunnersuutigineqarpoq, tamatuma kingornatigut umiarsuarnut takornariartaatinut umiarsualivimmiinnermut akileraarut umiarsuarnut takornariartaatinut mikinernut akileraarutip marloriaataanut inissinneqarluni, takukkit AECO-mit tusarniaanermut akissummut oqaaseqaatit.*

Naleqqussaanerit oqilisaaviginiarlugit piviusutut annertunerpaatut akiligassanut akigititassaq, assersuutigalugu akit naleerukkiartornerisa imaluunniit aningaasartuutit annertusiartornerisa nassatarisaattut, inatsimmi erseqqissaavigineqassanngitsoq Naalakkersuisoqarfiup siunnersuutigaa.

*Tusarniaanermut akissut allannguuteqartitsinissamut tunngavissamik tunisisimangilaq, akiligassat tassaammata naalagaaffimmut akiliutissat, tamanna isumaqarluni tamanna inatsisikkut aalajangerneqassasoq, tassanilu ilaavoq annertunerpaatut akiligassanut akigititassaq.*

Angalanissamut nalunaarummut ilaasumi (Avannaarsuani Tunullu Avannaarsuani Nuna Allanngutsaaliukkami) nunap isorartussuseqarfiani sumiiffimmut umiarsualivimmiinnermut aamma umiarsuarnut takornariartaatinut akileraarutip siammartinnissaa Naalakkersuisoqarfiup siunnersuutigaa.

*Akileraarut pingaarnerusutut umiarsuarnut umiarsualivinnut tikittunut tunngatinneqarmat tusarniaanermut akissut allannguuteqarnissamut tunngavissiinermik tunisisimangilaq. Aamma Angalanissamut nalunaarut najoqqutaralugu Nuna Allanngutsaaliugaq akuersissuteqartitsinermut aaqqiisummut akiligassartaqartitaasumut ilaavoq.*

Inatsisissatut siunnersuummi annertuumik aalasuuffimmi inississimanerup ilaatinnissaa pillugu isummertoqassasoq Naalakkersuisoqarfiup kaammattuutigaa.

*Immikkut ittutut oqaaseqaatini nassuiaatigisap annertusisinneranik tusarniaanermut akissut tunngavissamik tunisisimavoq. Kisarnermut taarsiullugu aalasuuffimmi inissisimaneq pineqassappat tamanna akileraaruteqartitsinermik pisussaaffigisamut aamma ilaatinneqassasoq maannakkut siunnersuummi takuneqarsinnaalerpoq.*

## AECO

Umiarsualivimmi ataatsimi imaluunniit amerlanerni tikinnermi akileraarutini artukkiinerup taamaaginnartussaanaera pissutigalugu angalanernut ataasiakkaanut tamanut ilaasunut ataasiakkaanut tamanut akileraarut – siusinnerusutut umiarsuarni takornariartaatini ilaasunut akileraarutip atorunnaarsitap assinganik – Kalaallit Nunaannut tikinnernut amerlanernut kaammattuisuussasoq AECO-p (Association of Arctic Expedition Cruise Operatorsip) isumagaa.

*Tusarniaanermut akissut allannguuteqarnissamut tunngavissaqalersitsinngilaq. Angalanernut ataasiakkaanut tamanut akileraarutip ataatsip umiarsuarnut taamaallaat ataatsimik imaluunniit ikittuinnarnik tikinniartunut akileraarummik annertuallaartumik kinguneqartitsinera siusinnerusukkut paasineqarsimavoq, umiarsuit amerlasuunik tikittartut akiliutaat annikinnerusoq paasineqarluni. Taamaalisukkut tikinnermik tunngavilittut umiarsuarni takornariartaatini ilaasunut akileraarutip sapinngisamik pisariillisinnissaa akileraartitsinermik aqutsisoqarnerup sianiginiarpaa. Umiarsualivimmiinnermut akileraarutip aamma umiarsuarni takornarianik angallassisuni ilaasunut akileraarutip tamarmik atuutitinnerisigut angalanerup ingerlanerani ilaasut ”ilaareersimasut” ”nutaallu” immikkoortinnissaannik piumasagaat atuutitinneqassanngilaq, akileraarutinillu taakkuninnga marlunnik nalunaaruteqarneq ataatsikkut pisinnaavoq. Atorunnaarsinnera sioqqullugu angalanernut ataasiakkaanut tamanut ilaasunut ataasiakkaanut tamanut umiarsuarni takornariartaatini ilaasunut akileraarutaasimasoq 525 kr.-t tikillugit inissisimaffeqalersimagaluarpoq, tamatumalu annertuallaanera paasineqarpoq. Siunnersuutigisatut umiarsuarni takornariartaatini ilaasunut akileraarutip atuutilerseqqitap inissisimaffigisaa appasinnerusumut aalajangerneqarpoq, taamaalillutik killup tungaanut kingunerisinnaasat siunertarineqanngitsut iliuseqarfiginiarneqarlutik.*

Sumiiffiusuni atortorissaarutit aserfallatsaaliornissaannut aamma ineriartortinnissaannut kommuniq piviusutut aningaasartuutaanut naleqqiullugit siunnersuutigisatut avatangiisinut aserfallatsaaliuinerumullu akiligassami akigititap aalajangerneqassannginnera AECO-p apeqqutigaa. Akiligassap aalajangiunneranut, aammalu akiliutissat akilernerinik naatsorsuutit inissiisarnernut AECO nassuiaaqqusissutinik apeqqutinik arlalinnik saqqummiussivoq, taakkulu ataani akissuteqarfigineqarput.

*Avatangiisinut aserfallatsaaliuinerumullu akiligassaq tassaavoq inatsimmi aalajangerneqartussatut naalagaaffimmut akiliut. Taamaalilluni aamma annertunerpaatut akiligassatut akigititaq inatsimmi takuneqarsinnaassaaq. Naalagaaffimmut akiliutigisassaannigitsumi akiliummi isertitat aamma aningaasartuutit akornanni oqimaaqatigiissitsineq ukiut sisamat ingerlaneranni anguniarneqassaaq. Naalagaaffimmut akiliummi taamatut piumasagaateqartoqassanngilaq, taamaalilluni akiliummut*

*akiliissutaasut toqqaannartumik akimuitinneqaratilluunniit attuumatitaannngitsunik ikiorsiissutinik aningaasaleeqataasinnaassapput. Taamaattorli taamaallaat sumiiffiit takornariartitsinermi annertunerulersumit tassannga toqqaannartumik imaluunniit toqqaannartuunngitsumik sunniivigineqartut akiliummit iluaquteqarsinnaanissaat siunnersuutigineqarpoq. Taamaattumik aamma kommunip naatsorsuutaani inatsit manna najoqqutaralugu isertitat aamma aningaasartuutit kommunip immikkoortitertassagai siunnersuutigineqarpoq.*

*Akiliummik, kiisalu akiliutip annertussusissaannik akileeqqusinermik kinguneqartussanik sumiiffiit attuumassutillit kommunip toqqassavai. Nunamut ikaarussinernik nalunaaruteqarnerit umiarsualivimmi tulliatut tikiffiusussami, tassalu nunamut ikaarussereernerup kingornatigut tunngaveqartitaapput. Naatsorsuinerup ilaasut umiarsuarmiittut amerlassusaannik tunngaveqarnissaa ilaliutissaaq, apeqqutaanani nunamut ikaarnissaq aalajangiunnaat. Akiliummik akileeqqusineq sumiiffiusumi umiarsualiveqarfimmut oqartussaasumit isumagineqassaaq, ilaatinneqarluni ilumoorluinnarnermik nalunaarummik atsiorneqartumit tassannga aallaaveqartumik umiarsualivimmiinnermut aamma umiarsuarni takornariartaatini ilaasunut akileraarummik akileeqqusineq. Kommuninut ataasiakkaanut taakkununnga akileraaruseriffiup kingornatigut naatsorsuutinut inissiinera ukiumut ataasiarluni pisassaaq.*

*Akiliutissat naalagaaffimmut akiliinermut iluserisaanik nassuiaatip siunnersuummut ilanngunneqarneranut tusarniaanermut akissut tunngavissamik tunniussaqaarsimavoq. Tassunga ilanngunneqarpoq kommunit naatsorsuutaanni taakkunani inatsimmut naleqqiullugu isertitat aamma aningaasartuutit immikkoortiterneqarnissaat pillugit kommuninut piimasaqaat. Ilaatigut kikkut akileeqqusinermik, tulliatullu kommuninut ataasiakkaanut taakkununnga naatsorsuutinik inissiinermik suliassanik isumaginninneri, aammalu nunamut ikaarussinernik nammineq nalunaaruteqarnerup umiarsualiveqarfimmi oqartussaasumut tulliatut tikiffissamut pisarnera siunnersuummi takuneqarsinnaareerput. Taamaattorli paatsuisinnaanerit iliuuseqarfiginiarlugit oqaaseqaatit nalinginnaat annertusarneqarsimapput.*

Akiliissutit inissisimaffii assigiinngitsut, aamma najoqqutassat assigiinngitsut aallaavigalugit kommunit toqqaassappata Kalaallit Nunaanni takornariartut agguataarnerinut kinguneqarsinnaasunik, aammalu pingaarnertitatut ataqatigiissaarinertaqanngitsumik angalanerit ilusaasa sunniivigineqarsinnaanerinut aarleqquteqassasoq AECO-p ernumassutigaa.

*Avatangiisinut aserfallatsaaliuinernullu akiliutip atuutsilernissaanut piginnaatitaaneq pillugu siunnersuutikkut sunniiniutinut sorlernut kommunit pissarsiarisaannut naleqqiullugu tusarniaanermut akissut paatsuinermik tunngaveqarpassippoq. Sumiiffinni taakkunani, soorlu*

umiarsualivinnut tikinneqakulasunut aamma sinerissami pinngortitamilu tikikulatanut kommunit akiligassamik aalajangiisinnaassapput, sumiiffilli, annertunermik suliaqarnermik kissaateqarfigisat akiliiffiunngivissallutik, imaluunniit taamaallaat akiliummik annikinnerusumik akiligassiivigineqarsinnaallutik. Taamaalillutik kingornatigut akiliutinit isertitat pinaveersaarisitsinernut, aserfallatsaaliuineranut nutaatullu sanaartukkanut kommunimi siamasissumik atorneqarsinnaassapput, isertitat siunertamut atorneqartillugit. Taamaalillutik sumiiffiit annertunerpaamik takornarianit tikinneqarfiusartut isertitanik pilersitsisut kommunimi sumiiffinnik allanik, aamma takornariartitsinermut annertunerusumik toqqaannartumik imaluunniit toqqaannartuunngitsumik aamma sunniivigineqartunik aningaasaleeqataasinnaapput.

Umiarsuarnut anginernut naleqqiullutik tamatigoortut amerlanernik tikitsisartunik umiarsuarnut mikinerusunut taakkununga allatut qinigassatut naatsorsuineramik assersuut AECO-p erseqqissaavigaa.

AECO-p naatsorsuineranut assersuutaa ataani takussutissiisutaavoq – sanilliunneqarluni Visit Greenlandip tikittut amerlassusaannut naatsorsuinera, tassaasoq umiarsuarnut mikineranut tikinnerit arfinillit (6-it), aammalu umiarsuarnut angisuunut tikinnerit pingasut (3-t):

	BRUT TO-TONIP (BT) ANNERTUSSU-SAA)	UMIARSU-ALIVIM-MIINNER-MUT AKILE-RAARUT – UMIARSU-ALIVIN-NUT TULAN-NERNI TAMANI (ULLUP UNNUAL-LU AALLAR-TINNERA ATAASEQ) <sup>1)</sup>	UMIAR - SUALI-VIMMII N-NERMUT AKILE-RAARUT TAMAAT TIKINNERNIN ARLALINNI	ILAA-SUT AMERLAS-SU-SAAT (PAX) <sup>2)</sup>	ILAASUT AKILIUTIS-SAATTUT SIUNNER-SUUTIGINE-QARTOQ – UMIARSUALIVINNUT IL.IL. TIKINNERMI TAMANI	ILAASUNUT AKILERAA-RUTAAT TAMAASA – TIKINNERNIN ARLALINNI	AKILERAAR UTIT AKILERNEQ AR-TUT KATILLUGIT (UMIARSUALI-VIMMUT TULANNERT KINGORNA ULLUP UNNUALLU AALLARTINNE-RANUT)
	BT	kr.			kr.		kr.
<b>AECO:</b>							
UMIAR -SUAQ <sup>1)</sup>	11.647	12.811,70	128.117	280	14.000	140.000	<b>268.117</b>
UMIAR SUAQ <sup>3)</sup>	112.894	124.183,40	-	3.114	155.700	-	<b>279.883</b>
<b>VISIT GREENLAND:</b>							
UMIAR -SUAQ	11.647	12.811,70	76.870,20	280	14.000	84.000	<b>160.870</b>

1 <sup>5)</sup>							
UMIAR -SUAQ 3 <sup>6)</sup>	112.8 94	124.183,40	372.550, 20	3.114	155.700	467.100	<b>839.650</b>

Oqaaseqaat: Bruttotonit annertussusiannik ilaasullu annertussusiannik assersuutit Visit Greenlandip misissuineranit maaji 2023-meersumit *Kalaallit Nunaanni umiarsuit takornariartaatit takornariartitsisarnerannik misissueqqissaamerup ilaa*-nit tigusaapput. Ataatsimut isiginniffimmi ilaangillat akileraarutinut akitsuutinullu ilutsit allat, ilanngullugit takornarianut avatangiisinullu akileraarutit, kiisalu atuisartut akiliuteqartarneri. Taamaattorli *International Ship and Port Facility Security Code (ISPS)* ilanngullugu naatsorsorneqassaaq akiliutaasussaq immikkut ittutut umiarsuarnut takornariartaatinut umiarsualiviup akinik allattuiffiani takuneqarsinnaassappat.

<sup>1)</sup> Pisariussannginnera pillugu taamaallaat umiarsualivimmi ulloq unnuarlu ataaseq toqqarneqarpoq.

<sup>2)</sup> Ataatsimut isiginnissinnaaneq pillugu umiarsuit takornariartaatit piginnaasaat umiarsualivimmut tikinnermi ilaasut umiarsuarmiittut amerlassusaannut assingussasut naatsorsuutigineqarput.

<sup>3)</sup> Kalaallit Nunaanni tikinnerit qulit (10-t) pillugit tunngavilik.

<sup>4)</sup> Kalaallit Nunaanni tikinneq ataaseq (1) pillugu tunngavilik.

<sup>5)</sup> Kalaallit Nunaanni tikinnerit arfinillit (6-it) pillugit tunngavilik.

<sup>6)</sup> Kalaallit Nunaanni tikinnerit pingasut (3-t) pillugit tunngavilik.

*Tusarniaanermut akissut allannguuteqarnermut tunngavissamik tunisisimavoq. Umiarsuarnili takornariartaatini ilaasunut akileraarummik angalanermik tunngavilimmik atuutilersitseqqinnissamut taarsiullugu umiarsuarnut takornariartaatinut angisuunut tonnagemik tunngavilitut umiarsualivimmiinnermut akiliutip marloriaatinngortinnissaa siunnersuutigineqarpoq. Umiarsuit takornariartaatit angisuut pineranni pineqarput umiarsuit 30.000 annertunermilluunniit bruttotonillit (BT-llit). BT-nut ataasiakkaanut tamanut nal. akunnerinut 24-nut aallartinneqartunut ataasiakkaanut tamanut bruttotoninut (BT-nut) ataasiakkaanut tamanut umiarsualivimmiinnermut akileraarummik 1,10 kr.-usumik 2,20 kr.-nut qaffaaneq 2022-mi Visit Greenlandimit tikinnerit amerlassusaattut naatsorsukkat atorpeqassappata (UMIARSUAQ 1-imut tikinnernut arfinilinnut (6-inut), aamma UMIARSUAQ 3-mut tikinnernut pingasunut (3-nut) akiliinnermut ilisarnaatit atorpeqassappata, aammalu AECO-p missiliuutigisatut tikinnissat amerlassusaat (UMIARSUAQ 1-imut tikinnerit qulit (10-t), aamma UMIARSUAQ 3-mut tikinneq ataaseq) akiliinnermut ilisarnaatit atorpeqassappata takussutissat imatut issapput:*

*Umiarsuarnut takornariartaatinut angisuunut umiarsualivimmiinnermut akileraarummik marloriaatinngortitsineq aamma tikinnerit amerlassusaanni assigiinngitsuni allatut qinigassatut naatsorsuinnermut assersuutit:*

		UMIARS UA- LIVIMMI IN- NERMUT AKILER AA-RUT - UMIARS UALIVIN NUT TULANN ERNI TAMANI	UMIARS U- ALIVIM- MIIN- NERMUT AKILER AA-RUT TAMAAT - TIKINNE RNI ARLALI NNI	ILAA- SUT AMER- LASSU- SAAT (PAX) <sup>2)</sup>	ILAA-SUT AKILE- RAARU- TISSAAT- TUT SIUNNER- SUUTIGI- NEQAR-TOQ - UMIARSU- ALIVIN-NUT IL.IL. TIKIN- NERMI TAMANI	ILAA-SUT AKILERA- RUTAAT TAMAASA - TIKINNERNI ARLALINNI	AKILER AARUTI T AKILER NEQAR- TUT KATILL UGIT (UMIARS UALIVI MMUT TULANN ERIT KINGOR
--	--	--	--	--	--	--	---

		(ULLUP UNNUAL LU AALLAR TINNER A ATAASE Q) <sup>1)</sup>					NA ULLUP UNNNU ALLU AALLAR TINNE- RANUT)
	BT	kr.			kr.		kr.
<b>AEEO:</b>							
UMIAR-SUAQ 1 <sup>3)</sup>	11.647	12.811,70	128.117	280	14.000	140.000	<b>268.117</b>
UMIAR-SUAQ 3 <sup>4)</sup>	112.894	248.366,8 0	-	3.114	155.700	-	<b>404.067</b>
<b>VISIT GREENLAND:</b>							
UMIAR-SUAQ 1 <sup>5)</sup>	11.647	12.811,70	76.870,20	280	14.000	84.000	<b>160.870</b>
SKIB 3 <sup>6)</sup>	112.894	248.366,8 0	745.100,4 0	3.114	155.700	467.100	<b>1.212.200</b>

Oqaaseqaat: Bruttotonit annertussusiannik ilaasullu annertussusiannik assersuutit Visit Greenlandip misissuineranit maaji 2023-meersumit *Kalaallit Nunaanni umiarsuit takornariartaatit takornariartitsarnerannik misissueqqissaarnerup ilaa*-nit tigusaapput. Ataatsimut isiginniffimmi ilaangillat akileraarutinut akitsuutinullu ilutsit allat, ilanngullugit takornarianut avatangiisinullu akileraarutit, kiisalu atuisartut akiliuteqartarneri. Taamaattoarli *International Ship and Port Facility Security Code (ISPS)* ilanngullugu naatsorsorneqassaaq akiliutaasussaq immikkut itutut umiarsuarnut takornariartaatinut umiarsualiviup akinik allattuiffiani takuneqarsinnaassappat.

<sup>1)</sup> Pisariussannginnera pillugu taamaallaat umiarsualivimmi ulloq unnuarlu ataaseq toqqarneqarpoq.

<sup>2)</sup> Ataatsimut isiginnissinnaaneq pillugu umiarsuit takornariartaatit piginnaasaat umiarsualivimmut tikinnermi ilaasut umiarsuarmitut amerlassusaannut assingussasut naatsorsuutigineqarput.

<sup>3)</sup> Kalaallit Nunaanni tikinnerit qulit (10-t) pillugit tunngavilik.

<sup>4)</sup> Kalaallit Nunaanni tikinneq ataaseq (1) pillugu tunngavilik.

<sup>5)</sup> Kalaallit Nunaanni tikinnerit arfinillit (6-it) pillugit tunngavilik.

<sup>6)</sup> Kalaallit Nunaanni tikinnerit pingasut (3-t) pillugit tunngavilik.

### Imarsiornermut Aqutsisoqarfik

Inatsimmi § 2, imm. 1, nr. 4-mi umiarsuarnut naalagaaffimmit pigineqartunut akileraaruteqartitsinnginnissap ”, niuerfimmi atugaanngitsut”-mik ilalernissaa Imarsiornermut Aqutsisoqarfiup siunnersuutigaa.

*Tusarniaanermut akissut inatsimmi oqaasertat erseqqissaaviginissaannut tunngavimmik tunisisimavoq, tassuuna naalagaaffiup pigisaatut umiarsuit niuerfimmi atugaasut umiarsuarnut niuernermi umiarsuarnut, ilanngullugit ilaasartaatinut assigiissinneqarnerat takussuserneqarluni.*

### Eimskip Greenland

Assigiinngisitaartitatut akileraarutinut taarsiullugit agguassassannut umiarsualivinnut ataasiakkaanut tamanut annertunerpaaffilikkatut amerlassusilinnik ”slots”-inik inissiisoqassasoq Eimskipip siunnersuutigaa.

*Allanguinissanut tusarniaanermut akissut tunngavissamik tunisisimannigilaq, takornariartitsinermullu periusissiamik suliaqarnermut atatillugu takornarianik tikittoqartarneranik, ilanngullugu umiarsuarnik takornariartaatinik naleqqussaannissamut sumiiffigisani pilersitanik isumaginnittoqarsinnaanera isumaliutigineqarsinnaavoq. Ukiumi*

*pisoqarfimmut tunngatillugu, aamma sumiiffigisanut tunngatillugu annertunerusumik siammartitsineq sumiiffimmi najugalinnut, aamma takornarianut pitsaanerusumik misigisaqarnissamik immaqqa tunisisinnaassaaq.*

Umiarsualiviit aamma ukiumi pisoqarfiusup akornanni akileraarutit assigiinngisitaartitaanissaat Eimskipip siunnersuutigaa, tamatumuuna umiarsualivinnut tikiqqakulanngitsunut umiarsuit takornariartaatit aggersarniarlugit, kiisalu ukioq kaajallallugu suliffeqartitsinissaq qularnaarniarlugu.

*Allannguinnissanut tusarniaanermut akissut tunngavissamik tunisisimannngilaq, ukiumi pisoqarfimmit aalajangerneqartumik akileraarut aaqqiissutip paasiuminaassusaanik annertusaassamat. Kalaallit Nunaata ilaanut amerlanernut umiarsuarni takornariartaatini ilaasut aggersarnissaannut tunngatillugu siunnersuutigisatut avatangiisinut aserfallatsaaliuinemullu akiligassap illoqarfut akornanni takornarianik pitsaanerusumik siammarternissaannut atorneqarsinnaasumik kommunimut sunniiniummik tunisivoq, takukkit AECO-mit tusarniaanermut akissummut oqaaseqaatit.*

Maannakkut akuersinermut akiligassaasooq qaangerlugu inissisimasumik Nunamut Allanguutsaaliukkamut immakkut angalanermut akileraarutit eqqunnissaa Eimskipip siunnersuutigaa. Aamma avatangiisinut aserfallatsaaliuinemullu akiligassamik isumaginninnissap paasiuminaassanera, aammalu isumalluutissanik suli amerlanernik pisariaqartitsissanera Eimskipip aarleqqutigaa.

*Allannguinnissanut tusarniaanermut akissut tunngavissamik tunisisimannngilaq, akileraarut pingaarnertut umiarsuarnut umiarsualivinnut tikittunut tunngatinneqarmat. Avatangiisinut aserfallatsaaliuinemullu akiligassamik akileeqqusisarneq umiarsuarnut takornariartaatinut aamma umiarsualivimmut oqartussaasunut isumaginissaa allaffissornikkut pisariunngitsutut iluseqartinniarnearpoq. Taamaalilluni umiarsualivimmut aamma umiarsuarni takornariartaatini ilaasunut akileraarummik ataatsimoortitamik nalunaaruteqartoqartassaaq, kiisalu sumiiffiusumi umiarsualiveqarfimmut oqartussaasumut akiliuteqartoqartassalluni, taakku ataatsimoorlutik akileraaruseriffimmut akiliutaasassallutik. Tamatuma kingornatigut kommuninut ataasiakkaanut akiliutinit isertitanik ukiumoortumik naatsorsuutininik inissiiernik akileraaruseriffik isumaginnittassaaq.*

### Qeqqata Kommunia

Umiarsualiveqarfimmit akileraarutit aamma umiarsuarni takornariartaatini ilaasunut akileraarutit taamaallaat nunatta karsianut tuttassanerata naleqqutinnginnera Qeqqata Kommuniata isumaqarfigaa, aammalu Sisimiunit assersuut erseqqissaavigalugu, tamaani kommunip talittarfiutaa umiarsuarnut takornariartaatinut atorneqarluni, tamatumani aserfallatsaaliuarnermut aningaasartuutit tamaasa kommunip akilertarlugit.

*Tusarniaanermut akissut allannguinnessanut tunngavissamik tunisisimangilaq, umiarsualivimmiinnermut akileraarut, aammalu siunnersuutigisatut umiarsuarni takorniarataatini ilaasunut akileraarut tassaammata nunatta karsianut isertitat allat assigalugit naalagaaffimmut isertitaasut. Taamaalillutik umiarsualiviit atornerannut atuisartutut akiliuteqarneq, imaluunniit umiarsualivinnut immikkoortillugit aningaasaliissutit pineqanngillat, taamatullu aamma umiarsuarni takorniarataatini ilaasut amerleriarnissaannut kingunerisatut sunniutissanik akiuinissamut atugassat pineqaratik.*

*2023-mut aningaasanut inatsisissatut isumaqatigiissummi umiarsuarni takorniarataatini ilaasunut akileraarutit atuuilerseqinneranit akileraarutinit iluanaarutit umiarsualiviit iluarsaannerisa aningaasaliiffiginerinit ilalersuuteqarnissaat isumaqatigiissutaasimavoq. Taamaattorli tamatuma isertitat nunatta karsiani ilaalernissaat allanngortinngilaa, tamatumani iliuuseqarfissatut suliaasaqarfinnik politikkikkut tamakkiisumik pingaarnersiuiineq ingerlanneqassammat.*

Ilaasunut ataasiakkaanut tamanut avatangiisinut aserfallatsaaliuinernullu akiligassap annertunerpaamik 20 kr.-nut inissinneqarsinnaanera Qeqqata Kommuniata tupigusuutigaa. Assersuutigalugu aasaanerani umiarsuit takorniarataatit pissutigalugit Sisimiut pingasoriaammik annertutigisunik eqqakkanik tigusaqartarpoq, taakkulu illoqarfimmi eqqakkanik ikuallaasarfimmi isumagineqartussaapput. Ullumikkut kommunimi illoqarfinnut nunaqarfinnullu tikittartunik umiarsuarnik takorniarataatinik taakkuninnga amerlasuunik kommune aningaasaqarnermi iluanaarutininik pissarsineq ajorpoq. Annertunerpaatut akiligassatut akigititamik malunnartumik qaffariartinnissaa apeqqutilliissutaavoq.

*Annertunerpaatut akiligassap annertussusiata 20 kr.-nit 50 kr.-nut qaffanneqassanerani tusarniaanermut akissut tunngavissamik tunisisimavoq.*

Akiligassat akilerneqanngitsut pissutigalugit umiarsuit kommunit umiarsualiveqarfiinut tikinnissamik itigartitsinissaannut kommunip tunngavissamik tunineqarnissaata paasineqarnissaanik Qeqqata Kommunian apeqquilliivoq.

*Tusarniaanermut akissut allannguinnessanut tunngavissamik tunisisimangilaq. Taamatut aalajangiussinissanut oqartussaasoqarfik attuumassutilik tassaassaaq akileraaruseriffik, umiarsualiveqarfimmut oqartussaasoqarfimmiq suleqateqartoq. Taamaalilluni aamma umiarsualiveqarfimmi akileraarutit akiligaasimangitsuusinnaasut akilersinniarnerinut isumaginnittusaaq tassaavoq akileraaruseriffik.*

Kalaallit Airports Holding A/S (KAIR)

Umiarsualivimmik ingerlatsinermik, aserfallatsaaliuinermik ineriartortitsinermillu



siunertaqartunik umiarsuarnut BT-nut ataasiakkaanut tamanut 1,13 kr.-mik akigitamik, aamma ilaasunut ataasiakkaanut tamanut 10 kr.-mik pax-imut akiligitamik Sikuki Nuuk Harbour A/S-ip aamma akileeqqusisarnera KAIR-ip nalunaarpaa. Taamaalilluni avatangiisinut aserfallatsaaliuinernullu akiliutip nutaap saniatigut Nuummut tikinnermi akileraarutininik sisamanik (4-nik) akiliisoqartassanera KAIR-ip paasisimavaa. Siunnersuummut allaqqaakkami grafi (najoqq.: “*Visit Greenlandip misissuineranit maaji 2023-meersumit Kalaallit Nunaanni umiarsuit takornariartaatit takornariartitsisarnerannik misissueqqissaarneq*”) Nuummi akileraarutit inissisimanerininut eqqortumik takussutissiinnigisoq, taamaallaalli Sikuki Nuuk Harbourip suliaqarfigisaata avataaniittunik takussutissiisoq KAIR-ip isumaqarfigaa. Suliassaqarfiup taassuma iluani assigiinnigissut tassaassaaq tamatuma iluani, aammalu avataani umiarsuup takornariartaatip akiliutigisassaa 56-60 pct.-it akornanniittoq.

*Umiarsuarnut takornariartaatinut aalajangersimasunut umiarsualivimmiinnermut akileraarutit akiligaritinnissaannit pinngitsuuisitsinerup ilanngunnissaanut, ilanngullugu Sikuki Nuuk Harbour A/S-imi umiarsuarnut takornariartaatinut angisuunut akileraarutininut akigititamik appartitsinermik tusarniaanermut akissut tunngavissamik tunisisimavoq. Pinngitsuuisitsinikkut, aamma akileraarutininut akigititat appartinnerisigut umiarsuit takornariartaatit Nuummut tikinnerminni tamakkiisutut akiliutigisaasa imatut inisimalerlutik umiarsuit Nuummut tikinnissamik pinngitsuuinerininik pisoqarfiusumik iliuseqarfigisaqarniarnermik tamanna siunertartaqarpoq.*

*Akileraarutit assigiinnigissut sisamat pineqannginnerat erseqqissarneqassaaq, kisiannili SIKUKI-p atuisartunut akiliutinik akileeqqusisarnera pineqarluni, tassaasunik umiarsuarnut akigititaq, aamma ilaasunut akigititaq umiarsualivimmit atorpeqartussat, kiisalu nunatta karsianut naalagaaffimmit akileraarutit marluk (umiarsualivimmiinnermut akileraarut aamma siunnersuutigisatut umiarsuarni takornariartaatini ilaasunut akileraarutissatut siunnersuut). Siunnersuummut oqaaseqaatit allaqqaarneranni grafimi takuneqarsinnaavoq taanna tonnagenut akileraarutininik, ilaasunut (pax-inut) akileraarutininik, ajornanngippallu isumannaallisaanermut akileraarummik (International Ship and Port Facility Security Codemik (ISPS-imik)) imaqartoq, tassalu akiligassaq immikkoortillugu umiarsuarnut takornariartaatinut umiarsualiviit akiliutissanut allattuiffiini takuneqarsinnaassappat. Paarlattuanilli pilersuutigisatut kiffartuussinernut, soorlu talittarfinni inissamut, kalittaammut il.il. atuisartunut akiliinernik grafi tamatigoortumik imaqanngilaq.*

*Umiarsualivimmiinnermut akileraarut atuuttoq – aamma siunnersuutigisatut umiarsuarni takornariartaatini ilaasunut akileraarut – tassaanngillat umiarsualiviit atornerininut atuisartunut akiliutinut takussutissat, tassaappulli nunatta karsianut isertitat allat assigalugit naalagaaffiup isertitai. 2023-mut aningaasanut inatsisissatut siunnersuummi umiarsuarni takornariartaatini ilaasunut akileraarummik atuutsitseqqilernermi akileraarutininut*

*iluanaarutit ilaatigut umiarsualiviit iluarsaannerisa aningaasaliiffiginerannut ilalersuuteqarnissaat isumaqatigiissutigineqarpoq, aammali siunnersuummi takuneqarsinnaavoq ilassutitut iluanaarutit tamatuma saniatigut akileraaruteqarnermut aaqqiissutaasup ilusaanik isumaliuteqarnissamut peqataatinneqarnissaat. Akileraarutinit isertitat nunatta karsiani ilaalerput, tamatumanilu iliuuserisassatut suliassa qarfinnut tamakkiisumik politikikkut pingaarnersiuisoqartarpoq, umiarsualivinnik iluarsaassinerit suliassat akornanniiginnarlutik. Taamaalilluni immikkoortinneqartutut aningaasaliissutissat pineqanngillat, kingornatigulli tamatigoortumik pingaarnersiuiinermik isumaginnittoqassaaq, aammalu ukiumut aningaasanut inatsisaasunut taakkununnga atatillugit siunertanut assigiinngitsunut aningaasanik tapiissuteqartoqartassalluni.*

*Taamaattorli atuisartut akiliisarnerisa aamma naalagaaffimmut akileraarutit katitigaanerisa nassatarisaannik Sikuki Nuuk Harbourimi akit inissisimaffiata qaffasippallaalenera paasilluarneqarpoq. Taamaattumik Nuummum tikittunut umiarsuarnut takornariartaatinut aalajangersimasunut umiarsualivimmiinnermut akileraarutinit akiliisitsisarnermut Sikuki Nuuk Harbour A/S pinngitsuuissasoq siunnersuutigineqarpoq, aammalu umiarsuit takornariartaatit angisuut, Nuummum tikittut umiarsualivimmiinnermut akileraarummik appartitamik taamaallaat akileeqquneqartassapput. Taamaalilluni maannakkut (30.000 BT-nik annertunerunngitsumik bruttotonnagelinnut umiarsuarnut takornariartaatinut) ullormut unnuamullu aallartinneqartunut ataasiakkaanut tamanut BT-nut ataasiakkaanut tamanut maannakkut akigititamik 1,10 kr.-mik umiarsualivimmiinnermut akileraarut akileqquneqassanngilaq, aammalu (30.000 BT-nik imaluunniit annertunerusunik bruttotonnagelinnut umiarsuarnut takornariartaatinut angisuunut) ullormut unnuamullu aallartinneqartunut ataasiakkaanut tamanut BT-nut ataasiakkaanut tamanut marloriaatinngortitatut akigititamik 2,20 kr.-mik naamik. Paarlattuanik umiarsuarnut takornariartaatinut angisuunut ullormut umnuamullu aallartinneqartunut ataasiakkaanut tamanut BT-nut ataasiakkaanut tamanut akileraarummum akigititaq appartitaq 0,70 kr. akileqquneqassaaq. Akileraarummum akigititaq taanna umiarsualivimmum tikittunut umiarsuarnut allanut akigititap assigaa, tassalu umiarsuaq inatsimmi § 2-mi akileraaruteqarnissamut pisussaaffigisanit pinngutsuuisitsinerit ilaanni ilaassanngippat. Taamaattorli umiarsuarni takornariartaatini ilaasunut akileraarutissatut siunnersuut Sikuki Nuuk Harbour A/S-imi suli ilaassasoq aalajangiusimaneqarpoq.*

*Ataani takussutissiami Sikuki Nuuk Harbour A/S-ip iluani aamma avataani tikinnermik ataatsimik (1-imik) takutitsisoqarpoq:*

	BRUTTO- TONIP (BT) ANNERTU SSUSAA)	UMIARSUALIVIM- MIINNERMUT AKILERAARUT – UMIARSUALIVIN- NUT TULANNERNI TAMANI (ULLUP	ILAASUT AMERLASSUS AAT (PAX) <sup>2)</sup>	ILAASUNUT AKILERAARUTAAT TAMAASA – TIKINNERNI ARLALINNI	AKILERAARUTIT AKILERNEQARTUT KATILLUGIT (UMIARSUALIVIM- MUT TULANNERIT KINGORNA ULLUP
--	--	--	--	---	--

		UNNUALLU AALLARTINNERA ATAASEQ) <sup>1)</sup>			UNNNUALLU AALLARTINNE- RANUT)
	BT	kr.		kr.	kr.
<b>SIKUKI NUUK HARBOUR A/S-IP ILUANI:</b>					
UMIARS UAQ 1	11.647	-	280	14.000	<b>14.000<sup>3)</sup></b>
UMIARS UAQ 2	29.009	-	606	30.300	<b>30.300<sup>4)</sup></b>
UMIARS UAQ 3	112.894	79.026	3.114	155.700	<b>234.726<sup>5)</sup></b>
<b>SIKUKI NUUK HARBOUR A/S-IP AVATAANI:</b>					
UMIARS UAQ 1	11.647	12.811,70	280	14.000	<b>26.812</b>
UMIARS UAQ 2	29.009	31.909,90	606	30.300	<b>62.210</b>
UMIARS UAQ 3	112.894	248.366,80	3.114	155.700	<b>404.067</b>

Oqaseqat: Bruttotonit annertussusiannik ilaasullu annertussusiannik assersuutit Visit Greenlandip misissuineranit maaji 2023-meersumit *Kalaallit Nunaanni umiarsuit takomariartaatit takomariartitsisarnerannik misissueqqissaarnerup ilaa*-nit tigusaapput. Ataatsimut isiginniffimmi ilaangillat akileraarutinut akitsuutinullu ilutsit allat, ilanngullugit takomarianut avatangiisinullu akileraarutit, kiisalu atuisartut akiliuteqartarneri. Taamaatorli *International Ship and Port Facility Security Code (ISPS)* ilanngullugu naatsorsorneqassaaq akiliutaasusaaq immikkut ittutut umiarsuarnut takomariartaatinut umiarsualiviup akinik allattuiffiani takuneqarsinnaassappat.

<sup>1)</sup> Pisariussannginnera pillugu taamaallaat umiarsualivimmi ulloq unnuarlu ataaseq toqqarneqarpoq.

<sup>2)</sup> Ataatsimut isiginnissinnaaneq pillugu umiarsuit takomariartaatit piginnaasaat umiarsualivimmut tikinnermi ilaasut umiarsuarmiittut amerlassusaannut assingussasut naatsorsuutigineqarput.

<sup>3)</sup> Ilanngutissaaq Sikuki Nuuk Harbour A/S-imut atuisartut akiliutaat: ullormut unnuamullu sisamanut (4-nut) ataasiakkaanut BT-nut ataasiakkaanut tamanut umiarsuarnut akigititaq 1,13 kr. (13.161 kr.), ilaasunut ataasiakkaanut tamanut pax-imut akigititaq 10 kr. (2.800 kr.), aamma ISPS-imik inissineq tikinnernut ataasiakkaanut tamanut 2.040 kr.: **katillugit 18.000 kr.-t missaat (tassalu akileraarutit ilanngullugit 32.000 kr.-t missaat)**

<sup>4)</sup> Ilanngutissaaq Sikuki Nuuk Harbour A/S-imut atuisartut akiliutaat: ullormut unnuamullu sisamanut (4-nut) ataasiakkaanut BT-nut ataasiakkaanut tamanut umiarsuarnut akigititaq 1,13 kr. (32.780 kr.), ilaasunut ataasiakkaanut tamanut pax-imut akigititaq 10 kr. (6.060 kr.) aamma ISPS-imik inissineq tikinnernut ataasiakkaanut tamanut 2.040 kr.: **katillugit 40.880 kr.-t missaat (tassalu akileraarutit ilanngullugit 71.000 kr.-t missaat)**

<sup>5)</sup> Ilanngutissaaq Sikuki Nuuk Harbour A/S-imut atuisartut akiliutaat: ullormut unnuamullu sisamanut (4-nut) ataasiakkaanut BT-nut ataasiakkaanut tamanut umiarsuarnut akigititaq 1,13 kr. (127.570 kr.), ilaasunut ataasiakkaanut tamanut pax-imut akigititaq 10 kr. (31.140 kr.) aamma ISPS-imik inissineq tikinnernut ataasiakkaanut tamanut 2.040 kr.: **katillugit 160.750 kr.-t missaat (tassalu akileraarutit ilanngullugit 395.476 kr.-t missaat)**

### Sikuki Nuuk Harbour A/S

Umiarsuarnik taakkulu atortorissaarutaannik atuinermut atuisartut akiliutissaannik akileeqqusinermik ilaqtartumik Kalaallit Nunaanni niuerfittut umiarsualivinnik ingerlatsinernut 2015-imit ilanngullugulu akuersissuteqartoqarsimanera sianigineqartariaqartoq Sikuki isumaqarpoq. Taamaalluni ingerlatsinernut aserfallatsaaliuinerinullu il.il. aningaasaliinissamut namminneq umiarsuarnut nioqqutaasunullu akigititaminnik atuisartut akiliutaat aqutugalugit umiarsualiviit niuerneramik ingerlatsiffiusut akileeqqusisartut, aammalu umiarsualiviit sinneri namminersorlutik oqartussanit pigineqartut, atuisartunit akiliisarnermik atuutsitsisoqarfiunngitsut, aammalu ingerlatsinerit aserfallatsaaliuinerillu piginnittumit Namminersorlutik Oqartussanit aningaasaliiffiusartut akornanni immikkoortitsisoqartariaqarpoq.

*Nuup Umiarsualiviani umiarsuarnut takornariartaatinut aalajangersimasunut umiarsualivimmiinnermut akileraarutit akiligaritinnissaannit pinngitsuuisitsinerup ilanngunnissaanut, aamma umiarsuarnut takornariartaatinut angisuunut akileraarutitut akigititamik appartitsinermik tusarniaanermut akissut tunngavissamik tunisisimavoq, atuisartut akiliutaasa aamma naalagaaffimmut akileraarutit katitigaanerisa nassatarisaannik Sikuki Nuuk Harbourimi akit inissisimaffiata qaffasippallaalernissaa paasilluarneqarmat. Taamaattorli umiarsualivimmiinnermut akileraarut atuuttoq – aamma umiarsuarni takornariartaatini ilaasunut akileraarutissatut siunnersuutigisaq – umiarsuarnik atuinernut atuisartunut akiliuteqartitsinermut, imaluunniit umiarsualivinnut namminersorlutik oqartussanit pigineqartunut ingerlatsinernut imaluunniit iluarsaassinernut immikkoortitatus aningaasaliissutinut takussutissatut inngillat. Umiarsualivimmiinnermut akileraarut, aamma siunnersuutigisatut umiarsuarni takornariartaatini ilaasunut akileraarut tassaapput nunatta karsianut isertitat allat assigalugit naalagaaffimmut isertitarisat, takukkit Kalaallit Airports Holding A/S-imit tusarniaanermut akissummut oqaaseqaatit.*

Umiarsualiviit pillugit inatsit nr. 9, 3. juni 2015-imeersumik akuersissuteqarnerup siuliani inatsisiliornermik piareersaalluni suliaqarnermut atatillugu umiarsualivimmiinnermut akileraarutitut inatsisip nassatarisaannik umiarsualivimmiinnermut akileraarutit akileeqqusisarnermut Sikukip pinngitsoortitaanissaata siunertaanera Sikukip ilisimatitsissutigaa.

*Tusarniaanermut akissut allannguuteqarnissamut tunngavissanik tunisisimannngilaq, siulianilu oqaaseqaatit tamatigoortumik innersuussutaapput. Kingusinnerusutut inatsit nr. 9, 3. juni 2015-imeersumut atatillugu inatsisiliornermik piareersaalluni suliaqarnermit takuneqarsinnaavoq aamma umiarsualiviit namminersorlutik oqartussat aamma kommunit pigisaat atuisartunut akileraaruteqarnernik atuutsitsiffiulernissaannut aporfissaqanngitsoq. Taamaalilluni niuerfiusutut ingerlatsinermut akuersissummut atuisartunut akiliisitsisarneq kisimi inissitaannngilaq.*

Visit Greenlandip misissuinerani atuneq eqqunngitsuusoq Sikuki isumaqarpoq. Akigitit inissisimaffiitut marlunnik naatsorsuisoqartariaqarpoq, ilaatigut ataaseq Namminersorlutik Oqartussat pigisaannik niuerfimiinngitsutut umiarsualivinnut, aammalu ataaseq umiarsualivinnut niuerfittut ingerlatanut. Sikuki malillugu Nuup Umiarsualivianut eqqortumik akinik naatsorsuineq umiarsualivinnut namminersorlutik oqartussanit pigineqartuni akiusunut naleqqiullugit 60 pct.-it missaannik qaffasinnerussaaq. Maannakkut Nuup Umiarsualivianut ”marloriaammik akiliuteqartarnerup” atorunnaarsinnissaa Sikukimut pingaarnerpaavoq, tassalu Nuup Umiarsualiviatut ittutut umiarsualivinni niuernermik ingerlatsiviusuni umiarsuit tikittarneri Namminersorlutik Oqartussanut umiarsualivimmiinnermut akileraaruteqartitaanerat pinngitsoortinneqassalluni.

*Nuummi umiarsuarnut takornariartaatinut aalajangersimasunut umiarsualivimmiinnermut akileraarutip akiliutigisarnernik pinngitsuuisitsinermik, aammalu umiarsuarnut takornariartaatinut angisuunut umiarsualivimmiinnermut akileraarummik annikillisinneqartumik ilanngussinissamut tusarniaanermut akissut tunngavissamik tunisisimavoq, takukkit oqaaseqaatit, ilanngullugu siulianiittutut takussutissiaq. Nalunaarusiami "KALAALLIT NUNAANNI UMIARSUIT TAKORNARIARTAATIT TAKORNARIARTITSISARNERANNIK MISISSUEQQISSAARNEQ"-mi Visit Greenlandip ilisimatitsissutaanut tunngatillugu nalunaarusiami assersuussinermik misissuinnermut nassuiaat tunngaviusorlu innersuussutigineqarput.*

Tikinnissaq sioqqullugu nal. akunneri siulliit 24-t immikkut pillugit akileraarutinut allattuiffimmik marloriaammik nassiusaqaarnissaq pillugu piumasaaqammut Sikuki paatsuungalluni inissippoq.

*Tusarniaanermut akissut allannguinnissamut tunngavissamik tunisivoq, tamatuma kingornatigut immersugassaq elektroniskiusoq atsiorsimasaq akileraaruseriffimmut taamaallaat ataasiarluni nassiunneqassalluni, tamannalu kingusinnerpaamik pissaaq umiarsuaq umiarsualivimmit imaluunniit kisarfimmit aallaraangat.*

Aallarnermit akileraarutinut immersukkat nassiunnerannut agguaqatigiissillugit ullut 30-t ingerlasarnerat Sikukip erseqqissarpaa – tassaallutik aallarneq sioqqullugu ullormit aallarnerup kingornatigut ullut 109-t tikillugit. Tassunga akileraarutitut akiligassap akilernissaanut aallarnermit ullut agguaqatigiissillugit 29,5-it ingerlasartut ilanngutissaaq – tassaalluni ullunit marlunnit (2-nit) ullunut 109-nut.

*Tusarniaanermut akissut allannguuteqarnissamut tunngavissamik tunisisimavoq, umiarsuarnut takornariartaatinut ullunik 14-inik akiliinissamut piffissamik killiliinissaaq akuerineqarmat. Taamaattorli umiarsualiveqarfimmut oqartussaasoqarfimmut akiliinissamut aalajangersakkanik oqaasertaliineq attanneqassaaq. Taamaallutik umiarsualiveqarfimmut oqartussaasunut akiliinissamut aalajangersakkat periuseq atuuttoq malittaraat, tamatuma kingornatigut umiarsualiveqarfimmut oqartussaasumut kingullertut piffissaaq eqqorlugu qaammammi tamakkiisutut umiarsualivimmiinnermut, umiarsuillu takornariartaatit ilaasuinut akileraarutinut, kiisalu akiligassanik akileeqqusissutinut nalunaaruteqarlunilu akiliuteqarnissaaq tassaalluni qaammatip malitsigisaani ullut 15.-iat.*

Suliamik akissarsisitsinani umiarsualivinnut niuerfittut ingerlatanut taakkununnga allaffissornikkut suliaassanik suliareqqusineq tunngaviusumik kukkunerusoq Sikukip isumaqarfigaa – tassungalu ilanngutissaaq kukkuneruisartumit nalunaarummik suliaqartitsinermik suliaasaq. Akileraarutinik akiligassanillu Sikuki akileeqqusineq ajorpoq, taamaallaalli akileraarutinut immersugassanik akiliutinillu tigusaqartarnerit

allaffissorfigalugit. Aningaasartat naatsorsuutitut ilanngunneqarneq ajorput, aammalu Sikukip naatsorsuuseriffiani ilaanatik.

*Umiarsualivimmiinnermut aamma umiarsuarni takornariartaatini ilaasunut akileraarutit, aamma avatangiisinut aserfallatsaaliuinernullu akiligassat nammineq nalunaarutigisassatut aaqqiissutitut sananeqaateqarput, tassani umiarsuup naalagaa, isumaqatiginninniartartua imaluunniit agentia paasissutissat nalunaarutigineqartut taakku eqqortuuneri pillugit ilumoorluinnarnermik nalunaarummik tunniussaqaqassallutik. Taamaattorli umiarsuarmit takornariartaammit nalunaarutit akiliutillu amigaatiginerani immersugassamik akiliinermillu tigusaqaannarnermut tamanna annertunermik pisariaqartitsissaaq. Suliassamik iluarsiinermiippoq malitseqartitsineq, tassalu nalunaarummik imaluunniit akiliummik tigusaqartoqassanngikkaangat.*

Umiarsualivimmiinnermut akileraarutitut inatsimmik nutaamik isumaliuteqarnissamut Sikuki siunnersuuteqarpoq, tassani ilaatigut nunatta imartaani ulloq unnuarlu aallartinneqartunut tamanut ilaasunut akileraarummik imaqaartumik. Ilaasunut akileraarummik akiliiffigisassanit ullunit unnuanillu tamakkiisunit umiarsualivimmut niuerfigisatut ingerlatami tikiffigisatut ullut unnuallu amerlassusaat ilanngaatigineqassapput.

*Tusarniaanermut akissut allannguuteqarnissamut tunngavissanik tunisisimannngilaq. Nunatta imartaaniinnermut ullormut akileraarutitip qanoq ilusilersorsinnaaneranut umiarsuaranut takornariartaatitut akileraarutitut piffissamut ungasissumut ilusiliornermi tamanna isumaliutigineqarsinnaavoq. Tamanna angallatit sumiissusersisarnerannut aaqqiissummik tutsuiginartuullunilu sanioqutassaannngitsumik pisariaqartitsissaaq, tassalu akileraarut tassannga tunngaveqartinneqassappat. Tamatuma saniatigut aaqqiissutitip taama ittup ilaatigut nunat tamalaani imartami inatsisini malittarisassanut il.il. ataqqinnilluni qanoq ilusilersugaasinnaanissaa misissorneqartariaqarpoq.*

### Visit Greenland

Visit Greenlandip ilaatigut pisarialittut pitsannorsaatit, aammalu umiarsualiveqarfinnik aserfallatsaaliuinerit, aammalu atortorissaarutit attuumassutillit ikiorsiisartullu sinnerisa qanoq aningaasaliiffiginissaannut periusissiamik paasiuminartumik kattussuussimasamillu pisariaqartitsinermik taakkartuisoq 2023-mi maajimi saqqummersitartik nalunaarusiaq, "Kalaallit Nunaanni umiarsuit takornariartaatit takornariartitsisarnerannik misissueqqissaarneq" innersuussutigaa, taamaalillutik umiarsuaatillit, umiarsuarni takornariartaatitigut tikeraat, aamma sumiiffiusuni takornariartitsinermik suliallit pissutsinik, naammattumik pitsaassuseqarlutillu isumannaatsunik peqassammata. Suliassaqarfimmi inatsisaasunut ataatsimoorussamik periusissiamik suliaqartoqartariaqarpoq, taamaalilluni kallerriutigeqqaanngisanik tassanngaannaq allannguutinik pisoqassanngimmat, imaluunniit assigiinngitsunit pisutut ataqatigiissaagarinngisanik inatsisiliorneritut arlalittut ittunik

pisogarani.

*Tusarniaanermut akissut allannguuteqarnissamut tunngavissamik tunisisimavoq, inatsit manna najoqqutaralugu kommunip attallugillu akiliutigisai isertitat aningaasartuutillu taakku kommunit naatsorsuutaanni immikkoortiterneqassammata, takukkit AECO-mit tusarniaanermut akissummut oqaaseqaatit. Taamaattorli nunatta karsianut isertitat allat assigalugit umiarsualivimmiinnermut akileraarutip aamma siunnersuutigisatut umiarsuarni takornariartaatini ilaasunut akileraarutip naalagaaffimmu akileraarutaanerat oqaatigineqassaaq. Taamaalilluni pineqanngillat aningaasaliissutit aalajangersimasunut atugassat, takukkit Qeqqata Kommunianit aamma Kalaallit Airports Holding A/S-imit tusarniaanermut akissutinut oqaaseqaatit. Siunnersuutigisatut avatangiisinut aserfallatsaaliuinnermullu akiliutit tassaapput naalagaaffimmu akiliutissat, taamaalillutik akiliutissanik akiliissutit ikiorsiissutinut, akiliutaasumut toqqaannartuunngitsumik akimuinatilluunniit attuumassuteqanngitsunut aningaasaleeqataasinnaallutik. Taamaattorli taamaallaat suliasaqarfiit takornariartitsinermik annertusisamit tassannga toqqaannartumik imaluunniit toqqaannartuunngitsumik sunniivigineqartut iluaquteqarsinnaasut siunnersuutigineqarpoq, takuuk akiliutip siunertaa. Akiliutip kommunit najugaqarfigisami nunallu immikkoortuani takornariartitsinermut periarfissanik ineriartortitsineq siunertaraa, tassungalu ajoqutaasinnaasut pakkersimaassallugit.*

2018-imi Svalbardimi misissueqqissaarsimaneq Visit Greenlandip erseqqissaavigaa, umiarsuarnut takornariartaatinut nalinginnaasunut ilaasoqartunut naleqqiullugit ilisimasassarsiorluni umiarsuit angalasartutut taaneqartartuni ilaasut agguaqatigiissillugit nunami tallimariaataata missaanik atuisarnerat taassuma takutillugu. Umiarsuarni takornariartaatini suliasaqarfiusumi siunissami eqqaaneqartumi atuisartut pillugit misissueqqissaarutip suliarinissaa Visit Greenlandip pilersaarutigaa.

Ullormut ataatsimut tunngavilimmik ”pax tax” (“ilaasunut akileraarut”) aallaaviatigut umiarsuaatilinnut, angalanerni ataasiakkaani tamani amerlanerpaanik tikitaqartitsisartunut aningaasartuutitigut artukkiinerpaassaaq, aammalu missiliuutigineqarpoq umiarsuit mikinerusut 400-nik ikinnerusunik ilaasoqartut (ilisimasassarsiorluni umiarsuit angalasartut) angalanerni ataasiakkaani tamani nalinginnarmik 5-6-inik tikitaqartartut, umiarsuilli tusindinik arlalinnik ilaasoqartartut akuttunngitsumik taamaallaat ataatsimik imaluunniit marlunnik tikitaqartartut. Akileraarutissanut iluserisassatut siunnersuutigisap ilisimasassarsiorluni umiarsuit angalasarnerannut piumasaqartarnermik annikillisaanissamut aarleqquteqartitsivoq, imaluunniit taamaassanngippat angalanerni ataasiakkaani tamani tikitaqartarnerit amerlassusaannik ikilisaassalluni, tamannalu annikinnerusumik piujuartitsisuussaaq, kiisalu angalanernut ataasiakkaanut tamanut takornarianut ataasiakkaanut nunami isertitat ikinnerit tunniutissallugit.

*Tusarniaanermut akissut allannguuteqarnissamut tunngavissamik tunisisimavoq,*

*umiarsuarnut takornariartaatinut angisuunut umiarsualivimmiinnermut akileraarutip marloriaatinngortinnissaa siunnersuutigineqarmat. AECO-mit tusarniaanermut akissummut oqaaseqaatini naatsorsuutininik assersuutaasut innersuutigineqarput.*

Sikuki Harbourimut, niuernikkut atugassarisaqartumik ingerlataasumut ajoqut annertoq, kiisalu akileraarutininut immersugassanik marloriaammik nassiussisarneq Visit Greenlandip erseqqissaavigai.

*Nuup Umiarsualivianut tikittunut umiarsuarnut takornariartaatinut aalajangersimasunut umiarsualivimmiinnermut akileraarummik akiliuteqarnissamut pinngitsuuinerup, kiisalu umiarsuarnut takornariartaatinut angisuunut akileraarutininut akigitamik annikillisisinerup ilanngunnissaannut tusarniaanermut akissut tunngavissamik tunisisimavoq, takukkit Kalaallit Airports Holding A/S-imit tusarniaanermut akissummut oqaaseqaatit, aammalu Sikuki Nuuk Harbour A/S-imit tusarniaanermut akissummut oqaaseqaatit.*

Kalaallit Nunaanni umiarsuarni takornariartaatini takornariartitsinermik piujuartitsisumik ineriartortitsineq pingaarnertut angallataatilinni, pinngortitami aamma illoqarfinni piujuartitsisumik ileqqoqarnissaq pillugu piumasaqaatinut imminnut malittarisaqarnissamik imminnut peqqusisunut, aammalu ilaasunut ataasiakkaanut tamanut nunamut annertunerpaamik aningaasaqarnikkut naleqartitanik pissarsisitsisunut aallaaveqassasut Visit Greenlandip nalilersuutigai. Tassunga atatillugu AECO-mi ilaasortat malittarissallugit imminnut pisussaaffigiligaattut avatangiisinut tunngasutut, isumannaallisaanermut tunngasutut aamma sumiiffinnut aalajangersimasunut tunngasutut najoqqutassiat 12-it Visit Greenlandip innersuutigai. Immikkoortortamik tassannga ineriartortitsinissaq Visit Greenlandip immikkut sammisaraa, aammalu piujuartitsisutut ileqqumik siuarsaanissaq sammisaqarfigalugu siunnersuummik takusaaqqinnissaq kaammattuutigalugu.

*Tusarniaanermut akissut allannguutininut tunngavissamik tunisisimavoq, umiarsuarnut takornariartaatinut angisuunut umiarsualivimmiinnermut akileraarutip marloriaatinngortinnissaa siunnersuutigineqarmat, takukkit aamma siuliani oqaaseqaataasut, aammalu AECO-mit tusarniaanermut akissummut oqaaseqaatit.*

### Kommune Kujalleq

Illoqarfinni, nunaqarfinni ataasiakkaani tamakkunani attaveqaasersuutit pilersillugillu aserfallatsaaliornerninut aningaasartuutit kommunip missingersuutaata iluani akilerneqartarnerat Kommune Kujalliup erseqqissaavigai. Akuttunngitsumik umiarsuit takornariartaatit tassaapput umiarsuit angisuut, ingerlatsiviusuni nungullartitsinernik nassataqartitsisut, sumiiffimmi najugallit annertussusaannut taamaallaat taakku naleqqussarneqarsimagaluarmata. 2023-miinnaq Qaqortumut umiarsuit takornariartaatit tikittussatut naatsorsuutigisat 60-iupput, taakku nassatarisaannik takornariat



tusindilikkaajussallutik. Atortorissaarutit pitsaanerit, utaqqisarfitut, issiavittut takisuutut, aamma perusersartarfittut atortorissaarutitut ilusillit pillugit takornariartitsinermik suliaqarfiusup kissaatigisai kommunip iliuuseqarfigerusukkaluarpai, taakkunungali aningaasartuutaasut takornarianut akileraarutit aqputigalugit matussusernissaat kommunip soqutigisaraa. Umiarsuit takornariartaatit angisuut avatangiisini annertuumik artukkiinermik nassataqartitsisarput, tamakkulu angalanermik suliaqartunit taarsiivigineqartariaqarput. Issittumi pinngortitap mianersuussassatut iluserisaanik tunngaveqartumik siunissami akileraarutip tamakkiisup qaffasissumut inissinnissaa Kommune Kujalliup takorusuppaa. Akileraarutinit isertitani annertunerusut kommuninut uterteqqinneqarnissaat Kommune Kujalliup takorusuppai. Umiarsuit takornariartaatit malitsigisaattut attaveqaasersuutitigut pisariaqartitanut naleqqiullugit ilaasunut ataasiakkaanut tamanut 20 kr. annikippallaartutut akiliutitut isigineqarpoq.

*Nunamut ikaarussinernut ataasiakkaanut tamanut umiarsuarni takornariartaatini ilaasunut ataasiakkaanut tamanut annertunerpaatut akiligassani akigititap 20 kr.-nit 50 kr.-nut qaffatsinneqassasutut siunnersuutigineqarmat tusarniaanermut akissut allannguuteqarnissamut tunngavissamik tunisisimavoq. Umiarsuarnut takornariartaatinut angisuunut umiarsualivimmiinnermut akileraarutip marloriaatinngortinneratigut avatangiisinit artukkiineq annikillisinniarneqarpoq, takukkit AECO-mit tusarniaanermut akissummut oqaaseqaatit.*

#### Nuuk Maritime Network (NMN)

Kalaallit Nunaanni umiarsualivinnut allanut tamanut, niuernermit tunngasumik ingerlanneqanngitsunut naleqqiullugu inatsisit atuuttut malillugit Nuummi umiarsualivimmut tikiqqeq umiarsuarmut takornariartaammut marloriaatai sinnerlugit akisuneroreersoq Nuuk Maritime Networkkip erseqqissarpaa. Umiarsuarni takornariartaatini ilaasunut akileraarummik eqqussineq NMN-ip tapersorsorpaa, kisiannili Nuummi takornariartitsinermik inuutissarsiuteqarfik, Nuummi umiarsualivik, aamma Nuummi mittarfik qanoq eqqorneqassasut tullerriaarlugit allattuiffigalugit. Pineqartoq tassaavoq umiarsualivinnut inatsisaasumi anguniakkanut akerliusumik toqqugarisatut tapiissutinik nussuineq. Kalaallit Nunaanni umiarsualivinnut tikinnerni aningaasartuutit tamakkiisut assigiissaarneqartariaqarput.

*Nuup Umiarsualivianut tikittunut umiarsuarnut takornariartaatinut aalajangersimasunut umiarsualivimmiinnermut akileraarummik akiliisitsinermik pinngitsuuisitsinerup, kiisalu umiarsuarnut takornariartaatinut angisuunut akileraarummut akigititat annikillisitat ilanngunnissaannut tusarniaanermut akissut tunngavissamik tunisisimavoq., takukkit Kalaallit Airports Holding A/S-imit tusarniaanermut akissummut oqaaseqaatit, aamma Sikuki Nuuk Harbour A/S-imit tusarniaanermut akissummut oqaaseqaatit.*

Visit Greenlandip nalunaarusiaanit ”KALAALLIT NUNAANNI UMIARSUIT TAKORNARIARTAATIT TAKORNARIARTITSISARNERANNIK MISISSUEQQISSAARNEQ”-mit paasissutissanut innersuussissut paasissutissanik assut eqqunngitsunik saqqummiussinermik tunisinera NMN-ip isumaqarfigaa.

*Tusarniaanermut akissut allannguuteqarnissamut tunngavissamik tunisisimannigilaq, takukkit Sikuki Nuuk Harbour A/S-imit tusarniaanermut akissummut oqaaseqaatit.*

Nunanut Allanut, Inuussutissarsiornermut Niuernermullu Naalackersuisoqarfik

Kangerlussuup Umiarsualivianut umiarsualivimmiinnermut akileraarutunik akileeqqusinissamik Ineqarnermut Attaveqaasersuutinullu Naalackersuisoqarfiup siunertaqarnera Nunanut Allanut, Inuussutissarsiornermut Niuernermullu Naalackersuisoqarfiup ilisimatitsissutigaa, aammalu akileeqqusinerit ilaatigut aserfallatsaaliuinerit nutarsaanernullu atorneqassanerit ilisimatitsissutigisimallugu. Umiarsualivinni tamani, Sikuki Nuuk Harbour A/S-imit ingerlanneqartuni siunertanut assigiinnut akiliutissanik akileeqqusisarnissaq Naalackersuisoqarfiup tulluartutut isiginngilaa. Taamaattumik akileraarutissatut siunnersuutigisat pisarialittut inatsisilersortariaqassapput.

*Tusarniaanermut akissut allannguuteqarnissamut tunngavissamik tunisisimannigilaq, Kangerlussuarmi umiarsualiviup, imaluunniit umiarsualiviit allat atornissaat umiarsualivinnut allanut naleqqiullugit qanoq annertutigisumik malunnaatilimmik akisunerunissaat, imaluunniit akisunerulernissaat, taamaalillutillu naligiissuunngitsumik unammillernermik aarlerinartorsiortitsissanerat ilisimatitsissutigineqarsimannigimmat. Nuup Umiarsualivianut siunnersuutigisatut aaqqiissutaasoq unammillernermi pissutsinik sianiginninnerinnarmik tunngaveqarpoq. Umiarsualiviit allat, ilanngullugit Sikuki Nuuk Harbour A/S-imit ingerlanneqartutut umiarsualiviit allat atuisartunit akiliutinit annertunernit ilusilinnit isertitarisanik annertusaassappata Nuup Umiarsualivianut unammillernermi pissutsit pitsannngorsartitaassapput. Taamaalilluni apeqqut aalajangiisoq tassaannigilaq umiarsualivik ataaseq annertunerusumik imaluunniit annikinnerusumik niuernermik ingerlatarineqartuunera, umiarsualivinnulli allanut unammillertoqarnermut umiarsualiviup qanoq inissisimaffeqarnera apeqqutaavoq.*

Avatangiisinut aserfallatsaaliuinerimullu akiligassamut atatillugu pisariaqanngitsumik annertusisamik allaffissornikkut ilungersuutigisassamik Naalackersuisoqarfik aarleqquteqarpoq.

*Tusarniaanermut akissut allannguutissanut tunngavissamik tunisisimannigilaq. Ilumoorluinnarnermik nalunaaruteqarnermik ilaqartumik nammineq nalunaaruteqartarnissamut aaqqiissutitut avatangiisinut aserfallatsaaliuinerimullu akiliutissaq sananeqaateqarpoq, takukkit Sikuki Nuuk Harbour A/S-imit tusarniaanermut*

*akissummut oqaaseqaatit. Allattoqarfimmi ingerlatassat pisariunngilluinnartinneqarput, umiarsualivimmiinnermut aamma umiarsuarni takornariartaatini ilaasunut akileraarutit, kiisalu avatangiisinut aserfallatsaaliuinernullu akiliutissat umiarsuarnit takornariartaatinit aallartunit umiarsualiveqarfimmi oqartussaasoqarfimmut regnearkimi ataatsimi kattullugit nalunaarutigineqarlutillu akiliutaasassammata. Umiarsualiveqarfimmut oqartussaasoq akileraaruseriffimmut kattussilluni nalunaaruteqartarlunilu naatsorsuutinik inissiisassaaq. Tamatuma kingornatigut ukiumut ataasiarluni akileraaruseriffik kommuninut ataasiakkaanut taakkununga naatsorsuutinik inissiisarpoq.*

Angallatinut takornariartaatinut mikinernut minnerpaamik annertussusilittut akigititassamik atuutsitsisoqartariaqartoq Naalakkersuisoqarfik isumaqarpoq.

*Umiarsuarnut angallatinullu mikisunut minnerpaamik annertussusilittut akigititassamik, Nuup Umiarsualiviani atorreqartup assinganik ilanngussinissamut tusarniaanermut akissut tunngavissamik tunisisimavoq. Taamaalluni umiarsuarnut angallatinullu akileraarutinik akiliisussatut pinngitsoortitaanngitsunut tamanut umiarsualivimmiinnermut akileraarut minnerpaamik 70 bruttoninut (BT-nut) akiliuteqartoqartassaaq. Taamaattorli umiarsuarmi takornariartaammi ilaasunut akileraarutaasunut (tikinnermi umiarsuarmi takornariartaammi ilaasut umiarsuarmiittut amerlassusaannik tunngaveqartitaasunut), imaluunniit avatangiisinut aserfallatsaaliuinernullu akiligassamut (sioqqutsisumik umiarsuarmi takornariartaammi ilaasut nunamut ikaarussat, aamma umiarsuarmi takornariartaammi ilaasut umiarsuarmiittut amerlassusaannik tunngaveqartup) akornannut atatillugu angallatip takornariartaatip angissusaanik tunngaveqartumik minnerpaamik annertussusilittut akigititamik atuutsitsilernissaq pisariaqassanngilaq. Akileraarutit aamma akiligassat taamaallaat umiarsuarnut takornariartaatinut, taakkulu ilaasuinut akiligassiissutaapput.*

Ataatsimut isiginnissinnaanissaq pillugu inatsisit allannguuteqarfigisat tamarmik inatsimmit pingaarnermi ataatsimit taarserneqarnissaat Naalakkersuisoqarfiup kaammattuutigaa.

*Tusarniaanermut akissut allannguuteqarnissamut tunngavissamik tunisisimannngilaq. Maannakkut inatsimmik pingaarnermik nutaamik suliaqarneq toqqarneqanngilaq, siunertaq tassaaginnarsimammat umiarsuarni takornariartaatini ilaasunut akileraarutit atuutilerseqqinnissaa. Taamaattorli suliap ingerlanerani kissaatigisat siunnersuummik annertusaasimapput. Pitsaanerpaarpaatut isigissagaanni ingerlatarineqartuartunik nalunaarutinik suliaqartoqartariaqaraluarpoq.*

#### Kalaallit Nunaanni Sulisitsisut Peqatigiiffiat (Grønlands Erhverv (GE))

Umiarsualiviit niuerfittut ingerlanneqartut aamma namminersorlutik oqartussanit pigineqartut akornanni assigiinngisitaarinermut siunnersuut isummertuunngitsoq Kalaallit Nunaanni Sulisitsisut Peqatigiiffiat isumaqarpoq, tamannalu sorpiaat piviusut isummerfigineqarnerinik,

aammalu siunnersuutip kingunerisinnaasanik sorlernik nassataqassaneranik Inatsisartunut erseqqissaaniarluni siunnersuummut oqaaseqaatini takuneqarsinnaasariaqarpoq. Ukiut tullerriaarlugit pissutsinik pitsanngorsagaasimasunik takusaqartalerlutik tikitaminnut umiarsualivinni atortorissaarutinik tamakkuninnga pitsanngorsaanissamut akiliutigisamik atorineqarnissaannik umiarsuaatileqatigiit naatsorsuuteqarnerat GE-p isumaqarfigaa. Nuummi mittarfimmur nutaamut aningaasatigut naatsorsuuteqarnernut tunngavigisat ilaat ilaatigut tassaasimavoq Nuummi umiarsuit takornariartaatit tikinneri amerlanerit, aammalu turnaroundsit amerlanerit naatsorsuutigisassaanerat.

*Sikuki Nuuk Harbour A/S-imi umiarsuarnut takornariartaatinut aalajangersimasunut umiarsualivimmiinnermut akileraarummik akiliuteqarnissap pinngitsoortinnissaanik, aamma umiarsuarnut takornariartaatinut angisuunut umiarsualivimmiinnermut akileraarutitut akigititap appartinnissaanik ilanngussaqaarnissamut tusarniaanermut akissut tunngavissamik tunisisimavoq, takukkit Kalaallit Airports Holding A/S-imit tusarniaanermut akissummut oqaaseqaatit. Umiarsualivimmiinnermut akileraarutip aamma siunnersuutigisatut umiarsuarni takornariartaatini ilaasunut akileraarutip naalagaaffimmur akileraarutaanerit erseqqissaavigineqassapput, taakkulu tassaannigillat umiarsualivinnik atuinernut atuisartut akiliutigisartagaat, tasaanatillu aningaasat siunertanut aalajangersimasunut atugassat, umiarsualivinnut 1:1-imit uterteqqinneqartussat.*

#### Kommuneqarfik Sermersooq

Akileraarutit ilusilersugaanerannut Kommuneqarfik Sermersooq assorsuaq aarleqquteqarpoq, tamatumani allaffissornermi suliarisassat pissutigalugit, aammalu sipaaruteqarniarluni tikiffissat/illoqarfiit amerlasuut toqqassannginnerannut umiarsualivinnut tikinnernut ataasiakkaanut tamanut, aammalu pinngortitamut tikinnernut ataasiakkaanut tamanut umiarsuit takornariartaatit akiliisinneqartarnissaannut tunngatillugu. Avatangiisinut aserfallatsaaliuinemullu akiliutissamit isertitarisassat sumut tunngasuunissaannik aalajangersimasoqannginnera, tamatumalu nassatarisaanik uppernarsaassuteqarnissamut piumasqaataasoq aamma aarleriffigineqarpoq. Akigititap aamma akiliutit toqqaannartumik Inatsisartut inatsisaannut ilanngunneqarnissaata tulluurtuunnginnera tamatumunnga ilanngutissaaq.

*Tusarniaanermut akissut allannguuteqarnissamut tunngavissanik tunisisimannigilaq. Umiarsualivimmiinnermut akileraarut ullumikkulli tikinnermut tunngavilittut akileraarutaareerpoq. Siunnersuutigisatut umiarsuarmi takornariartaamma ilaasumut akileraarut, aamma siunnersuutigisatut avatangiisinut aserfallatsaaliuinemullu akiliutissaq umiarsualivimmiinnermut akileraarut peqatigalugu – regnearkimi ataasiinnarmi tassani – nalunaarutigineqarlutillu naatsorsuutinut inissinneqartassapput. Siunnersuutigisatut avatangiisinut aserfallatsaaliuinemullu akiligassaq tassaavoq naalagaaffimmur akiliut, isertitarisanut sumut tunngasuutitsinermik malittarinnettussaannigitoq, inatsisikkulli*

*aalajangerneqartussaq, ilanngullugu annertunerpaatitatut akiliutigisanut akigititassaq, takukkit AECO-mit tusarniaanermut akissummut oqaaseqaatit.*

Umiarsualiviit niuernermit ingerlataqarfigisat, aamma umiarsualiviit taamatut ingerlanneqanngitsut akornanni immikkoortitsisoqanngimmat kukkusutit paasisitsiniaaneq pineqartoq Kommuneqarfik Sermersooq isumaqarpoq. Sikuki Nuuk Harbourimi umiarsuarnut ilaasunullu akigitat erseqqissaavigineqarput. Tikiffissamut tikinnermut aningaasartuutit tamakkiisut taakku umiarsualiviit niuernermit ingerlataqarfigisat, taamatullu ingerlanneqanngitsut akornanni assigiissaarneqartariaqarput.

*Sikuki Nuuk Harbour A/S-imi umiarsuarnut takornariartaatinut aalajangersimasunut umiarsualivimmiinnermut akileraarummik akiliinissap pinngitsoortinneranik, aamma umiarsuarnut takornariartaatinut angisuunut umiarsualivimmiinnermut akileraarummut akigitat appartinneranik ilanngussinissamut tusarniaanermut akissut tunngavissanik tunisisimavoq, takukkit Kalaallit Airports Holding A/S-imit tusarniaanermut akissummut oqaaseqaatit, aamma Sikuki Nuuk Harbour A/S-imit tusarniaanermut akissummut oqaaseqaatit.*

Akiligassamik akiliisitsinermik nassataqartussanik sightsit/pinngortitami tikiffissat sorliit kommunit ataasiakkaat namminneq aalajangersinnaassappatigit tamanna annertunerusumik ilungersuutaassasoq Kommuneqarfik Sermersooq isumaqarpoq. Tamanna umiarsuit sumut tikissimanerannik nakkutilliiniarnermut isumalluuterpassuarnik pisariaqartitsissaaq.

*Tusarniaanermut akissut allannguuteqarnissamut tunngavissanik tunisisimannngilaq. Atsiorneqartutut ilumoorluinnarnermik nalunaarummi nunamut ikaarussinerit sorliit, qanorlu amerlatigisut nammineq nalunaarutiginerinik aaqqiissutitut avatangiisinut aserfallatsaaliuinnermullu akiligassaq sananeqaateqarpoq, taannalu umiarsualivimmiinnermut aamma umiarsuarmi takornariartaammi ilaasunut akileraarutininik nalunaarutaasumut ilanngullugu umiarsualiveqarfimmi oqartussaasoqarfimmut nassiunneqassaaq, takukkit Sikuki Nuuk Harbour A/S-imit tusarniaanermut akissummut oqaaseqaatit.*

Pitsaanerusumik pilersaarusiornissaq Kommuneqarfik Sermersuup ujartorpaa, soorlu ullormi ataatsimi tassani umiarsuit takornariartaatit marluk ataatsikkut tikitsinneqartassanatik. Umiarsuarnik takornariartaatinik takornariartoqarnermit akileraarutinit isertitat sumiiffimmut, attaveqaasersuutininut assingisaannullu aningaasartuuteqartunut tuttaqquai. Taamaattumillu isertitat umiarsuarnik takornariartaatinik takornariaqarfiusunut sumiiffinnut isertitat umiarsualivinni atortorissaarutininik pitsanngorsaanernut, aamma takornariartitsinermi attaveqaasersuutininut immikkut atugassiarineqassallutik. Siunnersuummik isumaliuteqaqqinnissaq Kommuneqarfik Sermersuup kissaatigaa.

*Tusarniaanermut akissut allannguuteqarnissamut tunngavissamik tunisisimannigilaq, Qeqqata Kommunanit tusarniaanermut akissummut oqaaseqaatit, aammalu Kalaallit Airports Holding A/S-imit tusarniaanermut akissummut oqaaseqaatit innersuutigineqarput. Umiarsuit takornariartaatit tikinnissaannik, aamma umiarsuit takornariartaatit tikittut tamakku piffissamut sumiiffiusumullu tunngasutut siammarterinissamik pilersaaruseriornerit umiarsualivimmiinnermut aamma umiarsuarnut takornariartaatinut akileraarutinut inatsisaasup siunertaata avataaniipput.*

### Avannaata Kommunia

Umiarsuit takornariartaatit angisuut, annertunermik mingutsitsisut umiarsualivimmiinnermut akileraarummik annertunerusumik akiliisitaasarnissaannik Avannaata Kommunia isumaqarpoq. Umiarsualivimmi inissamik killeqartumik umiarsuit annertuumik inissisimaffeqartarmata umiarsuit takornariartaatit angisuut tamatigut umiarsualivimmiinnermi akileraarummik annertunermik akiliisittariaqarput, soorlu ullormut unnuamullu aallartinneqartunut ataasiakkaanut tamanut BT-nut ataasiakkaanut tamanut 5 kr.-nik. Umiarsuit kisartarfimmiittut, tassalu umiarsualiviup avataani kisaqqasut akileraarutini ilaatinneqartariaqarput. Avatangiisinut aserfallatsaaliuinemullu akiligassaq ilaasunut ataasiakkaanut tamanut annertunerpaatut 50 kr.-nut aalajangerneqartariaqarpoq, isertitalu kommuninut tutsinneqartariaqarlutik, taakkulu akiliisitsiniarnermik suliassamut aamma taarsiivigineqartariaqarput (217.000 kr.-nik).

*Tusarniaanermut akissut allannguuteqarnissamut tunngavissamik tunisisimavoq, umiarsuit takornariartaatit angisuut umiarsualivimmiinnermut akileraarummik marloriaammik akiliisussanngornerat siunnersuutigineqarmat, takukkit AECO-mut oqaaseqaatit. Tamatuma saniatigut avatangiisinut aserfallatsaaliuinemullu akiligassap umiarsuarni takornariartaatini ilaasunut ataasiakkaanut tamanut annertunerpaatut 20 kr.-nit annertunerpaatut 50 kr.-nut qaffanneqassasoq siunnersuutigineqarpoq, takukkit Kommune Kujallermit tusarniaanermut akissummut oqaaseqaatit. Umiarsualivimmiinnermut aamma umiarsuarni takornariartaatini ilaasunut akileraarummik, kiisalu avatangiisinut aserfallatsaaliuinemullu akiliummik nalunaaruteqarnerit aamma akiliuteqarnerit ataatsimoortillugit sumiiffigisami umiarsualiveqarfimmut oqartussaasumut pisassasut oqaatigineqassaaq. Umiarsualiveqarfimmut oqartussaasup akileraarutinut akiliutissat, aamma akiligassamik akileeqqusissutit tamakkiisut akileraaruseriffimmut akiliutigissavai, taannalu tamatuma kingornatigut kommuninut ataasiakkaanut taakkununnga ukiumoortumik naatsorsuutinik inissiinermik isumaginnittuussaaq.*

Akileraarutissatut siunnersuutigisat taakku saniatigut takornarianut unnuisunut, ilanngullugit backpackerinut (nammattagalisarlutik takornariartunut) unnuisunut akileraarusiisoqassasoq Avannaata Kommuniata siunnersuutigaa. Tikinnermi avatangiisinut aserfallatsaaliuinemullu

siunertanut 50 kr.-nik akiliisarneq periarfissatut eqqaaneqarpoq. Tamakku saniatigut aaqjissuussinerit eqqaaneqarput, soorlu UNESCO-p nunarsuarmioqatigiinnut kingornutassiaa Sermermiut aqqusaarlugu maratonnimik arpaliunnermut.

*Tusarniaanermut akissut allannguutissanut tunngavissamik tunisisimannngilaq, akileraarutitut ilassutit siunnersuutigisat umiarsualivimmiinnermut aamma umiarsuarni takornariartaatini ilaasunut akileraarusiinnermut inatsisip siunertaasa avataaniinneri pissutigalugit.*

#### Ineqarnermut Attaveqaasersuutinullu Naalackersuisoqarfik

Umiarsualivimmit aalajangersimasumit isertitat umiarsualivimmi pineqartumi pissutsinik pitsanngorsaanissamut iluaqutaanissaat Ineqarnermut Attaveqaasersuutinullu Naalackersuisoqarfiup tulluartautilugit isigai. Takornarianit tikinneqarsinnaasutut naatsorsuutigineqartunik umiarsualivinnik iluarsaassinerit, umiarsualivimmi tikilluaqqusisarfiup allineqarnissaat, kikkunnit tamanit atorneqarsinnaasutut perusuersartarfiit, eqqaaviit, pisuinnartunut aqutissiat, utaqqisarfiit il.il. umiarsuarnik takornariartaatinik suliffissuaqarfiup ugartugarai.

*Tusarniaanermut akissut allannguuteqarnissamut tunngavissamik tunisisimannngilaq. Taamaattorli nunatta karsianut isertitatulli allatut umiarsualivimmiinnermut akileraarutip, aamma siunnersuutigisatut umiarsuarni takornariartaatini ilaasunut akileraarutip naalagaaffimmu isertitaanerit oqaatigineqassaaq. Akileraarutinit isertitat nunatta karsiani ilaalissapput, taakkunungalu iliuuseqarfissatut suliassaqarfinnik tamakkiisumik politikikkikut pingaarnersiuisoqassaaq, taakkunani umiarsualivinnik iluarsaassinerit suliassani ilaaginnartuullutik. Taamaattumik aningaasaliissutit aalajangersimasunut atugassat pineqanngillat, takukkit Qeqqata Kommunianit tusarniaanermut akissummut oqaaseqaatit, aamma Kalaallit Airports Holding A/S-imit tusarniaanermut akissummut oqaaseqaatit.*

Umiarsualiviit niuernermit ingerlataqarfigisat, aamma pisortanit pigineqartutut umiarsualiviit akornanni immikkoortitsisoqassasoq Naalackersuisoqarfiup sakkortuumik kaammattuutigerusuppaa. Umiarsualivinni niuernermit ingerlataqarfigisani akileraarutit inissisimaffiannik annertusisamik atuutsitsilernissaq Naalackersuisoqarfiup tulluartausutut isiginngilaa, umiarsualiviit niuernermit ingerlataqartut Naalackersuisut akuerisaattut akigititatik aqutitigalugit namminneq ingerlatsivimminnik aserfallatsaaliuinerit, iluarsaassinerit nutaaliangortitsinerillu isumagisarmatigit.

*Sikuki Nuuk Harbour A/S-imi umiarsuarnut takornariartaatinut aalajangersimasunut umiarsualivimmiinnermut akileraarutit akiliisitsinissamik pinngitsuisitsinermit, aammalu umiarsuarnut takornariartaatinut angisuunut umiarsualivimmiinnermut akileraarutit akigititat appartinnerit ilanngussinissamut tusarniaanermut akissut tunngavissamik tunisisimavoq, atuisartunut akiliisitsissutit aamma naalagaaffiup akileraarutigisaasa*

*katitigaanerisa nassatarisaannik Sikuki Nuuk Harbourimi akit inissisimaffiisa qaffasippallaarnerisa akuerineqarnerat pissutaalluni, takukkit Qeqqata Kommunianit tusarniaanermut akissummut oqaaseqaatit, aamma Kalaallit Airports Holding A/S-imit tusarniaanermut akissummut oqaaseqaatit. Namminersorlutik Oqartussat aamma kommunit umiarsualiviini atuisartunut aamma akileraarutinik atuutsitsilernissamut aporfissartaqanngilaq, tamannalu Naalackersuisut sulissutigaa. Taamaalillutik inatsit nr. 9, 3. juni 2015-meersukkut ilaatigut Namminersorlutik Oqartussat umiarsualiviinik, aamma kommunit umiarsualiviinik atuinernut akigititassat aalajangernissaannut Naalackersuisut piginnaatitaapput. Taamaalilluni niuernermik ingerlataqarnermut akuersissutaannarmut atuisartunut akiliuteqartitsineq tunngasuutinneqanngilaq, takukkit Sikuki Nuuk Harbour A/S-imit tusarniaanermut akissummut oqaaseqaatit.*

Kommunini tunngasuuffimmi siunnersuutigisatut avatangiisinut aserfallatsaaliuinemullu akigititamik allaffissornissaq Naalackersuisoqarfiup aarleqquteqarfigaa, sumiiffiusuni umiarsualiveqarfimmut oqartussaasut akiliisitsiniarnermut ikiorsiisinnaanissaat naatsorsuutigineqanngimmat. Taamaattumik ilungersuutigisassamik tassannga isumaginninnissamut aaqqiissummik nassaartoqartariaqarpoq.

*Tusarniaanermut akissut allanguuteqarnissamut tunngavissanik tunisisimannngilaq. Siunnersuummi takuneqarsinnaasutut umiarsualivimmiinnermut, umiarsuarni takornariartaatini ilaasunut akileraarut, aamma avatangiisinut aserfallatsaaliuinemullu akiliutissaq nammineq nalunaaruteqarnissamut aaqqiissutitut sananeqaateqarput, tamatumani atsiorneqartutut ilumoorluinnarnermik nalunaarut umiarsuup naalagaata, isumaqatiginninniartartuata imaluunniit agentiata nassiutissallugu, takukkit AECO-mit tusarniaanermut akissummut oqaaseqaatit, aamma Sikuki Nuuk Harbour A/S-imit tusarniaanermut akissummut oqaaseqaatit.*